




Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
1152/A








Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
1152/A






Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
1152/A




Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
1152/A
















44240

DE  
NATVRA  
LV CIS.

Authore ISMAELE BVLLIALDO  
Iuliodunenſi.




P A R I S I I S,  
Apud LVDOVICVM DE HEVQVEVILLE,  
viâ Iacobæâ, ſub ſigno Pacis.

M. D C. XXXVIII.

CV M PRIVILEGIO REGIS.

*Clariff<sup>o</sup> ac Doctiffimo Viro D<sup>no</sup>  
Martino Hortenſio Mathematicarum  
artium in Academia celebri Amſtelod.  
Profeſſori. donat Iſmael Bullialdus*









NOBILISSIMO ET  
ILLVSTRISSIMO VIRO  
Domino Iacobo Augusto  
Thuano I. Aug. F. Bonæ-  
vallis Abbati Patrono co-  
lendissimo S. P.



*Enerosis tuis virtutibus,  
Vir illustrissime, singu-  
lari præsertim humanita-  
ti, tot nominibus sum de-  
uinctus, ut, cum me his vin-  
culis exoluendi neque animus sit, iuuat  
enim tam suauibus, & mollibus teneri,  
neque res meæ tales sint, ut mihi credita  
renumerare tibi possim; hoc vnum ha-  
beam, palam profiteri quàm multa tibi  
debeo, ne ingratus, & beneficiorum im-  
ā ij.*



memor apud omnes traducar. Fecisti  
namque mihi otium dulcissimum, per  
quod ad musas propius ingredi licet, quin  
potius ad illas aditum mihi iam reserasti,  
& interiores earum ades, in familiam  
tuam coopratum perduxisti. Musarum  
enim apud te omnia plena, & hoc sane  
penitus sensi, haud aliter quam illi, qui in  
terras deuehuntur per quas tenuis, &  
clemens aër molliter fluit, auræque mites  
perflant, sibi etenim præcordia relaxari,  
& letitiam quandam intus emergere  
sentiunt, dum illâ suavis aëris adspiratio-  
ne cor expanditur, hinc mentis, atque  
adeo corporis habitus melior, eo siquidem  
aëre, quem spiramus, viuimus, huiusce-  
modi fælicitatis mihi sum conscius dum  
præteritis præsentia compono, & ea vitæ  
tranquillitate fruor, quam olim sperare  
vix ausus fuisssem; nefas equidem ad-  
mitterem, si, quos fructus studiorum meo-  
rum percepi, quamuis paucos huc vsque,  
& tennes, tibi non offerrem, cum ipse in-



crementum eis dederis, & quamvis tua  
erga me beneficia cessarent, quod magis  
faustum nomen inuocare possem, quam  
Thuanum, quod maiorum tuorum, &  
recēs Patris tui ἑταίρου, heroicis virtutibus,  
& operibus aeternitati consecratum est?  
& cui decus nouum ex tanto patre nati  
affertis tuque, fraterque tuus Nobilissimus,  
& genorissimus Franciscus Augustus  
Thuanus vir omnibus virtutibus abunde  
instructus, & Patriæ suæ bono natus.  
Tantum profecto nomen mihi patrocinari  
inter meliores vitæ, fortunæque meæ par-  
tes repono. Hoc igitur opusculum meum  
tibi offero terram omnium matrem imita-  
tus, quæ sinum suum pandens fœtus suos  
omnes versus cælum porrigit, & ei quo-  
dammmodo illos offert benignorum in-  
fluxuum quos ab ipso accepit memor.  
Hoc ipsum ab ipsa luce, cuius naturam  
expressam exhibeo, doceor, quæ ad fon-  
tem suum recurrit cum rectis incidit an-  
gulis, nec ex obliquo allapsa est; à naturæ



igitur recederem legibus, & ipsas viola-  
rem, si post tot beneuolentia tua effectus  
quos in me rectos direxisti, grati animi  
signum aliquod tibi non redderem; eo igi-  
tur animo quo studia mea promouisti ac-  
cipe opusculum quod illis elaboratum est,  
& me amare non desine ut animus ad  
maiora non desit. Vale vir nobilissime

Scribebat Lutetiæ Parisiorum  
in ædibus tuis ex A. D. III. Kal.  
Septemb.

Tuus obsequentissimus, &  
humillimus seruus ISMAEL  
BULLIALDVS.



## AD LECTOREM.



Irum est, lucis, rei maximè omnium sensibilis, naturam tam ignotam, & obscuram esse, ita vt inter philosophos nondum constet quid sit, siue sub quo genereretur reponenda. Quidam enim accidens eam esse volunt, neque tamen quodnam sit hactenus determinatum est. Alij substantiam asserunt, sed inter illos de eius genere proximo etiamnum decertatur: sunt enim qui illam corpoream constantissimè dicant; sunt qui incorpoream. Nonnulli mediam inter substantiam, & accidens collocant, nec desunt qui ipsam ad merum nihil accedere volunt, cum ipsius existentiam tenuissimam constituunt, & ad ens intentionale illam reuocant. Parmenides verò de eâ tam magnificè sentiebat, vt vnum, idque præcipuum, principiorum faceret, sensibilium enim principia ipse constituerebat  $\phi\omega\varsigma$   $\chi\alpha\iota$   $\sigma\acute{o}\tau\omicron\varsigma$ , lumen, & tenebras, siue  $\pi\tilde{\upsilon}\rho$ ,  $\chi\alpha\iota$   $\gamma\lambda\omega$ , ignem, & terram, vt referunt Aristoteles lib. i. physic. c. 5. & Simplicius eiusdem libri comment. 4. Plærique verò eorum qui naturam lucis con-



siderauerunt; non omnibus necessariis in-  
structi ad opus se accinxere: optices enim ut  
plurimum ignari, solis coniecturis ducti na-  
turam illius exquisierunt, & à veritate in  
pluribus abducti sunt; infœliciter verò con-  
tigit, ut opticae disciplinae peritissimi, phy-  
sicarum quoque rerum Alhazenius, & Vitel-  
lio, operationes, & proprietates illius tan-  
tummodo enumerauerint, rem tamen infe-  
ctam reliquerint, non difinita lucis natura.  
Franciscus Patricius noua methodo hanc  
difficultatem aggressus est, quæ ipsi in plu-  
ribus bene cessit. Postremo Ioannes Ke-  
plerus vir ingeniosissimus in Paralipomenis  
ad Vitellionem Opticas cum physicis con-  
iunxit rationes, dum lucis essentiam inquirat.  
Sæpius tamen pungere videtur non perfo-  
rare, & aliquando contraria inter se dicere  
deprehenditur. Cæteros quid enumerem?  
omnes enim fere Aristotelem secuti, non la-  
borauerunt in veritate exquirenda, sed cer-  
tatim Aristotelis sententiam tuentur ei secu-  
rè acquiescentes: malum tamen non quod-  
libet plurimos illorum exagitat, cum inter  
se de sensu verborum Aristotelis pugnant,  
omissa enim rei pulcherrimæ contemplatio-  
ne, ad rixas vertuntur vanissimas, & inter  
illos, quasi seditione furentes, volât figmen-



ta, & verba monstros similia, quibus sese  
contundere, & confodere nituntur. Hanc  
ob causam ab illa Peripateticorum receden- *turba*  
dum esse putavi, & quia ipsos ut partibus  
ducis sui faueant experientiis sensibilibus,  
& verissimis auctoritatem detrahare per-  
spexi.

Iniquum sane foret, Lector optime, Ari-  
stotelis perpulchra scripta maledictis laces-  
sere, & frustra esset, qui tanti viri famam la-  
befactare conaretur. Equidem inter vete-  
rum veneranda monumenta Philosophica,  
quæ temporum iniuriis sese eripuerunt, Ari-  
stotelis libros primas sibi partes vindicare  
non ægrè ferendum est, multiplicis namque  
eruditionis pleni sunt, cuius vestigia apud  
authores, qui in libris etiamnum viuunt, vix  
apparent. Artem differendi tam pulchrè  
exornauit, ut ipsa maximè iuuet rationis  
progressum, dum in viam rectarum conclu-  
sionum dirigit, & à falsis quomodo sit ca-  
uendum monet, varium, & in plurimis ver-  
satum ingenium satis probant Politica,  
Rhretorica, Moralia, variaque problemata,  
alij denique ipsius cōmentarij qui supersti-  
tes adhuc leguntur. Nullus tamen propte-  
rea tenetur illius opinionibus tam pressè in-  
sistere, ut si à veritate deflectere deprehen-



datur, ab ipso quoque secedere, cuiuslibet non  
liceat; non enim omnia sciuit Aristoteles, &  
plurima tempore illius ignorabantur quæ  
posterior ætas in lucem protulit, quorum  
medio si usus fuisset, non dubium est quin  
aliter philosophatus fuerit.

Inter multa quæ contra phænomenon ra-  
tionem scripsisse certum est, lucis definitio,  
illiusque generatio, atque etiam caloris,  
prout ab ipso describuntur insignem locum  
retinent. Nec vnquam capere potui quo-  
modo illius opinio defendi, nedum intelligi  
possit. Scripsit ille lib. 2. de cœlo cap. 7.  
*Calorem & lucem generari attrito aëre à sphaera-  
rum latione, ab illa verò præsertim cui sol illiga-  
tus est, lucem verò, & calorem motu cœlesti  
attrito aëre generari probat, exemplo addu-  
cto à motu, & attritione, quibus ligna, lapi-  
des, & ferrum calefiunt, & ignescunt, & à  
liquefactione pilarum plumbearum quæ in-  
fixæ sunt, & liquantur aliquando, arcu emis-  
sis telis. Dū verò astra & sphaeras ignē motu,  
& attritione calorē generare statuit, ipsis nul-  
lum calorem tribuit. Impossibile est autem  
enim analogia aut similitudo inter motum  
traiectionis telorum per aërem emissorum,  
& illum sphaerarum respectu aëris, etenim,*



( concessa talis experientiae veritate, cuius  
authoritatem totam fere disturbant pilae  
plumbeae pyrio puluere è siphonibus emis-  
sae, nec liquefactae, quas multo magis lique-  
fieri conueniret ) in motu traiectionis dis-  
cinditur aer, sphaerarum latione non discin-  
ditur aut difficitur.

Nullatenus verò atteri aërem à sphaeris  
coelestibus certum est, & iuxta doctrinam  
Aristotelis impossibile, scribit enim lib. 1.  
Meteorologicorum cap. 3. *Nihil enim prohi-*  
*bet à conuersione caeli, impediri nubes, ne con-*  
*gregentur in summo aëris loco; circulo enim flue-*  
*re, seu volui totum aërem necesse est, qui intra*  
*circulum terrae totius figuram sphaericam abso-*  
*luentem non intercipitur.* Apparet enim etiam  
nunc ventorum generatio in stagnantibus terrae  
locis, nec flatu ventorum altissimos montes su-  
perant. Flait ergo circulariter quia vniuersi con-  
uersione abripitur ignis cum elemento superiore,  
igni verò aer contiguus est, & cap. 7. eiusdem  
lib. vbi de cometarum motu diurno loquitur.

Cum ergo totus aer extra montium altissi-  
morum vertices fluat, & abripitur motu  
quotidianae reuolutionis cum caeteris sphae-  
ris, impossibile est ab his atteri, quia nulla fit  
attritio nisi occurrentibus motibus opposi-  
tis, aut quiescente vno, altero alliso, vel tan-



dem ad easdem partes tardiore vno, velociore altero, quæ verò circulariter, eodemque motu circa vnum centrum voluuntur, non se inuicem atterunt, eadem enim partes semper sibi respondent, & perpetua inter ipsas quies est. Falsum est itaque atteri aërem conuersum diurna reuolutione à sphaeris cœlestibus; falsum ergo calorem vel lucem attritione generari. Sed quæro ab Aristotele quomodo lumen, quo sol lunam illustrat, quodque in certis locis iuxta hypothese[m] Ptolemaicam à sole ad lunam defertur, nec aërem, aut aliud elementum ingreditur quomodo inquam generetur? Non fit attrito aëre à sphaeris cœlestibus, sed immediate per profunditatem sphaerarum Veneris, & Mercurij à sole ad lunam defertur, falsum itaque lumen illud attritione generari, idem est autem ac illud quo terra illuminatur, neutiquam ergo lumen generatur attritione aëris: demiror sane quomode Aristoteles vir acutissimi ingenij, ita sit philosophatus pugnare enim hæc omnia cum phœnomenis, contrariam insuper sibi hypothese[m] astruit, quæque contradictionem inuoluit, asserendo aërem circulariter, à motu quot idiâno primi mobilis abripi, & simul à sphaeris atteri. Neque si concedamus aërem



inferiorem à superiore atteri, calor inde & lumen generantur, & id confirmat regionis illius aëris frigus intensum, in altissimorum montium verticibus nec ibi sentitur calor, lumen verò ibi inchoari illa attritione falsum, superior enim aër illustratur.

Minus verò conuenit analogia, motus illius, cùm ignis è ligno, vel silice attritione exprimitur, non enim aër attritus accenditur; cùm enim sit corpus fluidissimum nullo negotio motui silicum cedit: nec præterea contactu horum accenditur, oporteret enim aërem intercipi in contactus loco, quod non fit, quia inter sese contingentia corpora nullum medium datur; è silicibus itaque, ferro, vel lignis attritis excitantur ignes, quia lumen quod in illis latet & materia implicatum est ipsâ attritâ, & vi disrupta subitò erumpit, & quod violenta materię attritio efficit in silicibus vt lumen emittant id sensim, & longo tempore efficit in ligno vis putrefactionis: materia enim ligni attrita, & rarefactâ putrefactione noctu lucet, tunc enim lumen se materiei dissolutæ compedibus expedit, non vrit quidem quia in illa non condensatur: è silicum attritione lux vrens erumpit, quia plagâ, priusquam erumpat condensatur.



Hæc est igitur prima Aristotelis de generatione lucis & caloris explicatio. Secunda est lib. 2. de anima cap. 7. vbi lumen ex sola præsentia lucidi emergere ait, nec amplius attritionem illam requirit: parum equidem hoc in negotio sibi constat Aristoteles, & valde ὅτι πολαίως naturam lucis inspexit.

Nunc vero breuiter circa aliquas Ioannis Philoponi oppositiones monere volo, quas in comment. ad cap. 7. lib. 2. de anima scriptas reliquit, dicit ergο πᾶν (ῶμα εὐθυφορικόν, ἢ τιὼ ὅτι αἰὼ μόνον, ἢ τιὼ ὅτι τῶ καὶ τῶ κινεῖται κίνησιν, omne corpus rectà latum vel sursum tantum, vel deorsum motu mouetur, lumen verò in omnes partes, quare lumen non erit corpus.

Non dicimus lumen simpliciter esse corpus, nam incorporei est etiam particeps, sed vt huic obiectioni satisfiat, dico lumen non nisi vnico motu moueri quia ab vno termino, nempe à puncto lucido, quod sphæricè radiat, & illa situum distinctio in luminis diffusionem nulla est nisi relatione habita ad videntes, vt in vniuerso non sunt plagarum diuersitates, nisi respectu nostri qui distinguimus positiones, & regiones mundi, & quæ ratione vnicus dicitur esse ignis motus à centro ad peripheriam: idem de luce debet in-



telligi, quæ respectu suæ originis vnico mo-  
uetur motu.

Neque sequitur lumen ab aëre quati de-  
bere si sit corporeum, & pelli de vno loco;  
atque ibi tenebras oborituras, non enim mo-  
uetur lumen per medium vt corpus, nec ei  
miscetur ita vt respiremus lumen cum aëre,  
quod maximum incommodum foret, vt ait  
Philoponus.

Negat lumen immateriale transire posse  
corpora, quia non solum diaphana, sed &  
opaca permeare posset, & terram trañicere;  
non sequitur ex illa ratione, motui luminis  
nihil resistere posse, etsi *ἄλλοι* lumen per-  
transeat, imo quia, lumen superficies habe-  
re infra demonstrabimus, necesse à quouis  
corpore terminari plus vel minus, & super-  
ficies mutuo collidere.

Neque condensabitur aër lumine præsen-  
te, quia in illo est quasi mobile, eique non  
immiscetur.

Afferēdo lumen esse solummodo *ἐνέργεια*,  
quam dubius est animi: non videt enim quo-  
modo sit possibile talem energiam frangi  
repercuti vrere, hoc enim physicè impossi-  
bile est, vt quod corpus non est omnes cor-  
poris proprietates induat. Non melius sal-  
uat repercussiones talis energię cum dicit



πάντα σώμα τὸ ἐν φωτὶ, δεχόμενον ἐνέργειαν,  
πέφυκε καὶ αὐτὸ τὴν αὐτῆς ἀντιπεμπέν,  
omne corpus luminis energiam accipiens, potest  
& ipsum remittere, & hoc falsum est nam lu-  
cidum illustrans per se radiat in orbem, ha-  
berque hanc facultatem, speculum verò ac-  
ceptam lucem non reddit in orbem, sed in  
vnam solummodo plagam.

Iam dubitari legitimè poterat quomodo  
sol non calidus calefaciat. Respondet ani-  
mam, quæ calida non est vitalem quandam  
ἐνέργειαν producere in corpus, quæ calorem  
natiuum mouendo animal viuificat, & post-  
quam anima recessit, natiuus statim calor  
extinguitur, ita à sole quandam viuifican-  
tem energiam ait exire per lumen in aëre,  
ipsamque excitare natiuum aëris calorem, &  
ita calefacere. Aduersus illum assero solem  
non posse calefacere, & illuminare, nisi ipse  
lucidus, & calidus esset, non aliter quam  
ignes nostri qui calefacere, & illustrare non  
possent, si lucidi, & calidi non essent, mirari  
satis non possum illos viros qui hæc sibi sua-  
dere potuerunt. Quando sol illuminat, &  
calefacit, agit vt causa efficiens, quare sub-  
iectum, simile reddere satagit ei efficiendi  
virtuti, qua influit, & ita Simplicius rectè  
dixit comment. 43. in 1. physic. τὸ ποιοῦν,  
κατὰ



καὶ τὸ ἐν αὐτῷ εἶδος μορφουῶν, πλὴν οἰκείαν ἐνέρ-  
 γειαν, δι' αὐτῆς τῷ ὑποκειμένῳ, ( τὸ γὰρ ὅτι  
 τὸ ἐξ ὃ γίνεσθαι τὸ γινόμενον ) ἐντίθησι τὸ εἶδος καὶ  
 ὃ γίνεσθαι τὸ γινόμενον, τὸ το δὲ ἦν τὸ ἐν ᾧ ποιοῦντι.  
*Efficiens secundum formam propriam in ipso in-*  
*formantem, & per ipsam propriam energiam sub-*  
*iecto, ( id est ei ex quo fit compositum ) imponit*  
*formam secundum quam fit, id quod generatur*  
*hoc verò erat forma in efficiente, quare solem*  
*calidum & lucidum esse necesse est cum agat*  
*secundum id quo informatur.*

Ad exemplum allatum à Philopono partis  
 animæ irascibilis, quæ cū calida non sit,  
 tamen vbi mouetur calefacit sanguinem in  
 præcordiis, vt & meditationis quæ sangui-  
 nem calefacit cum sit incorporea; Dico ani-  
 mam rationalem incorpoream, & immorta-  
 lem mouere corpus, & esse in cōposito prin-  
 cipium vegetationis, sensus, & intellectio-  
 nis, continet enim vim multiplicis virtutis,  
 quæ ad multas operationes exerendas pollet,  
 etsi vna sit, & indiuisa substantia, verum  
 quia in corpore sine illius organis agere, aut  
 pati non potest, mouetur ipsa ad operationes  
 ex circa obiecta externa per sensus qui cor-  
 porei sunt, & à temperamento ad hoc, aut  
 illud inclinatur, & hoc est quod vulgo dici-  
 tur res prius esse in sensu quam in intellectu,



& certum est animam hanc actionem suam  
incipere à sensus facultate, & in intellecti-  
uam desinere, & ex eo vera causa habetur  
eius quod Ethici dicunt, *primos animi motus*  
*non esse in nostra potestate*, id est rationis impe-  
rio non subiici, oriuntur enim ex subita ap-  
prehensione obiecti, quæ tota in facultate  
animi sensitiua hæret, & tandiu pars ratio-  
nalis non dirigit agentem hominem, pro-  
pterea tantæ turbæ aliquando nascuntur  
mouet itaque, quia est forma essentialis  
compositi; Mouetur & ab obiectis & à tem-  
peramenti crasi qua huc, vel illuc appetitus  
illam propendere facit. Non ergo mouet  
anima calorem internum, nisi per modum  
causæ formalis compositi quæ viuificat com-  
positum quatuor qualitatibus temperatum,  
nec mouetur sanguis circa præcordia ab ani-  
mâ tanquam causâ externâ impellente, dum  
irascibilis pars cietur, sed sanguine efferues-  
cente, & bile redundante animæ operatio-  
nes turbantur, in quo patitur potius anima,  
quam agit, non est ergo Philoponi exem-  
plum sufficiens, & diuersa est ratio causæ  
formalis internæ, & efficientis externæ, hæc  
sunt beneuole Lector quæ præmittere ope-  
ræ pretium duxi circa Aristotelis doctrinam,  
& Ioannis Grammatici obiectiones, & solu-



tionem; superest vt methodum meam tibi exponam, Primum ~~que~~ lucis originem, & ortum consideravi, & qualis sit in corporibus præsertim in sole, motum deinde illius, & effluxum à lucidis, terminationem in opacis accidentia deinceps omnia quæ illam comitantur in vnoquoque situ incidentias, repercussiones refractiones, & operationes in rebus inspexi, iuxta quas quid lux esset determinavi, ea certitudine qua in physicis causa per effectus cognoscitur, Philosophorum antiquorum sententias hac in re protuli, & aliquas refutaui. De refractionibus longiorem aliquanto dissertationem habui vt occasio hinc detur peritioribus veram causam refractionum inquirendi, finem tandem imposui comparatione facta lucis, & illius operationum, cum intellectu humano; huc vsque progressus sum aliorum stimulatus exemplis, nec ea animi confidentia scripsi, quasi tota difficultas iam remota sit, sed ad excitanda summa ingenia, & eorum vim exacuendam quò longius, & foelicius rem perducant, Tu progredere & Vale.

*PRIVILEGE DV ROY.*

**L**OVIS par la grace de Dieu Roy de France & de Navarre, A nos amez & feaux Conseillers les gens tenans nos Cours de Parlement à Paris, Tholose, Rouën, Bordeaux, Aix, Grenoble, Diion, Rennes, & Mers, Maistres des Requestes ordinaires de nostre Hostel, Preuost de Paris, Bail-



lifs, Seneschaux, & tous autres nos Officiers & Iusticiers  
qu'il appartiendra, salut Nostre bier-amé LOVIS DE HEV-  
RUEVILLE Marchand Libraire à Paris, Nous a fait re-  
monstrer qu'il a recourré vn liure intitulé, *De Natura Lucis*,  
*authore ISMAELE BVLLIADO Juliodunensi*, Lequel liure il  
desireroit faire imprimer, mais il craint qu'après qu'il aura  
fait de grands frais & despens pour l'impression d'iceluy,  
quelques autres le voulsent entreprendre à son preiudice,  
s'il ne luy estoit pourueu de nos lettres necessaires, qu'il  
nous a fait supplier luy vouloir accorder, A CES CAUSES,  
desirans fauorablement traicter ledit exposant luy auons  
permis & octroyé, permettons & octroyons par ces pre-  
sentes d'imprimer ou faire imprimer par tel Imprimeur  
que bon luy semblera ledit liure, & ce durant le temps &  
espace de six ans, à commencer du iour que ledit liure sera  
acheué d'imprimer, faisant defences à toutes personnes de  
quelque qualité qu'ils soient d'imprimer ou faire imprimer  
en quelque façon & maniere que ce soit, sur peine de quatre  
mil liures d'amende, applicable moitié à nous, & l'autre  
moitié audit exposant, avec confiscation de tous les exem-  
plaires qui se pourront trouuer, despens, dommages, &  
interests, VOVLONS, & nous plaist, que tous les Libraires  
qui s'en trouueront saisis, soient condemnez en pareille  
amende comme s'ils les auoient imprimez, ou fait imprimer,  
à la charge d'en mettre trois exemplaires, à sçauoir  
deux en nostre Bibliotheque à present gardée au Couuent  
des Cordeliers en nostre ville de Paris, & la troisieme en  
celle de nostre tres cher & feal Cheualier le sieur Segulier  
Chancelier de France, auant que les exposer en vente, suiuant  
nostre Reglement, à peine d'estre descheu dudit priuilege,  
SI VOVS MANDONS, que du cōtenu en ces presentes vous  
faciez & souffriez ledit exposant, ou ceux qui auront droit  
de luy iouir, VOVLONS qu'en mettant à chacun desdits  
exemplaires du liure, copie du present priuilege, ou extraict  
d'iceluy il soit tenu pour signifié: CAR TEL EST NOSTRE  
PLAISIR, Nonobstant Clameur de haro, Chartre Norman-  
de, & lettres à ce contraires. Donné à Paris le 15. Septembre,  
L'an de grace 1637. Et de nostre regne le vingt-huictiesme.  
Par le Roy en son Conseil, CHOVAINE.

Acheué d'Imprimer le 8. Octobre 1637.  
Satisfait au Priuilege ledit iour.





D E  
NATVRA  
LVCIS.

---

PROPOSITIO I.

*Origo lucis est actu in lucido corpore. Et  
lux sine aliqua interruptione à corpore  
lucente effluit.*



Ropositionem sensibus tam  
manifestam probatione indi-  
gere non puto, quantum ad  
primam eius partem: vt ta-  
men sensus ratione firmetur,  
nec se decipi aliquando suspi-  
cetur, rationes afferam, ad vtramque propo-  
sitionis partem probandum.

Experientia docemur à nobis videri nihil  
posse nisi lumen adsit aliquo corpore termi-  
natum, & in ipsa quod videndum est: lumi-

A



ne verò interueniente obiectorum non solum colorem, sed etiam figuram in longum, & latum conspici, totamque obiecti cuiuslibet speciem ad oculos deuenire cum omnibus in superficie corporis visibilibus. Fertur (exempli gratia) ad oculum solis species cum lumine, & colore, comitante eius figura rotunda cum suis dimensionibus, hæc itaque omnia in solis superficie existunt, suà tamen proprià ratione singula. Cum speciebus porro hæc omnia ferri experientia testis est, admissum enim foramine solare lumen pingitur in pariete albo, aut papyro, cum figura rotunda, maculis, & cæteris quæ in solari superficie oboriuntur, & hac specie totus sol repræsentatur inuersus, decussatis in ingressu radiis.

Præterea cum in solem oculi intenduntur, nullibi terminatum lumē videtur, nisi in ipsa solis superficie, nusquam verò in medio, quare & in eo insit oportet, non enim aliud lucidum in corpus solare aliunde coruscat, sub cuius lumine sol aspectabilis fiat. Clarius verò id manifestant illa corpora quæ lumen emittere non sentiuntur, sub alio tamen non cernuntur, quàm suo, quod genus cincindulæ, ligna putria, pisces marini, felium oculi, conspicitur enim horum vnumquodque in tenebris, proprio suo lumine illustratum non alie-



no; nec euibrant in corpora vicina, vel minimam luculam sensibilem. Quare lumen lucido corpori inest vt in origine & fonte.

Altera propositionis pars plus difficultatis in exitu habere videtur. Obstat enim Aristotelis auctoritas, lib. 2. de Anima, c. 7. Τὸ μὲν ὅν τὸ διαφανές, καὶ τὸ φῶς εἶρηται ὅτι ἔτε πῦρ, ἔτε ὅλως σῶμα, ἔτε ἀπορροή σώματος ἑδνός. *Quid igitur sit diaphanum, & quid lux dictum est. quod neque ignis est, neque omnino corpus, vel defluxus corporis alicuius.* Obex ferreus, quem qui mentis aditui obdiderit, omnia huius opinionibus contraria fastidiosè respuet, nostram nihilominus tuebimur, & certis rationibus stabiliemus.

Primò certum est lucem à sole produci, productamque in quibuslibet medijs partibus terminari posse, terminatam verò cerni; Quemadmodum autem in sole actu inest vt in principio & origine, ita in superficiebus corporum soli oppositis, producta & secundaria inest & terminatur, nulla verò datur pars medijs, in qua non terminetur, continua itaq; est productio, ac proinde effluxio. Quæ sanè continua necessario demonstratur specierū adminiculo: Species enim cū luce allabuntur, vt ex perientia cōfirmari monuimus; à corpore, verbi gratia solari continuo cursu effluere ne-



## 4 DE NATURA


cessariū, ergo & lucē simul non interrupto effluxu allabi. Nisi enim ita se res haberet, quomodo oculus perciperet solem? nam vt conspiciatur, oportet vt organum visionis tangat, aut per se, & suo corpore; aut aliquo, quod à se producat, ad seque representandum sit aptum, vt tangendo moueat, & informet sensum.

Primum dicere vanum est, neque fit enim, aut fieri potest, nam sol non accedit ad oculum. Alterum ergo necesse est, produci nempe aliquid quod tangat visum; illa autem emanatio debet esse spatio continuo producta, & nusquam hiatu vel minimo diducta, vt quasi linea directrix ad vtrumque terminum pertingens, oculum cum obiecto coniungat & in huius comprehensionem deducat. Aliàs si interruptio illius emissionis continuæ à sole ad sensum contingeret, oculus non dirigeretur in obiectum, quod nusquam in suo loco videretur, & nunquam de eius situ oculus certificaretur; sicut contingit quando species viuidæ oculis acciderunt, & earum contactu oculorum humores, & tunicæ aliquantisper patiuntur, nam remanentes obiectum absens, quasi præsens representant extra locum, quia quod remanet actionis speciei, diuellitur ab origine sua, & species cum obiecto continua



## L V C I S.

productione non coniungitur. Similiter species quæ clausis oculis oboriuntur in nullum obiectum nos deducunt, quia cum nullo coniunguntur, ideo illæ ut quidquam videamus nos non faciunt. Quapropter cum species à sole ad oculum effluant, necesse est lucem à sole quoque effluere, quia species sine luce nulli existunt.



Refractiones porro hunc effluxum lucis à lucido manifestè indicant, si itaque soli opponatur globus vitreus aqua pura, & limpida plenus, vel lens vitrea A, lux B, aquam vel lentem ingressa, totum globum & lentem traiecit, & extra illa procurrat in conum C, D, E. nulla lacuna, nullis rumoribus labefactum, à basi C, E, ad verticem D. non interruptum, lineæ verò & superficies, quæ figuram efficiunt continuæ

sunt. Ergo lux, quæ conum exhibet continua

A iij



6 DE NATURA

pyramide à globo vitreo, vel lente ad coni-  
apicem procurrit. Effluit igitur ab aqua teno-  
re & continuitate non interruptis : conus au-  
tem ille lucis, à globo vitreo, non vt ab ori-  
ginelucis profluit, sed tanquam à medio, ad  
quod lux iam deueniat, eademque continui-  
tate traiecerat, illi qua vltius prouectam  
est, deriuatam autem esse ab alio fonte, quam  
sole nullus nisi cæcus negabit, vel continua-  
tem emissionis luminis in vna parte medij esse  
non in omnibus, quæ eodem modo affectæ  
sunt. Effluit ergo lux à corpore lucido.

Nec obscure veritatem huius propositionis  
pandunt luces in cameras obscuras foramini-  
bus admissæ, quarum trames beneficio cor-  
pusculorum volitantium perspicue distin-  
guitur, continua enim longitudinetantis per  
dum parietibus, vel solo impingant, ferun-  
tur. Vnde quæso nisi à sole? probata est igitur  
nostra prima propositio.

---

PROPOSITIO II.

*Lux effluit per lineas seu radios, &  
sphericè dilatatur.*

**C**ORpus lucens est veluti centrum, à quo  
radij infiniti effluunt, sicut à centro Sphæ.



re lineæ infinitæ; exire autem à lucido corpore rectis lineis, probant traiectiones omnes radiorum quæ rectà semper procurrunt, probant repercussiones quæ angulis rectilineis mensurantur. Dilatatur verò lumen sphæricè, nam cum radij infiniti effluant in omnes situm, viarumque regiones, totum spatium circumstans corpus lucidum effluxu lucis illustratur; id euincunt faces & omnia lucida, quæ sursum, deorsum, & ad omnia latera lumen eiaculantur. Si vero in vnam solummodo partem emanaret lux, illam solam illustrari contingeret. At omnes circumstantes partes illustrantur, in omnes itaque lux à lucido effunditur, atque adeò sphæricè, circumeunt enim illustratæ partes medij corpus lucidum, sicut omnes sphæaræ partes contrum. Effluxus ergo fit lineis rectis, dilatatio verò sphærica est. Quare constat veritas propositionis.

---

### PROPOSITIO III.

*Omne punctum lucidum infinitis lineis  
seu radiis diffunditur.*

**V**T enim à centro sphæaræ, vel quolibet alio puncto infinitæ lineæ deduci possunt, ita à puncto lucido infiniti radij, & per



p. 2. in omnes partes lux sphaericè diditur; ergo & lucis punctum in sphaera modum radios diffundet, in sphaera autem infinita à centro ad superficiem lineæeductæ sunt, ergo à puncto lucente, vt centro, infiniti radii, seu lineæ procurrunt.

*Corollarium.*

Est igitur radius in luce, eodem modo quo linea in sphaera, potestate non actu, & sicut linea est productionis via, qua sphaera à centro ad superficiem decurrit, & extenditur, ita radius lucis est productio qua dilatatur.

PROPOSITIO IIII,

*Vt Sphaera incrementum dimensionum suscipiunt à digressu linearum infinitarum æqualium, à centro ad vnā aliquam superficiem, vbique à centro æqualiter distantem: ita lux incrementum dimensionum suscipit, à digressu radiorum infinitorum, à corpore lucido, ad aliquam superficiem sphaericam vbiuis terminatam.*

**S**phaerarum magnitudines inter se comparantur per diametrorum quantitatem, adeo




# LV CIS.

adeo vt minor Sphæra sit ad maiorē, vt ratio tripla diametri minoris, ad rationem triplam diametri maioris Eucl. p. 18. l. 12. seu vt cubus radij minoris, ad cubum radij maioris, prout ergo maior erit semidiameter, Sphæra maior erit; ita superficies sunt ad inuicem vt ratio diametrorum ad inuicem dupla, crescit ergo sphæra iuxta modum incrementi dimetientis suæ. Lux vero Sphæricam figuram in effluxu obseruat; ergo lucis dimensiones crescent porrecto radio; Id est quò longius à lucido radij defluent, eò ampliores erunt lucis dimensiones vt in Sphæra.

## PROPOSITIO V.

*Lux in effluxu suo actuali extra lucidum corpus, potest ubique terminari, occurrente corpore transitum impediēte.*



Si lucidum corpus A.  
Lux effluens ab ipso, A  
BCDEA. Iam dico illud  
lumen effluens posse vbi-  
que terminari occurrente  
corpore opaco. Occur-  
rat BC luci ABCA, sub  
distantia AB. quoniā lux  
liberè defluit à corpore  
A, & offendit opacum B  
C terminatur in illius su-  
B



perficie; Opponatur deinde DE superficies; luci ADA, sub distantia AD, quia lux quoque liberè defluit à lucido A, & defertur ad opacū DE, terminatur in illius superficie. Quare sub quacūque distantia occurrente corpore terminari potest effluens lux, eam autem terminari tunc intelligimus cū incidit in aliquod corpus, quod illam repercutit.

*Corollarium.*

Vt ergo in sphaerarum amplitudine infinite sunt potestate superficies, imminutis in infinitum semidiametris. Ita in lucis amplitudine infinitæ sunt potestate superficies, quæ in corpora delatæ eorum superficies collustrant, jisque terminantur.

---

PROPOSITIO VI.

*Lux effluxu suo terminatur in corpore obuiante, contactu superficiei suæ, cum superficie corporis transitum impediens.*

**Q**uoniam p. 4. lux demonstrata est augmentum suscipere ad sphaerarum modum, in quibus sunt superficies, & quæ nul-



Iam cum corporibus aliis copulam, ut & reliqua quantitatis participia, nisi mediante contactu habent, motumque corporum impediri contactu mutuo verum sit; atque hoc pacto quadamtenus terminari ne prorsus eant, ita lucē quantitatis participē, & cuius motus obiectu quorundam corporum impeditur, superficies habere necesse est, & propterea contactu superficiei suæ cum superficie corporis impediētis terminari, ne porro eat; iam vero ex corollario V. p. patet eam habere infinitas superficies, quæ sunt ultimæ corpus circumscribentes; alio igitur non terminabitur lux, quàm superficierum contactu. Deinde planissimè demonstrat propositionem lucis coextensio superficiei corporis quod inlustrat, quare earumdem dimensionum particeps est, ergo & ibi superficie terminatur; atque ex consequenti contactu mutuo superficierum suæ, & corporis terminantis. Constat ergo veritas propositionis.



## PROPOSITIO VII.

*Lux in effluxu suo actuali, aut dum terminatur trinam habet dimensionem.*

**Q**Uatenus Prop. 4. ostendimus lucem dimensionum incrementa, ut sphaeras capere, & quoniam in histrix dimensiones actu reperiuntur, in luce quoque eas existere oportet; duabus insuper demonstrationibus propositionis veritatem asseremus.

Prima est à refractionum, & repercussionum effectui. Illæ quippe radios colligentes figuras lucis solidas efficiunt, quemadmodum hyperbolæ vitreæ, aut cuiuslibet alius pellucidi, lucis conos post traiectionem refractionibus efficiunt. Parabolæ vero repercussione. Illi autem lucis coni continui sunt ut prop. 2. docuimus, ita ut vna tantum superficie contineantur, basi vnâ innitantur, axi vni circumducantur, id est, longitudinem, latitudinem, & profunditatem habeant.

Quare:

Omne continuum sub figura solida trinam habet dimensionem.

Lux continua est sub figura solida, nempe



cono, Ergo lux trinam habet dimensionem.

Secunda est ab ea lucis continuitate cum qua effluens fertur, ita ut in quacumque parte, possit terminari à superficie corporis opaci, occurrētis ut Prop. 5. patuit, quare & ubique continua est, & non interrupta; illa vero terminatio fit contactu superficierum lucis, & corporis opaci per 6. In continuitate ergo lucis infinitæ sunt potentia superficies, ideo profunditatem inesse necessarium est, una enim superficies in alias non est diuisibilis in profunditatem, seu altitudinem. In lucis ergo continuo effluxu est profunditas, ratione semidiametri productæ à lucido, ad illustratum corpus. Idem igitur ac in sphaeris euenit, quod in corollario illius 5. Prop. diximus. Cum itaque ratione continui effluxus à lucido habeat profunditatem, ratione superficiei, longitudinem & latitudinem, trinam dimensionem habere necesse est, quod erat in propositione probandum.

Monitum.

Keplerus c. 1. Paralipom. ad Vitellionem Prop. 10. binas luminis dimensiones solummodo concedit, quatenus scilicet est superficies, nullam vero tribuit profunditatem; verum quomodo illum, quem asserit lucis effluxum, stabilire poterit non video, nisi



continuitatem tribuat à corpore lucido ad corpus illustratum, & quomodo in instanti fertur? quâue ratione in omnibus medijs partibus terminatur? vitauit autem dare profunditatem lumini, ne solidum esset, & ideo, motus infinitus, & in instanti daretur corpori corporibus occurrenti. Sed illa omnia vt sunt à nobis indicabuntur, & quomodo nulla inter nostras propositiones interueniat contradictio; stet ergo nostra demonstratio, vt suis partibus completa, nulloque vitio, quo displiceat deformata.

---


PROPOSITIO VIII.

*Lux defluens à lucido extra illud infinitis pyramidibus terminatur.*

**I**N lucido enim infinita sunt puncta, quæ singula radios infinitos sphaericè emittunt, & à quocumque puncto egreditur radius, quicum infinitis aliis, ab infinitis punctis egressis concurrat extra lucidum, collectique omnes efformant pyramidem: At quoniam radij emissi infiniti sunt, concursusque infinitus, infinitæ propterea generantur pyramides, quod erat probandum, quod



# LVCIS.



15  
vt oculis subiiciatur sic  
lucidum A puncta luci-  
da B. quoniam emittunt  
singula puncta radios  
infinitos per 3. Prop.  
producent illos non so-  
lum ad C, sed etiam ad  
D, & in illis concurrunt  
ex quo concursu gene-  
rantur pyramides BC  
B. BDB, & sic de cæte-  
ris. BEB.

## Nota.

Sapiētissimè in hoc negotio, vt & in cæteris  
à Deo O. M. prouisum est, vt enim lux  
omnes viarum regiones collustraret, efflu-  
xus sphæricus ipsi datus est; quia vero  
opera lucis aliquatenus animalium vsui in-  
fertit vt corpora, eorum oculis retegat, qui-  
bus videndi facultas reddita est; ideo luces  
certa definitaque ratione pyramidibus ter-  
minari opus fuit: vt species obiectorum ocu-  
lis allaberentur cum magnitudine horum  
amplitudini proportionata; quod sola py-  
ramis in nostro rerum statu efficere poterat;  
non collecta enim species intra pyramidis



cacumen, sed diffusa sphaericè, nullum corpus, vel minimum totum simul repræsentare potest oculo, in quem tota sic diffusa non ingreditur, sed particula illius solummodo, quæ obiecti etiam particulam repræsentasset, quare nusquam comprehendi potuisset illius magnitudo, nec situs partium ad inuicem, necesse ergo fuit oculo sic disposito lucem infinitis pyramidibus terminari, hoc etiam animaduertunt Chrysippus & Apollodorus apud Diog. Laertium in Zenone, ὁρᾶν δὲ ὃ μετὰ τὴν τῆς ὁράσεως, καὶ ὃ ὑποκείμενον φωτὸς εἰπενομένης κωνοειδῶς καθάφησι Χρύσιππος ἐν δευτέρῳ τῶν φυσικῶν, καὶ Ἀπολλόδορος, γίνεσθαι μὲν τοι τὸ κωνοειδὲς τῷ αἵματι πρὸς τῇ ὁφει, τὴν δὲ βάσιν πρὸς τῷ ὁρωμένῳ ὡς Ἀφίβακτηρίας ἐν ὃ παθέντος αἵματος τὸ βλέποντος ἀναγέμεσθαι videre vero nos ( aiunt ) lumine extenso in coni figuram inter visum, & obiectum, quemadmodum dicit Chrysippus in 2. Physicor. & Apollodorus, accidere quidem conicā speciem aëris ad oculum, basim vero in obiecto viso esse, renuntiari itaque id quod conspicitur, quasi per basili modum extenso aëre.

PRO-



## PROPOSITIO IX.

*Lux quædam corpora traiecit, quibusdam terminatur, à qua traiectione, & terminatione pellucidorum, & opacorum distinctio cognoscitur.*

**L**VX ita nata est vt quædam corpora pertranseat veluti aërem, aquam, vitrum, cornu, & alia id genus, quæ quoniam luci transitum præbent, & per suam profunditatem transmittunt, Pellucida habentur. Illa vero, quæ lux penetrare non potest, corpora opaca dicuntur, qualia sunt marmora, lapides, saxa, terra, & alia plurima.

Pellucidorum autem duplex est ordo. Primus eorum quæ perfectissimè, ac funditus lucem transmittunt, quales sunt ether, & ær, quorum tenuitas ita perfecta, ac summa est, vt. in eorum superficiebus nulla fiat lucis repercussio.

Ater illorum quæ transitum ita concedunt luci, vt tamen illam reperiunt propter densitatem aliquam superficie, talia sunt vitrum, glacies, aqua, & similia.

C



Porro pellucida vel sunt fluida, vel dura;  
hæc vt vitrum, & cornu; illa vt aër, & aqua.

---


PROPOSITIO X.

*Lux incidens in pellucidum, quod partim  
radios transmittit, partim repercutit,  
opacat illius superficiem in loco reper-  
cussionis, obiectaque post se posita ita  
intercipit, vt videri nequeant.*

**S**IT lux à sole incidens CA. in vitrum A.  
Quod lucem transmittit recta progre-  
dientem in E. quoniam vero partim reper-  
cutit, locus repercussionis est in A. ipsa vero  
*repercutitur* ex A. in D. Sit oculus in D, docet experien-  
tia corpus B quod in directum cum A vitro,  
& oculo D iacet, ab hoc cerni non posse,  
vnde necesse est vitri superficiem luce inci-  
dente, & ibi partim terminatâ opacam red-  
di, aliâs non interciperet obiectum B, quin  
oculus illud cerneret, sicut extra repercus-  
sionis locum post vitrum alia videtur. Idem  
aliquando efficiunt lucis traiectiones, per fo-  
ramina, in conclauia quæ debili aliqua illu-  
stratione ex alia parte illuminantur: idem in



# LVCIS.



ea vix cernere possem.

## Corollarium.

Densitas ergo sine Opacitate esse potest, opacitas non pariter sine densitate; soliditas quoque sine opacitate; nam vitrum densitatis, & soliditatis potitur, nec tamen opacum est; opaca vero & densitatem habent & soliditatem, sunt ergo accidentia, quæ pellucida ab opacis distinguere nō possunt; videre vero penitus quæ forma essentialis pellucidum constituat, quæ opacum difficile est; certum est saltem tenuitatem, fluorem, partiumque extensionem & læuorem multum conferre pelluciditati, constipationem vero opacitati; colores præterea quidam, vt niger, & proximi quandam opacitatem corpori conciliant, sed tantum per accidens, quia nempe debilissimam lucem habent. Fortasse pellucida sunt ob connat-

C ij



50 DE NATURA

tam aliquam lucem non ab alio participa-  
tam. Illa vero præcipuè pellucida sunt quæ  
intra profunditatem suam nullas habent  
contiguas superficies, sed vna eademque con-  
tinuitate corporis extenduntur.

---

PROPOSITIO XI.

*Corpora pellucida talia sunt per se actu,  
non per præsentiam lucis, vel lucidi in  
ipsis.*

**Q**VI dicit lucem esse actum pellucidi,  
quatenus pellucidum est, longè fugit,  
ne difficultates occurrentes in lucis natura  
explicanda superare cogatur, nec aliud di-  
cit quàm lucem pertransire pellucidū, dum  
illud permeat, quod merum sophisma est,  
meræ nugæ; vel si plus rationis inesse suspi-  
camur, dicendum tali definitione explicari,  
quando per pellucidum contingat aliquid  
videri, nimirum quando corpus lucidum,  
aut obiectum lucem suam transmittit per  
pellucidum, quod tamen à luce hanc pro-  
prietatem non habet, siue enim adsit, siue  
absit lux, ita natum est, vt luci transitum



dare per suam profunditatem debeat, atque adeo semper esse natura, & per se pellucidum necesse sit.

Sed quid respondebunt si obiiciatur illis informari iuxta illam definitionem vnum & idem pluribus simul attribus numero differentibus, quod est impossibile; & præterea sequi illud, est, & non est, absurdum maximum. Sit ex hypothese fax vna in cubiculo, tunc actu pellucidum est medium quia lux adest actus seu ἐνέργεια pellucidi: si obiiciatur corpus vnum, quia vna est lux vnius facis, vnus est actus, vna quoque umbra proicietur; afferatur alia fax, suam lucem habebit, suum actum, idem corpus proiciet umbram huic luci secundæ respondentem; est umbra secunda distincta à prima, est lux actus pellucidi, ergo duo sunt actus numero differentes vnum informantes, quod fieri nequit; Deinde primæ facis luce iam medium aër pellucidus actu factus est, ergo secundæ facis lux non fuit actus pellucidi, aut vnā ab alia destrui necesse est, & hoc non potest dici, nam vtræque à corporibus umbras proicit. Si ergo lux prima est actus pellucidi, secunda non erit, quare lux erit actus, & non erit, si sit pellucidum medium respectu primæ facis, & non respectu secundæ erit



simul pellucidum & non erit. Si respondeat magis pellucidum fieri medium duplicata luce, formam non constituunt pellucidi, sed accidens contingens in pellucido, quo refertur ad alia; sed forma pellucidi non constat in ratione ad alia pellucida, sed in actu aliquo absoluto qui lux non est, quoniam generat solummodo accidens in pellucido, transitionem scilicet, & relationem intentione vel remissione illustrationis.

Longè aliter autem se habet, quàm pellucida accipiant pelluciditatem à luce, ut ipsa etiam eorum pelluciditatem impediat, & eorum superficiem opacet, ut propositione 10. ab experientia Optices demonstraui. Cum ergo lux non sit actus pellucidi, nec pellucidum efficiat, quin potius opacet, infuscet, & condenset manifestissima, & sensibili demonstratione patet Aristotelis definitio lucis falsissima, quam affert lib. 2. de anima c. 7. *Φῶς δὲ ὅτιν* (inquit) *ἡ τῆς ἐν ἐργαίᾳ* *ἡ ἀγ. φανὸς ἡ ἀγ. φανὸς*, *lumen verò est huius actus diaphani quatenus diaphanum habet ergo ex se, & natura sua pellucida ut talia sint non à luce.* Si enim lux in illis hanc pelluciditatem efficeret, nunquam illorum superficies opacas redderet quidquid enim alicuius actus est, priuationem sui præsens ope-



rari nequit, nam quidquid est quamdiu est  
neceſſe eſt eſſe.

---

PROPOSITIO XII.

*Lux fortis debilem intercipit, & opprimit.*

**I**D dicunt optici demonstratione certa ducti; ſol enim lucem viuidam iaculans ſtellarum luces opprimit, non quia deſtruat, aut impediatur quominus radietur: ſed quia fortiter ſenſum afficit & cum *ἰσχυρία* debiles verò ſtellarum ſenſum non tangunt efficaciter. Ita etiam lux faculae ad ingentem ignem appoſita opprimitur.

---


PROPOSITIO XIII.

*Lux incidens in opaca, aut denſa non quieſcit, ſed reſpercutitur, angulis incidentiae, & reſpercuſſionis aequalibus in regionem oppoſitam.*

**I**llud à quotidiano uſu edocemur, ſi enim ex C. incidat lux in A. quae reſpercutiatur in D, anguli CAF. DAG aequales ſunt.



Huius rationem refert Keplerus ad æqualitatem virtutis quæ in lucis motu perpetua est, & motum æqualem ideo præsupponit, atque angulos æquales prop. 19. c. 1. Paralipomenon ad Vitellion. Verum illa causa neque perpetua est, neque sola sufficit, virtutis enim æqualitas consistit in continuando motu lucis, siue æqualibus siue inæqualibus angulis. resiliat lux post incidentiam. Requiritur insuper motus uniformitas. Vbi enim virtus mouendi est inæqualis, motus tamen adest uniformitas, fit repercussio angulis æqualibus; in plano, namque hori-



zontali si proiectione volutetur sphaera, quæ planum aliud verticale super primo erectum tangat, ad plagam, & regionem oppositam angulis æqualibus repercutietur, cum ta-

men virtus mouens imminuta sit, sed remansit motus uniformitas per rectam nempe lineam, & eandem ad planum habitudinem, quæ futura erat si sphaera pertransisset.

Ergo



Ergo requiritur illa vniformitas motus, quæ si sola adsit repercussionem & incidentiam facit angulis æqualibus, in luce autem virtutis æqualitas vniformitati iuncta efficit, vt post repercussionem non minus progrediatur quam ante.

Vt autem idem Keplerus ingeniosissimè notauit, obliquus ad superficiem componitur ex perpendiculari, & parallelo ad illam, verbi gratia, motus  $CA$  componitur ex perpendiculari  $BA$ , & parallela ad superficiem  $BC$ . Iam ergo ponatur vniformitas motus per lineam rectam  $CA$ . & angulum  $CAE$ . si nullum occurreret planum in linea  $GAF$ : motus qui vniformis est, procederet per rectam  $AE$  & angulū  $BCA$ : at occurrit planum  $GAF$ , & manet vniformitas motus, i. e. per lineam rectam eandem habitudinem seruantem ad  $BC$ , siue ipsi parallelam  $GA'F$ . Oportet ergo vt, quem motum vltra planum  $GAF$  descripsisset angulo  $GAE$ , eundem describat versus  $DBC$ . ob vniformitatem motus, motus autem descriptus fuisset recta  $AE$ , & angulo  $GAE$ ; resiliens itaque rectam lineam  $AD$ . angulum  $GAD$ , æqualem  $GAE$  efficit, non ob aliā causam quam motus vniformitatem, nam motus admissa dissimilitudine, aut penes lineam  $AD$  quæ

D



de recta, curua fiat, aut penes angulum ipso imminuto, nulla datur repercussio ad angulos æquales angulis incidentiæ.

*Corollarium.*

Motus post incidentiam compositus est, si fuit ante compositus, ex perpendiculari, & parallela, quare idem erit qui post incidentiam continuatur, ex composito enim ad simplicem non potest reuenire, siquidem eadem est motus progressio; non est tamen negandum virtutis mouentis æqualitatem conferre, sed motus vniformitas etiam absolute requiritur, hæ igitur causæ coniunctæ æquales incidentiæ & repercussionis angulos efficiunt.


---

PROPOSITIO XIV.

*Quæuis lucis latitudo, coarctari potest, & condensari, vt etiam in punctum mathematicum coeant omnes partes.*

**S**IT sectio Parabola CBD. cuius vertex B vmbilicus O. axis FOB, cadant intra sectionem infiniti radij AB paralleli axi FOB: Quia omnes lineæ axi parallelæ ductæ





intra sectionē,  
cum tangenti-  
bus ( quæ ab  
axi extra se-  
ctionem pro-  
ducto ad se-  
ctionem ductæ  
sunt ) æquales

faciunt angulos, iis quos tangentes cum axe  
producto efficiunt, & quia semper æquales  
sunt rectæ quæ ab umbilico ad occursum  
tangents cum axe, & ad parallelam axi in-  
tra sectionem cadentem ducuntur; sequitur  
ex illis in conicis demonstratis, omnes li-  
neas, & radios A B axi, F O B parallelos, post  
tactum in B coire omnes in umbilico O.  
Totum igitur lumen extensum intra CD  
post repercussionem coarctabitur, & cōden-  
sabitur, tandemque coibit in puncto O in-  
diuisibili, & Mathematico.

*Corollarium.*

Non tamen in illo puncto desinet, sed ab  
illo procurrer, & efficiet conum O G F E. al-  
tero oppositum B O B cuius basis est in se-  
ctione CBD.



## PROPOSITIO XV.

*Lux non mouetur nisi ad motum lucentis  
aut illustrati, nullaue vi externa,  
concuti, aut moueri potest dum pelluci-  
da trañcit.*

**I**D confirmat experientia, nunquam enim  
vmbrae quæ lumine circumscribuntur  
mouentur, nisi corpus lucidum moueatur,  
aut corpora vmbra proiicientia; omnes  
radiatorum traiectiones id apertè demonstrat.  
Illustratum verò quando mouetur causa est  
motus luminis repercussi, prout enim variat  
angulos incidentiæ mouetur lumen. Nulla  
verò vi externa concuti lucem traicientem  
euincunt eedem vmbrae, spiret enim ven-  
tus quantumuis validus, non conuellit illas,  
aut agitat ventus, & immobiles stant, nisi  
corpus vmbra proiciens, aut ipsum luci-  
dum moueantur; id quoque asserunt con-  
gregationes radiorum, quæ refractione vel  
repercussione exoriuntur: agitatio enim  
aëre huc, & illuc tremulo motu non cris-  
pantur.



Lux itaque traiciens dumque mouetur à corporibus nihil patitur, sed tantisper dum terminatur.

---

PROPOSITIO XVI.

*Lux non est in medio, vt in subiecto accidens.*

**M**Anifesta est veritas huius propositionis, per præcedentem namque constat lucem non concuti dum traicit, nec moueri moto aëre quem transmeat, si verò esset in medio vt in subiecto; motum illius sequeretur, ab illo non seiungeretur, diuisoque diuideretur, quæ luci minimè accidunt abeat enim aër, & succedat aqua, cum aëre lux non abit, sed aquam, vt ante aërem, penetrat, diuisa aqua non diuiditur lux, aquam in aërem sol exhalet, lux non expirat, aut mutatur, quare lux non est in medio vt in subiecto accidēs. Nec etiam ipsi aëri immisceri voluit Scaliger exercitat. 6. n. 2. *Quamquam radiationes vires, effectiones non ante misceri arbitror quàm in ipso subiecto generali, aut alterabili constituentur. Non enim vnum fieri*

*O confusio!*



queunt neque per se, neque per accidens, quia antequam sint in subiecto alterabili, non sunt in alio subiecto quam in suo: sicuti lux in sole: non enim miscetur aëri in quem à sole manat & effunditur, effusa continuatur in aëre, propterea tota est in sole tanquam in subiecto.

---

PROPOSITIO XVII.

*Lux est in mediis quasi mobile.*

**N**ON est enim ut accidens in subiecto per 16. mouetur vero effluendo à lucente corpore, ergo est in medio quasi mobile.

---

PROPOSITIO XVIII.

*Lux est in superficie densi vel opaci, non ut in subiecto, sed ut contingens superficies in superficie contacti.*

**L**VX enim terminata, ut supra diximus in 7. habet trinam dimensionem, profunditatem à lucente effluens longitudinem, & latitudinem respectu superficiei: per 6.



vero terminatur contactu superficiei suæ, & corporis in quod defluit, superficies vero vnus in superficiei alterius apposita ipsi non inest vt accidens in subiecto, sed quemadmodum contingens, in contactu, quare non inest vt accidens, sed per contactum superficiei corporis illustrati adhærebit.

---

PROPOSITIO XIX.

*Lux in medio quasi mobile non mouetur  
vt corpus.*

**P**ropositione 9. ostendimus lucem traicere quædam corpora dum mouetur, nullum vero corpus aliud traicit, non datur enim talis penetratio; durumque duro illi dens resilit; si corpori cedenti, & molli impingat, illius motus tardior fit ob aliquam resistantiam, lumen vero penetrat, nec tardius fit traiciendo. Deinde corpus mobile suam successiuè præsentiam subtrahit medijs partibus, lux vero in omnibus medijs partibus anterioribus, & posterioribus præsens est, vt ex proposit. 5. manifestum, vbique enim, & vno simul instanti corpora sub diuersis distantis illuminat. Motus ergo lucis



per medium diuersus est à motu corporum.

---

PROPOSITIO XX.

*Lux in effluxu suo est immateriata.*

**S**I enim tunc esset materiata alia corpora penetraret; impossibile est autem vnum corpus ab alio penetrari, at lux effluendo penetrat, ergo lux effluendo non est materiata, aut corporea.

---

PROPOSITIO XXI.

*Lux dum terminari intelligitur, aut terminatur materiata est per se, non per accidens.*

**I**ncidens enim repercutitur per 10. & 13. tangit enim superficie, tactus vero non est nisi in materiatis & corporeis, *tangere enim, & tangi nisi corpus nulla potest res, Lucretius l. 2.* nam tactus fit per appositionem superficialium iuxta se, superficies autem sunt corporum, & materiarum, lux itaque superficie sua tangens superficiem illustrati, materiata,



# LVCIS.

terata, & corporea est, per se quidem, nam  
habet per se superficiem, ergo per se corpo-  
rea est, & materiata dum terminatur.

## PROPOSITIO XXII.

*'Lucis motus est in instanti, dum effluit.'*

**S**Vpra moueri lucem demonstraui-  
mus proposit. 1. & 17. ipsius vero motum  
dissimilem esse motui corporum per 19. quo-  
rum motus est successiuus, sistunt enim se-  
se praesentia medij partibus aliis, post alias  
quas superando reliquerunt, lux vero simul  
omnibus medij partibus est praesens per 5. &  
illius corollarium quare motus illius est in  
instanti.

Keplerus huius propositionis demonstra-  
tionem perficit alio medio prop. 5. c. 1. Pa-  
ralipom. ad Vitellionem quia videlicet vis  
mouens lucem infinitam virtutem habet res-  
pectu ponderis quod in luce nullum est, ideo  
virtute illa in instanti lucem ferri; nullum  
perfecto lux pondus possidet, quia ita nata  
est vt diffundi, & extendi à centro, non in  
centrum coire velit; illa enim quæ ita con-  
stituta sunt nullius ponderis gravitate de-

E



primente librantur, tales sunt æther, aër, vapores, & exhalationes, quorum in ortu extensio connata ipsis est, si vero, vt in aërem, vaporem, & exhalationem, contraria aliqua mutatio inducatur quæ ipsorum partes conglobet, & ipsis ad vniendum inter sese amorem incutiat, tunc pondus habent coeuntibus partibus, solus ergo partium amor quo ad se vniendum inter sese ex omnibus regionibus conueniunt pondus est quod ab extensione, aut eius desiderio euanescit.

Lux itaque nullum habet pondus quia extenditur, non quia est immateriata, vt ait Keplerus cum materiata extensionem appetentia pondere careant.

Datur porro è Phænomenis demonstratio, motûs lucis momentanei, ab Eclipsi Solis, sit ergo Luna inter terram, & Solem, & auertat Solis radios a terrâ. Luna, si quidem totum Solem texerit, totum lumen certo tractui terræ eripit. Quo momēto vero Luna supergressa, Solaris disci punctum liberum reliquerit, eodem momento lux terram attingit, hoc clarè probant imagines Solis pictæ post tubum opticum in alba papyro, & illæ quæ foramen ingressæ in cameris pinguntur; iisdem ei in momentis, & temporis punctis, restituntur Solis discus suo splendori, & ima-



go circulari figuræ, quo itaque instanti Lunæ ora superficiei punctum deserit, eodem lux allabitur. Deinde contactus marginis Lunaris tenebrosi, & Solaris lucis semper cernitur, sine aliqua interruptione, quare lux quæ in contactu, eodem momento cernitur; contactus vero lineæ, & puncta, singulis instantibus mutantur, singulis ergo instantibus lux, quæ in contactu, allabitur. contactus fit in instanti, & quæ lux in contactu videtur ante contactum non videbatur, facto igitur lucis Solaris, & disci Lunaris contactu in vno instanti, lucis radius in instanti ad oculum venit, semper enim aliarum, & aliarum infinitarum partium cernitur contactus. Sic ergo procedit sermo; eodem momento sunt, libratio Solis, & terræ illuminatio; At illuminatio fit effluxu lucis, & eius superficiei contactu cum superficie corporis, lux ergo Solis quæ in Luna terminabatur in instanti à Luna ad terram fertur. Et ita stat veritas nostræ propositionis.



## PROPOSITIO XXIII.

*Lucis motum non impediunt solida, ut talia, sed ut opaca.*

*mouetur*

**L**V X ut mobilis est immateriata est, diuersoque motu, ac corpora, quare diuersi generis existētes motus inter se, non oppositi erunt, vel cōtrarij, motus vero contrarij corporum se inuicem impediunt, nec corpus aliud corpus penetrat, lux vero effluens immateriata est; quare à solidis pellucidis non impeditur, quia datur penetratio corporis non corpori, & motui instantaneo, successius resistere non potest. At corpora quatenus opaca lucis motum impediunt ut recta procedat, sed illud impedimentum variat motum, non sistit, facit enim eum, ut declinet ad plagam oppositam.



## PROPOSITIO XXIV.


*Lux à densis pellucidis dum traiecit aliquam patitur resistantiam, si ex rario-  
re veniat, medio & à rarioribus, si ex  
densiori egrediatur.*

**E**Atamen est quæ motum non impediat, aut languidiorem efficiat, sed tantum diuergere facit, hæc autem diuersio radij, ἀνάκλασις seu refraction dicitur, quæ nihil aliud est, quam repercussio (seu vt vulgus opti-  
corum loquitur reflexio) interna, huius autem veram causam ex analogia reddidisse putat Keplerus prop. 20. c. 1. Paralipomen. dicit enim impedire densioris mediij superficiem ne lux dilatetur, & dispergatur, & analogicè argumentatur à proiecto globo obli-  
què in aquam, qui resistantiam à lateribus inuenit, & ad perpendicularem deflectit, si-  
cut ergo motus globi ob impedimentum re-  
silit ad perpendicularem: ita superficiem lu-  
cis superficiiei impactam materiæ idem pari,  
& coarctari deflectente illius motu ad per-  
pendicularem. At lux effluens non confide-



retur vt superficies, desideratur ergo aliquid in hac ratione. Totam causam consistere in repercussione interna existimo, nam ex modo & mensura refractionum, atque figurâ quæ eas metitur, videbimus quid sint refractiones. Hyperbolis mēsurari docuit experientia, hyperbolæ autem sectiones oppositæ ita se habent vt si ad alterutram ex axe deducatur tangens AB ad punctum vero B ex utroque umbilico C D deducantur CB, DB lineæ illæ ita deductæ ad contingentem æquales faciunt angulos ACB. ADB. quoniam igitur hyperbolis, & earum lineis mensurantur refractiones, & ad contingentem lineam AB comparantur anguli, erunt tales refractiones repercussiones internæ, quæ tangentem hyperbolam intra se comprehendunt, est enim tangens AB comprehensa lineis CB. DB. in repercussionibus vero externis contingit lineam tangentem circum, aut quamuis sphæricam, aut sphæroidem lineam à lineis incidentiæ, & repercussionis non comprehendendi sed totam extra esse: sicut illa quæ in plano, ad quam fit repercussionis angulus. Condensatur itaque lumen non ex causa à Keplero allata; sed quia fiunt repercussiones internæ, quæ ~~solum~~ accidunt quando lux ex rariori in tenuis medium





labitur ;  
se habet  
autē lux  
incidens  
ex rario-  
ri sicut  
sectio E  
FG, ad  
medium  
densius  
sectionē  
HIB.

PROPOSITIO XXV.

*Lux in infinitum rectā progreditur non  
occurrente opaco.*

**C**VM motus illius sit instantaneus per  
XXII. virtus illius in instanti mo-  
tum illum sequetur, sed motus ille præsens  
est omnibus medij partibus, ergo virtus etiā  
erit præsens ; cumque motus non sit succes-  
sius, & terminatus, virtus quoque erit in-  
stantanea, & infinita, virtus autem infinita  
motui coniuncta motum producit in infi-  
nitum : quare lucis motus in infinitum pro-



greditur: occurrente opaco non progreditur recta, sed repercutitur, habet enim lux contrarium opacum quod penetrare non potest. Potest ergo lux extra mœnia mundi diffundi in infinitum, siquidem termini mundi opaci non sint, quod si transparentes, ut multo probabilius est, lux illos transmeans in infinitum fertur.

---

PROPOSITIO XXVI.

*De luce nihil perit.*

**N**ON est composita ex contrariis, sed simplex, & homogenea quare non habet in se principia corruptionis, nullum deinde agens externum in ipsam agit, & à nullo patitur nisi quantum ad motum continuandum, sed sine sui imminutione, aut intertrimento, quare in eodem semper statu manet ex quo creata est; Neque corpora lucida de suo lumine quicquam perdunt, nam principium lucis in ipsis est: in Sole quadam cum excellentia, in aliis sideribus quantum ad visum nostrum minus, sed in rei veritate æquale; perennes itaque lucis fontes non exhauriuntur ipsam ei aculando, semper enim



# L V C I S.


41

enim coherant cum effluente sicut fons vnde riuus emanat, & per alias vias dantur reditus: si enim mundus sit rotundus, & sphaericus, & sistat partim lucem, ab omnibus corporibus lucidis lux vndique vibratur, & ab omnibus partibus repercutitur adeo ut refluat in corpora à quibus digressa erat.

## PROPOSITIO XXVII.

*Densitates superficierum luminis, sunt ad inuicem vt rationes dupla distantiarum superficierum à corpore lucido.*

**S**Vnt lucis effluxus sphaerici, & terminationes eius sunt per superficiem, quapropter vt superficies ad



superficiem, ita densitas ad densitatem, repetatur schema propos. 5. & sic lux terminata FG sub distantia à lucido AP. sit iterum lux terminata in superficie DE. quia tantumdem est lucis in FG quantum in DE erit in illa densior, in hac rarior, quia magis extenditur in DE, quàm in FG.

F



## DE NATURA

propter superficialium inæqualitatem, quare ut superficies FG ad superficiem DE. ita densitas DE ad densitatem FG alternatim, quia crescente superficie minuitur densitas, superficies autem sunt ad se inuicem in dupla ratione linearum homologarum ad ipsas pertinentium, ita ex æquali erunt densitates luminis.

### PROPOSITIO XXVIII.

*Lux pellucidum traiciens colorem illius induit, & eo afficitur.*

**H**OC experientia confirmat, transmittat enim vitrum rubrum, aut viride lucem, cum colore quo tinctum est transmittit, & lux tota eo afficitur: in Basilicis, & templis omnes sentiunt, et si soli Optices peritij dignoscant.



## PROPOSITIO XXIX.

*Nullibi sine colore est lux, & sine illo  
terminata nunquam cernitur.*

**L**VX enim incidens in quoduis corpus  
tinguit ipsum sed diuersimodè. Fortis  
enim, & condensata coloribus splendenti-  
bustinguit: si enim lentem vitream Soli op-  
ponas, & radios post traiectionem in alba  
charta excipias, in medio illuminationis co-  
lor maxime viuידus coruscat, in confinio  
vmbre colores paulatim infuscantur, hi ve-  
ro colores papyro albæ, aut chartæ non in-  
sunt, neque in vitrea lente, sed à lumine de-  
feruntur cui insunt, & pro luminis fortitudi-  
ne, & extenuatione mutantur. Colores etiam  
in iride visi, illisque similes delati à lumine  
traiciente globū aqueum, nubi roridæ non  
insunt, aut globo aqueo, sed ipsi luci. Co-  
lores pariter in collis columbarum visi qui  
iuxta lucis radiantis intensiorem, & inci-  
dentiam variantur, tandem nullum est lu-  
men quod colore suo non afficiatur, Solis  
lumen colorem suum habet, stellæ quoque  
suum, ignesque nostri.

F ij



Non autem cum Keplero tenendum est, colorem esse lucem in potentia, lucem in materia pellucidi confepultam. Colorem enim in multis fit per accidens, & ex accidenti luminis talis aduenit, verbi gratia, color in iride apparet talis propter incidentiam lucis, & incidentiam huiusmodi, incidentia autem est lucis accidens, & multo magis color qui incidentia posterior est, non est ergo potentia lux, sed actu lucis posterior, & accidens illum consequens; hoc absurdum porro sequeretur vnum homogeneum simul est actu & potentia idem, id est, aqua tota existens aqua partim est actu aqua, partim potentia. Lux repercussa à nube rorida ad oculos fertur actu lux, at fertur cum colore qui est potentia lux, lux itaque ens simplicissimum, & homogeneum est actu & potentia idem, id est, lux & nondum lux, partim itaque lux lucebit, partim non lucebit, quo nihil dici potest intolerabilius; Vt autem naturæ diuersitas pateat, quæ inter ea quæ actu & potentia sunt non reperitur, dum lux condensatur, attenuatur in splendorem color, per extensionem verò debilitata luce, infuscatur condensatus color, ergo lux & color, non sunt vnum idemque natura, quod sane forent, si differrent tantum actu, & potentia à se inuicem.



Cum ergo lux nusquā sine colore sit, & color ipsa posterior existat, lux est subiectum proximum coloris, siue sit primaria illa pura, siue in materia latens, & occultata, & color proprium est accidens lucis.

---

PROPOSITIO XXX.

*Color nullibi est sine lumine.*

**E**X superiori clarū est, colores inride, & collis columbarum in lumine inesse ut in subiecto. In materialibus verò quibus color materiæ mixtus est, quia lumen in tenebris non sentitur, maior occurrit difficultas, quæ tamen veritatem huius propositionis non obscurabit. Ne lux autem effluat ab his corporibus opacis cum ἐπεγεία ad tangendum sensum, impediunt materiæ tenebræ, & opacitas quibus implexum tenetur lumen, quare debilissimum, & materie vinctum compedibus in sensum agere nequit, inesse tamen quibusdam corporibus lumen euincunt cincindulæ, Pisces marini, ligna putria, quæ noctu intra se fulgent, habentque suum colorem luci inhaerentem, de die



verò eorum extincta luce à fortiori lumine Solis, eliditur cum ea color; Colorem verò luminis prorsus inherere, eique artissime unitum esse probant traiectiones luminis per media solida colorata, defluit enim cum colore medij eoque inficitur, vt 28. probatum: repercussiones quoque id docent, repercussum enim cum colore superficiei reperiens resilit, quare considerandum est quo pacto lux traiciens colorem medij assumat, & secum deferat.

Color medij est vt accidens in aliquo subiecto, lux ergo transiens colorem assumit vt accidens medij, at accidens non potest separari à suo subiecto cui inest, & in aliud transire sine perpeticie certa sui. Color ergo non transit de subiecto in subiectum omisso illo cui inhaerebat, lux ergo assumit, & vnitur coloris subiecto, & simul effluunt post medium, quodnam autem sit quaeritur? non est materia medij, non est eius forma, hæ enim non feruntur cum luce traiciente, nam ipsa fertur in instanti, hæc corpora verò minimè, quare necesse est vt subiectum, quod assumit cui proximè inest color medij, similiter motu instantaneo moueatur; Oportet ergo colorem medij assumi à luce traiciente dum hæc traiciens cum luce medij miscetur.



Quare & illis solidis color inhærens luci primum inhærebit, & mediante illa cum materia miscebitur. Miscetur accidēs medijs, cum accidente luminis transmissi per medium, necesse est igitur misceri subiecta, & simul effluere, quia accidentia simul effluunt, ergo aut soliditati misceri, & eam deferre aut molli, & corporeis partibus quæ non mouentur nec lucis motum sequuntur, cum his autem non procurrit lux; miscetur ergo cum alio quod secum mouetur cuiusque colorem induit; quare luci misceri necesse est, vt subiecto proximo coloris medijs; non enim vniri potest lumen homogeneous existens nisi homogeneous cum ex vnione exurgit vnū quid totum homogeneous per se, non per accidens; sicut aqua misceri non potest terræ, cum vnum totum per se ex aqua constare debet, sed aqua aquæ mixta efficit vnum per se ex homogeneous partibus non per accidēs colore igitur pellucidorum indicatiū factum est lucis inexistentis in illis. Quare alii etiam coloratis inerit, miscetur enim color incidentis luminis, cum colore corporis, misceri verò non possunt nisi mixtione luminum; interueniente, ergo, & lumen corpori inesse oportet, cum quo misceatur lux incidens, & repercussa, vt colorem induat, in hoc etenim



casu, vt & præcedenti subiecta misceri debent, vt colores misceantur, & simul deferri, nihil verò de superficie percutiente nisi lumen defertur, quapropter, lumen incidens lumini corporis misceri debet, vt simul mixtis subiectis colorum, lumen incidens induat colorem corporis.

*Corollarium.*

Cum ergo color sit lucis accidens propriū, & indiuiduus comes, consequens est omne corpus coloratum lucis particeps esse.

*Corollarium 2.*

Colorem primò luci inhærere, deinde mixtam materie lucem, illum corporibus communicare.

---

PROPOSITIO XXXI.

*Lux fortis mixta imbecille obiectum cum colore visibile reddit, assumens scilicet debilem.*

**C**ORpora sunt quæ coloris participia luculam ita tenuem, & infirmam habent, vt sensum in tenebris tangere nequeat; ab adueniente verò luce solis aut alia à qua  
sensus



# L V C I S.

49  
sensus efficaciter moueri possit assumitur  
lux, & color obiecti, & sensum efficaciter  
tangunt illæ luces commixtæ, sicut in sul-  
phure calor est qui effundi nequit sensibilibiter  
nisi ab alio excitetur. Obstat verò, vt mo-  
nuimus, materiæ opacitas, quæ lucem com-  
pedibus vinctam, & quasi stupefactâ coer-  
cet; contingit tamen aliquando materiâ at-  
tritâ illiusque condensatione rarefacta cor-  
pora quædam luculas suas coruscare in ob-  
scuris locis, forti lumine non impedi-  
ente, lux ergo illa corporibus connata est, & con-  
genita, non aliunde enim accedit, imo alio  
collustrante lucido euanescit; & demum ap-  
paret materiæ opacitate extenuata & rare-  
facta.

## PROPOSITIO XXXII.

*Lux, & color non sunt ἐνεργητικοί seu effi-  
caces ad sensum mouendum nisi termi-  
nentur.*

**S**ensus enim est materiatus, & corpo-  
reus; nihil ergo pati ab agente externo  
potest physicè nisi corporeo; debet enim esse

G



proportio inter agens, & patiens; lux autem interea dum traicit cum colore immateria-  
ta est, dum terminatur materiata, sensum  
propterea transiens non afficit, sed tantum  
dum terminatur, quia in hoc postremo statu  
est agens proportionatum cum sensu, & tunc  
fit ἐνεργητικὸς, tantum abest igitur ut medium  
traiciens moueat sensum, quinimo non sen-  
titur ut in conclauibus obscuris experiri qui-  
uis potest; lumen enim non sentitur nisi cum  
in pariete terminatum est.

---

PROPOSITIO XXXIII.

*Species sunt rerum imagines constantes  
luce, colore, & figura earum, quas vi-  
sui representant, quatenus radij infini-  
ti in conum coeunt.*

**S**pecies rerum esse imagines earum pro-  
bat experientia, in speculis enim species  
cernuntur, ut imagines pictæ, & quemad-  
modum imago manufacta obiectum repræ-  
sentat cum colore, & figura, & vmbriis, ita  
species rerum, eas representant cum luce, colore  
& figura sua; differt verò imago à specie,



# LV C I S.

51

quod illa obiectum repræsentat extra locum  
in quo est, hæc verò dirigit in obiectum, nisi  
siquis in speculo se consideret, aut alia obie-  
cta, ex repercussione enim tantum visa ex-  
tra locum suum apparent. Species itaque est  
imago cum obiecto connexa ex dispositione  
lucis, coloris, & figuræ obiecti constans; ex  
quorum aggregatione, & circumscriptione  
resultat. Sed illa tandem obiecta repræsen-  
tare potest, quatenus lucis, qua pingitur, ra-  
dij in pyramidem desinunt aggregati, aliàs  
enim, vt ad prop. 8. notauimus, obiecta ocu-  
lis repræsentare non possent, oportet enim  
vt illa oculum ingrediatur, foramine admo-  
dum angusto: nisi igitur in conum desineret  
oculum pars illius ingrederetur, & nunquam  
visio certa, & perfecta esset, quò minores  
verò sunt anguli pyramidum, eò species  
totaliter magis obiectum oculo repræ-  
sentat.

G ij



## PROPOSITIO XXXIV.

*Vna quæque pars speciei, ordinem habet  
& connexionem cum certis, & defini-  
tis obiecti partibus, quas singulæ re-  
presentant non alias.*

**S**pecies pictæ post traiectionem tubi opti-  
ci, aut foraminis, satis probant veritatem  
huius proposition. si sol enim exceptus tubo  
specie representaretur, cuius singulæ partes  
totum representare possent obiectum, con-  
tingeret, speciei partem illam quæ maculam  
in sole exhibet, totum solem representare  
posse, atque adeo fore totum maculosum quo-  
niam ab illa speciei parte solis in disco macu-  
la detegitur, quæ cum experientia pugnant,  
nec propterea admitti possunt; deinde si ita  
esset, nullæ decussationes radiorum fierent in  
ingressu lucis per foramina, confusæ enim  
speciei partes nullum ordinem inter se ser-  
uarent, non coirēt in pyramidis mucronem,  
& ideo nulla visio nisi confusa fieret. Expe-  
rientia verò nos certos fecit vnamquamque  
speciei partem respondere singulis distinctè



obiecti partibus, & lucis maculosæ lunæ radios obscurius pingi, quam gemmarum lunæ eiusdem coruscantia lumina, & eodem ordine in specie omnia pingi, quo in obiecto disposita sunt.

## PROPOSITIO XXXV.

*Lux semper calorem secum habet.*

**I**psa sibi indicio erit quæ æstate diutina præsentia hemispherium collustrans, calefacit intense, hieme verò statim discedens ubi tarde aduenit minus calefacit, & tam debiliter, ut propiorem, & magis diuturnam focis affidentes quærere cogamur. Lux itaque calorem generat: sed afferamus & alia exēpla, è pariete percussum lumen calefacit; lux quoque lunæ, et si secundaria, calorem etiam generat, & obseruatum est Lunam luminibus plenam hyeme frigus temperare, & vapores, qui in pruinam concreverunt ob debilem calorem, plerumque exhaurire, æstate verò vapores ciet qui in rorem resoluuntur. Vnde hyeme noctes lunā splendente claræ minus frigidae sunt, quàm silente Luna obscuræ. Æstate verò lumen




illud vapores exciens quos ex ficcare non potest, roridas magis efficit noctes, ideoque frigidiusculas.

---

PROPOSITIO XXXVI.

*Lux primaria cum secundariâ, id est, incidens cum repercussa coniuncta plus calefacit.*


**V**Ires enim duplicantur agentibus duplicatis, vel si virtutem vnicam, ut est; in luce primaria & secundaria intelligas, tunc ratio propositionis in eo erit ut virtus unita fortius agat, quam dispersa; virtus autem unitur, unito agente omnibus sui parti-



bus aggregatis, lumē ergo secundariū cum primario unitum magis calefacit, quia

virtus non dissipatur non dissipato lumine, æstates ideo calidæ, hiemes frigidæ sunt.





Æstate enim lumen secundarium cum primario vnitur, vt in prima figura cernitur hieme separantur ab inuicem vt in secunda apparet.

### PROPOSITIO XXXVII.

*Lux condensata calorem intensum, & ignem generat.*

**D**Emonstratur ille lucis effectus in speculis concauis quæ reperiendo in conicacumen lucem congregant, & ignem inibi generant, perfectius verò si caua superficies sit parabola, & multum capax sit eius superficies interior, in illius enim vmbilico (quem focum vocat Keplerus) tantum incendium exoriri potest, vt plumbum deliquetur, & nullo negotio combustibilia ardeant. Franciscus Maurolycus Theorem. 35. de lumine, & vmbra, sic explicat ignis generationem in concursu radiorum reper-



cussorum, quare expulso aëre ignis ibi generabitur qui fomitem sibi admatum accendet.

---

PROPOSITIO XXXVIII.

*Lux agit in materiam mediante calore.*

**Q**Voniam per præcedentem materia comburitur & deliquatur fusilis, atteriturque à luce mediante calore; lux generans calorem hoc mediante in materiã agit, ignis, seu potius lux in igne ferrum candescere facit, lux Solis, & Lunæ, dealbat atteritque parietes, filum, ossa, & alia.

---

PROPOSITIO XXXIX.

*Lux terminata agit in materiam successivè.*

**I**B I enim materiata est per 21. & per 18. contingunt se lucis superficies, & corporum quibus allabitur, quare ut agens corporeum in tali statu operabitur successivè scilicet non in instanti.

Lumen corpus pellucidum pertransiens  
transit



transit in instanti, & propterea non calefacit, at terminatū & materiātū in obiectum successiue calorem transfundit, agit verò successiue non solum ratione subiecti, sed terminationis, & ideo materiātū ex natura sua cū eiusmodi conditione successiue agit, quare calefactio non fit in instanti, quia à corporeo agente, in patiens corporeum actionis terminus transit. Illa autem actio successiua non ideo talis est, quòd in corpus lumen agat, sed quia corporeum factum est, dum etiam immateriatum manet transit in instanti non successiue, sed materiātum agit successiue vt cetera corpora. Constat ergo propositio.

*Corollarium.*

Hinc patet ratio cur lux solis transiens vitrum obiecta post illud posita citius calefaciat, quæ potius illam terminant; in vitro enim debilius terminatur, & transmeat: ideo minus corporea est, & in corpus minus agit: at in opaco terminata maxime corporea est, quare maior intercedit proportio inter illam sic terminatam, & corpus in quod agit: sentit propterea quiuis radios solis iam calefuisse lignum fenestrarum, cū vitrum frigidum adhuc est.

H



## PROPOSITIO XL.

*Lux terminata in superficie non mouetur  
in instanti sed successiue.*

**Q**uia scilicet materiata est, & corporea: demonstrationem autem huius propositionis suppeditant imagines obiectorum in speculis pictæ, quæ cum luce, colore, & figura per speculi superficiem feruntur, nec ab illa exeunt nisi successiue, & emenso spatio superficiei speculi; lux præterea contingua superficiei corporis, & coextensa non mouetur, aliter quam superficies alij coextensa; quamobrem motus ille necessario successiuus erit dum lux terminabitur.

Huc vsque lucis originem, generationem, operationes, proprietates, motum, & accidentia considerauimus: ex quibus omnibus naturam lucis inuestigare conuenit, quid ipsa sit, & in quo rerum ordine sit collocanda, in earum quæ per se sunt, & subsistunt, vel in accidentium serie.



## PROBLEMA I.

*Ex prædictis, & explicatis naturam lucis veram inuenire.*

**S**I in accidentium serie sit reponenda, subiectum illius quærendum est, & primum consideretur vt est in origine, & fonte, verbi gratia, in sole quæretur lucis illius subiectum; aliud non erit præter ipsum solem, videntum est itaque an lux sit in sole, vt in subiecto. Si est accidens lux in sole poterit abesse, & abesse **lumen** à sole sine interitu essentiali solis, quo commento quid absurdus? Sol operatur virtute quæ ipsi essentialis est, sicut in omnibus agentibus principium operationum, est aliquid in ipsis essentiali, atqui lux in ipso principium est operationum omnium, ergo lux in ipso quid essentiali, illud autem principium operationum est forma interna, ergo lux est forma solis interna, & essentialis. Sine luce sol non ageret in hæc externa, & sol non esset, à luce enim illius sunt omnes operationes illustrationis, caloris, & motus dum vapores excitat, sursumque trahit, dum vegetat, &

H ij



fouet omnia genitabili luce sua omnia perfundens; sublata ergo luce quia solis natura, & essentia perit, & omnes operationes illius, non erit accidens in sole, neque proprium, nam si ita esset, solis essentia concipi posset sine illa luce actuali, quin etiam sine illa esse posset, ut homo sine actuali risu; quomodo verò id fieri potest, ut sol sine luce sit, aut concipiatur. In fonte ergo, & origine non est accidens; sed neque in medio, & dum effluit est accidens. Si etenim hoc esset medio diffuente, aut agitato difflueret, & motum illius sequeretur; tantum verò abest ut hoc sit, ex superioribus enim proposit. nempe 15. 16. & 17. demonstrata esse in medio, non ut accidens sed ut mobile, condensari in medio aëre, & nulla vi externa concuti. Si verò foret accidens in medio ut in subiecto, eo modo moueretur, concusso quassaretur, nihil verò horum accidit ut proposit. prædictis ostensum est, quare lux in medio non erit ut accidens, quapropter medium subiectum illius non est; in obiecto tandem illustrato non inest ut in subiecto sed ut contingens superficies, in contacta, ut proposit. 18. ostendimus, ubi contingere superficiem illustrati docuimus, percuti ab eo, & resiliere, per ipsam moueri in longum & latum, ut



probant luces in specula incidentes, & terminatę; nullibi ergo reperitur subiectum inhaesionis lucis, ergo accidens non erit, quod physice sine subiecto existere nequit. Est ergo lux substantia.

Duplex autem datur substantia, vna incorporea, altera corporea, sub qua verò amborum comprehendatur non statim liquet, neque de plano sententiam hac de quaestione ferre facile. Lux in origine substantia corporea videtur, totus enim sol lucidus est, & quasi *μυδρὸς ἀγίτρωπος* moles eius cernitur: in medio verò quia aërem, aquam corporaque solida insuper penetrat, quia etiam in instanti mouetur corporea esse nequit vt proposit. 19. 20. & 22. diximus, daretur enim penetratio corporum, aut corpus in instanti, posset moueri quæ duo impossibilia sunt, terminata verò rursus corporea videtur, tangit, repercutitur, coextenditur agit successiue per calorem, quæ omnia corporibus comperunt. Transit itaque incorporea, & terminata corporea est; At occurrit alia quædam consideratio, si lux transit incorporea, quomodo trinam dimensionem habere poterit, talis existens; communicant ergo inter se proprietates, & affectiones suas, corporea, & incorporea substantiæ in luce.




Lux ergo substantia corporei, & incorporei particeps est, corporei in terminatione, dimensione, contactu, percussione, actione successiva, incorporei in penetratione, & traiectione corporum, & motu instantaneo.

---

THEOREMA I.

*Lux est substantia media proportionalis inter corpoream substantiam, & incorpoream.*

**M**edia proportionalis est, quæ inter duas extremas lineas rationes amborum æqualiter diuidit, quæque particeps est excessus, & defectus, & easdem habitudines cum vtraque communicat, & quotis sui partibus exceditur à maiori, totidem minoris partibus eam excedit.


**S**int AE, & C. Extremæ. A E .I .G.H. maior C minor D E, excessus quo AE excedit C. quoniam inter AE, & C. nulla potest dari media quæ excedat AE toto



excessu DE, continet AE totaliter omnes excessus, quibus omnes mediae superare possunt C. totus ergo excessus est in AE. defectus in C. quæ verò dabitur inter eas media proportionalis æqualiter deficiet, & excedet partibus proportionalibus, eritque minor AE tot partibus aliquotis sui, quot maior est C partibus aliquotis eiusdem. Si que BG erit ergo ut AE ad BG ita BG ad C. tota verò ratio quæ intercedit inter AE, & C. existente media BG componitur ex ratione AE ad BG. & BG ad C. media ergo particeps est defectus, & excessus; ut verò applicatio Geometricæ demonstrationis ad Physicam rite fiat, sit substantia incorporea AE. corporea verò. C. substantia incorporea AE excedit corpoream tota DE. motu instantaneo, & penetratione solidorum. Substantia verò corporea C. deficit ab incorporea, terminatione, & motu successivo, iam

D F E.

A ————— inveniendæ est media proportionalis

.I .G.H.

B ————— quæ deficiat ab incorporea, & superet corpoream. Media autem particeps

C ————— est defectus & excessus, excedit autem AE, C motu instantaneo, & penetratione; deficiet



itaque B G ab A E terminatione & motu  
 successiuo; Deficit autem C ab A E motu  
 successiuo, & terminatione excedet, ergo B  
 G. rectam C motu instantaneo, & penetra-  
 tione. Quæ ergo vno respectu deficiet, alio  
 excedet substantia, erit media, lux verò vno  
 respectu superat (dum effluit penetratione,  
 & motu instantaneo) substantiam corpo-  
 ream; alio respectu verò, seu habitudine de-  
 ficit (dum terminatur, & successiue moue-  
 tur) ab incorporea.

{ Sic autem rationes comparari possunt vt  
 { A E ad B H minus G H. ita B I plus I G ad  
 { C. vt substantia incorporea A E, ad B H  
 { incorpoream vna habitudine minus G H  
 terminatione, & motu successiuo, ita B I sub-  
 stantia corporea alterâ habitudine plus I G  
 motu instantaneo & penetratione, ad C cor-  
 poream. Et in numeris: vt A E 16. ad 16. mi-  
 nus 4. ita 9. plus 3. ad 9. id est, vt 16. ad 12.  
 ita 12. ad 9. Ergo vt pura substantia incor-  
 poream, ad lucem, ita lux ad corpoream, & ita  
 Theoremati satisfactum.

Fridericus Bonauentura Vrbinas in opus-  
 culo quomodo calor à sole producat c. ii.  
 Simplicij, ac Diui Thomæ autoritate ra-  
 dios, ac lumen, mediani quandam naturam,  
 inter corpus & non corpus habere asserit,  
 cum verò incorporeum explicat intel-  
 ligit



ligit accidens adeo ut lumen sit medium inter substantiam, & accidens: per quandam similitudinem, seu participationem conditionis alterius extremi; non autem per participationem vel negationem extremorum, negare tamen non potest cum proprietates essentielles corporeæ, & incorporeæ substantiæ participantur à lumine quin ipsa sit media participatione extremorum; nec inter substantias ea intercedit contrarietas naturæ quæ impediat ipsas, etsi sub vno genere distinctas essentialiter, quin ex ipsis vnum aliquod per se existat; inter accidens verò, & substantiam talis est contradictio, ut ex ambobus, vnum per se exurgere nequeat, sed solummodo vnum aliquod compositum per accidens, lumen porro de accidenti nihil participat nullibi enim inhæret.

*proportione.*

*Ratio à participatione sensuum cæterorum qua lux corporea probatur.*

**I**N actione sensus potentia corporea tangitur ab aliquo corporeo sensibili; fit tactus, cum corpus admouetur per contactum corpori animato sensus officia fungenti. Gustus perficitur tunc cum peruis certis lin-



quæ implicatis, admouetur corpus quod saporem suum contactu corporeo communicat illis neruis. Odoratus afficitur, non necessario cōtactu corporis odorati. Sed contactu effluentis vaporis corporei ab odorato, ad nares odorantis; Auditus verò aëris auribus accidentis, & eas tangentis, motu, tangimus ergo, gustamus olfacimus, & audimus, dum corpus aliquod organa horum sensuum tangit; visus verò sensus est in corpore, organo corporeo operatur, quare ab aliquo corporeo tangi necesse est, non minus enim corporea sunt organa visus, quàm cæterorum sensuum, eadem propterea analogia inter agens & patiens requiritur, quæ in aliis; corporeum itaque agens; si enim visui sufficeret incorporeum, sufficeret & aliis, omnia enim in omnibus paria sunt, organa enim corporea existunt, & specierum receptione actiones sensus edunt; agens ergo in visum non minus corporeum est, quam ea quæ in alios sensus agunt, lux verò illud est agens, quare erit corporea.

Sed dicent fortasse aliqui hoc discrimine visum à cæteris disparare, quod in aliis scilicet sensibus requiratur contactus corporis, in illo verò contactus virtutis, seu cuiusdam *ἐνσυνεχίας* obiecti visibilis, quare lucem oculis



incidentem non esse corpoream. Vera est instantiæ prima pars, visus enim hoc differt ab aliis sensibus, quod obiectum tangere mole sua oculum non debeat, sed contactus ille quem dicunt virtutis non est incorporei tactus: pugnat enim tactus cum incorporeo; sed explicanda est tota difficultas, non fit contactus molis corporis in visione, quia moles simpliciter non est obiectum visus, sed moles, vt lucis, coloris, & figuræ particeps, quare molis, vt talis nullus necessarius est contactus, nullusque eius virtutis, & energię, quoniam ipsa vt moles non est obiectum visus, contactus ergo lucis, & oculi tantum requiritur.

Illā verò lux non est virtus, aut ἐνέργεια molis, imo contraria natura est molis materiei opacæ, lucis naturæ: lux autem illa effluens cum non sit virtus molis, non erit simplex contactus virtutis molis obiecti, & oculi, dum oculus videt; lux ergo illa effluēs cum sit diuersa à virtute molis obiecti, & effluat ad oculum tangens ipsum tactu corporeo, corporea necessario erit; prudentissime sane, & maximo cum cōmodo omnium animalium egit natura dum molis contactum, & oculi ad vidēdum noluit adhibere, nulla enim maiora obiecta videri potuissent



quam sunt foramina vuae, seu pupillæ, & nulla corporis magnitudo comprehendi potuisset, & oculo certificari, lucem verò cono terminatam nuncium ab obiecto mittendum statuit qui figuram, colorem, & magnitudinem oculo nunciaret.

Non extra rem præterea esse puto si de sensuum agilitate pauca hic differam; vulgus distinguit sensus agiliores vt visum, & auditum, ab aliis tardioribus, quasi agerent organa per se ad sensationem efficiendam, & in obiecta agerent, non hæc in illa: tota autem differentia est à motus agentis in sensum tarditate, vel celeritate; sensus enim qui contactum molis requirunt tardiores sunt, vt gustus, tactus, & odoratus, postremus tamen celerior est quia vapor vento impulsus celerius fertur, atque etiam sine vi venti corpus illum exspirans prius naribus admouet, quam tangat. Auditus verò sonum celerius percipit, quia ab aëre mobilissimo editus celeriter fertur. Visus omnium celerrimè obiecta sua comprehendit, ob motum lucis instantaneum, quoniam itaque celeriter patitur organum ab obiecto, sensatio cito perficitur in quibusdam, in aliis tardius, quia tardius patitur organum ab obiectis.



*Quid sit lux substantia in rebus.*

**N**Vnc quid sit lux in rebus videndum ;  
omne compositum materia, & forma  
sua constat quæ extremæ sunt, & à se inui-  
cem totâ differentiâ distant, quæ inter cor-  
pus, & non corpus reperitur materia enim  
corporea existens, forma incorporea infor-  
matur, corporea etenim si existeret forma,  
vnum corpus aliud penetraret, & in eodem  
spatio dimensiones vtriusque comprehen-  
derentur : non itaque tam oppositæ substan-  
tiæ inter se conciliari possunt nisi medium  
aliquod detur, quod cum vtroque commu-  
ne aliquid habens, ambo coniungat & con-  
ciliet, alâs semper erit pugna inter vtrum-  
que, compositioque inordinata, & incon-  
cinna erit. Totus insuper defectus vnius  
cum excessu alterius complicatus nullam  
rationis compositionem efficit, nullam imo  
rationem, sed excessum vnius supra aliam  
magnitudinem, & qua differant magnitu-  
dine ostendit ; Compositio verò materiæ &  
formæ non est, vt excedat forma materiam  
aut illius excessus cernatur, sed vt mutuo &  
alternatim suas rationes communicent, ana-



logia scilicet Geometrica, quia inter se partiuntur excessum, & defectum dum forma scilicet præstantior materiæ se accommodat, & materia vicissim, formæ operationibus inseruit, & se ei vtendam præbet; mera est ergo compositio rationis & Geometricæ proportionis, materiæ & formæ in composito adunatio; compositio autem rationis fit vna, vel pluribus mediis proportionalibus inter extremas occurrentibus, quæ coniungunt rationes extremarum inter se; debet ergo in compositione materiæ formæ intercedere substantia media proportionalis quæ vinculum sit quo forma materiæ connectatur. Lux verò supra talis ostensa est, theoremate vnico, erit ergo lux in rebus vinculum commune formæ, & materiæ quo intercedente oritur consensus inter eas, cum verò lux, in rebus aut materiam attriuerit, calore, & actione sua, aut ( quia tantum in eis participata est, non primaria ) materia se expedierit, soluitur compositum; quædam exempla supra attulimus corporum quibus lumen inest, quæ non parū iuuant ea quæ supra diximus, vt etiam alia consideratio mutationis coloris quæ nunquam accidit in composito nisi mutetur & illud; & colorem autem sine luce subiecto suo supra demonstraui.



mus non esse ; mutato ergo colore aut abeunte, mutatur lux aut abit ; cum ergo dissoluto composito abeat & calor, lucem quoque abire necesse est, & sane dissolutionis compositi, oculorum, qui luce sua non carent, obtenebratio indicium est, abeunte enim luce vinculo compositionis, dissolvitur compositum. Posset etiam aliquis contendere formas substantiales esse lumina participata, ut docent noctiluca illa animalia quorum vita longior non est, quam innatum lumen, refert apud Ramusium Ouiedus lib. 15. Histor. c. 8. in insula Hispaniola reperiri animalculum ex genere muscarum ampliorum quod tanta luce interna repletum est ut noctu luceat, & ab incolis in usum lucernarum adhibeatur, huius verò animalis, quod *cocuyo* appellant, tandiu durat lumen, quandiu vivit, & languente lumine languet, extincto moritur, lumen ergo in illo vitæ fons est, & principium, & substantiæ eius pars est, quia alimento reparatur, & vivificatur, inedia consumitur.



*Nota ad propositionem XXII.*

**I**N qua asseruimus lucis motum esse in instanti, *Iulius Scaliger* se non potuisse hunc momentaneum motum concipere fatetur, sol enim successiue mouetur, & terram in instanti non illuminat; deinde absurdum esse lumen moueri in instanti asserit *Sebastianus Basso* l. 2. de cœlo, intentione 2. de lumine, quia eodem instanti totum erit in singulis partibus, & illa effluxio non habet instantaneam durationem sed continuam, quare in instanti fieri nequit.

Ad Scaligeri rationem iam satis dictum est prop. 15. & 40. nam lux terminata non mouetur nisi successiue, quare verum est, & iam admisimus lucem solis non illustrare terram nisi successiue, & non in instanti, quia lux solis terram illuminans non consideratur amplius vt in effluxu, sed vt termina. & talis paulatim, & successiue partes omnes, regionesque terræ adit; illud verò quod Scaliger querendum dixit, an effluat in instanti a corpore lucido, in proposit. 22. satis clarè ostendimus in instanti moueri, nec illo argumento ab immaterialitate petito, quod

infir-



# LVCIS.

73

infirmum dixit, vñ sumus, et si immateriali-  
tas lucis maximè faciat cum illo instantaneo  
motu, nec sit aliqua identitas lationis soni, &  
luminis, sed adduximus demonstrationem;  
è phænomenis petitam, quæ Scaligero, &  
Bassoni sufficere debet.

Postremus horum lucem prorsus corpo-  
ream constituit nulla tamen demonstratio-  
ne, aut ratione allata, ideo coactus est vacuū  
admittere, & motum successiuum, & sane si  
talis esset oporteret vtrumque etiam esse, sed  
neque simpliciter corporea est vt ostendi-  
mus, sed corporei, & incorporei particeps;  
neque vacuum dari, ipsi in transitu necessa-  
rium est, cum incorporea transeat diapha-  
num; quem verò ordinem, & figuram vacuis  
spatiis dare potest in vitro, aut aqua vt lu-  
men recta transeat, & non impediatur à su-  
perficiebus vacuum comprehendentibus;  
deinde vacui situm mutari conueniret mu-  
tata transitus inclinatione, sed illa non eue-  
niunt; quare vacuum statuere, & nullū illius  
certum situm, atque dispositionem ostende-  
re ad quamlibet inclinationem luminis,  
dum transit vitrum, non est docere quomo-  
do res fiat. Neque est tota simul in omni-  
bus partibus lux effluens, sed extensa est &  
habet partes extra partes, vt omnia quorum

K



natura est, ut extendantur, & diffundantur. Sed bene non concludit non effluere in instanti, quia effluxus habet continuitatem durationis, quasi non sint multa quæ in instanti orta, non durent nisi instans, contactus fit in instanti sed potest in æternum durare, quare illius argumentum non euincit motum lucis in effluxu successiuum.

---

*Nota ad propositionem XXIV.*

**L**VX dum incidit superficiebus aliquid ab eis patitur, quare dum de medio rariori in densius defluit, aliquam patitur resistantiam, quia in superficiem densioris venit, quæ superficiem rariorem tangit, illa verò resistantia talis non est, ut transitum impediat; sed cogitur lux impingens à recto tramite diuertere; quapropter quæ radij refractione dicitur fit in superficie densioris medij quod lux ingreditur; quia verò dum lux patitur à superficie medij densioris, reflit à recto tramite, & frangitur, refractione erit repercussio interna.

Non autem patitur lumen à densitate medij adeo ut ingressa ad latera excurrere nequeat, nam in denso medio etiam directe



# L V C I S.

75

fertur & irretracta, sed tantum patitur à superficie, quia passio contingit in occurfu superficierum lucis, & medij densioris, & in superficie medij densioris consistit angulus refractionis. Huic ergo refractioni lucis, non attulit analogiam respondentem Ioannes Keplerus, prop. 20. c. 1. Paralipomenon ad Vitellionem, nec qui eum sequuntur, ex motus similitudine proiecti in aquam obliquè globuli verà causam refractionis ostendunt, quasi medium occurrens lateraliter lucis progressum impediat; nullum autem medium diaphanum actionem habet in lucis motum, sed illius solummodo superficies quæ rationem habet termini.

Dico itaque refractionem esse repercussionem internam, & oriri ex superficierum lucis, & medij mutua collisione adeo ut lux resiliat: Huic verò affirmationi obviare potest quilibet omnes repercussiones fieri angulis æqualibus incidentiis, refractiones verò minimè, & valde diuersos existere angulos refractionum, nec æqualiter crescere, & minui pro ratione inclinationis: in angulis enim incidentiæ obliquis, valde præcipitantur, in rectoribus insensibiliter minuuntur & crescunt.


Ad ea respondendum est, & res eo modo

K ij



considerāda. Lucis natura est progredi in in-  
finitum motu vniformi, si verò occurrat  
opacum motum terminans resilit, sed ea-  
dem motus vniformitate seruata, eādem  
nempe inclinatione in planum à quo resilit,  
vt propos. 13. ostendimus, in hoc autem mo-  
tu passio contingit in superficieum con-  
tractu.

Sunt verò corpora que lux traicit, & à  
quibus simul repercutitur, incidens talium  
mediorū superficiebus resilit extra illas cum  
vniformitate quam dicebamus, & in idem  
medium recurrit, & quia in idem medium,  
anguli incidentiæ, ABC, & refractionis D  
BE, in semicirculo, CADE mensurabuntur,  
qui totus est in eodem medio, & Hemisphe-  
rium repræsentat.



Simul verò dum lux  
repercutitur à medio  
CBE, etiā illud pe-  
netrat sed non per  
rectam ABF, sed in-  
cidens in B, diuergit  
ad G; fitque angu-  
lus refractionis, seu

repercussionis internæ FBG. Fit autem illa  
repercussio intra medium densius CGE,  
quare in alio medio cōtingit illa repercussio;



præterea in repercussionibus externis linea  
CE ad quam repercussiones fiunt tota est  
extra lineas incidentiæ, & reflectionis AB  
D, in internis debet comprehendi; deinde  
in repercussionibus externis linea CE ha-  
bet rationem diametri angulus incidentiæ B  
rationem centri; & CAE idem est medium,  
propterea vno circulo mensurantur in inter-  
nis vnus circulus non potest, quia duo media  
occurrunt, in quorum altero est linea inci-  
dentiæ, in altero linea repercussionis, & quia  
occurrunt duo media, duæ figuræ, circuli,  
vel aliæ regulares requiruntur ad mensuram  
illarum repercussionum internarum, quæ  
tamen ita debent constitui vt aliquo com-  
muni vinculo inter se cohæreant, sint æqua-  
les, ac propterea idem centrum habeant ac  
eandem diametrum, præterea lux incidens,  
seu *quid* lucidum punctum, quia sphæri-  
cè radiât, & extenditur per vnum medium  
habet rationem sphæræ cuius superficies, tan-  
git alijs medijs superficiem cui incidit, &  
medium illud habet rationem alijs sphæræ,  
propterea lux incidens in medium densius,  
& refracta penetrans habent rationem dua-  
rum sphæricarum superficierum opposita-  
rum, quæ tamen eodem centro, ac eâdem  
diametro connectuntur, propterea impossi-



bile est aliam figuram, quam hyperbolicam  
vniuersaliter, & semper mensurare refra-  
ctiones.

Ex eo accidit lucem intra repercussam cō-  
seruare vniformitatem motus, & eandem  
inclinationem ad lineam contingentem su-  
perficiem medij in qua fit refraction, & pro-  
pterea lineæ incidentiæ, & refractionis com-  
prehendunt lineam contingentem quæ an-  
gulos facit vtrinque æquales, vt patet in fi-  
gura huius 24. proposit. sectionum oppo-  
sitaram.

Circulus verò ad mensurandas refractiones  
prorsus, ineptus erat, quia circulorum  
vel sphærarum oppositarum idem cen-  
trum, ac eadem diameter esse non potest;  
deinde quia motus vniformitas in æqualita-  
te inclinationū prorsus necessaria est, circu-  
lus, & sphæra non conueniunt huic vni-  
formitati præstandæ, semper enim refractionis  
angulus inæqualis est angulo incidentiæ, in  
sphæricis.

Sic itaque inter se conferri possunt reper-  
cussiones internæ, & externæ.

Externæ fiunt in eodem medio, internæ  
ex vno, in aliud diuersum.

Externæ fiunt in eodem hemisphærio;  
internæ in duobus oppositis.



Externarum hemispherium mensurat circulus cuius centrum est angulus, & punctum in quo fit reflexio, internarum duo hemispheria mensurant sectiones oppositæ, quorum centrum medium est in axe ambas coniungente, & medium etiam inter lineas incidentiæ, & refractionis in axe terminatas.

Externarum linea in qua fit repercussio tota est extra lineas incidentiæ, & repercussionis, internarum tota est intra.

Atque hæc dicta sunt ad probandas refractiones esse repercussiones internas, quæ fiunt ob plagam, & collisionem lucis cum superficie mediorum, dum ex tenuiori in densius aut è contra progreditur.

---

## APPENDIX.

**R**efractio è medio rariori in densius, ita fit, vt lumen non dispergatur, sed quasi constipetur, viresque suas colligat, quibus superet resistantiam medij densioris: ita omnes Optici, Vitello p. 47. l. 2. & perspectiua communis p. 15. l. 1. *maior est enim vis in perpendiculari incidentia (vt ipsi aiunt) quam in obliqua, quando igitur occurrit medium densius,*



*& magis resistens, necessarius est radio fortior situs, & directior, directoque propinquior. Sed illa ratio nulla est, lucis enim motus qui fit in instanti, non impeditur à medio densiori, quin transeat in instanti. nulla itaque resistentia ex parte medij, nec debilior est radius obliquus, recto, in transitu, quia vterque eodem instanti transit, cum pari igitur vterque facilitate.*

Keplerus prop. 14. c. 1. Paralipom. ad Vitellon. aliam affert rationem, quare lumen impeditius transeat per densorum superficies, *quia (inquit) luci competit motus rectus, quare proprietates motus recti ei competent, & propterea impedimentum à densiori medio, quatenus superficie densa terminatur, sed illa quoque ratio nulla est, & à Keplero adduci non debuit, qui motum instantaneum luci tribuit, in illo enim motu nullum impedimentum contingere potest, quo lumen impeditius transeat, impeditior enim transitus inducit motum successivum, alio tardiozem in motu verò instantaneo nullus est gradus tarditatis, aut velocitatis, sed est ille motus totus simul.*

Nec magis euidentem adduxit addendo, *lucis motum fieri naturaliter cum extensione: & quemadmodum superficies ob infinita puncta*



*puncta resistit motui qui est in lineis, sic superficiem densam resistere motui extenuati.* Nam et si superficies corporis resistat motui progressiuo, non tamen resistit motui extenuanti primò; quia non impedit transitum instantaneum. Secundò propterea quòd superficies non potest impedire motum extenuantem; siquidem illa extenuatio fit motu in profunditatem continuato, quæ in superficie non est; ideo superficies nullam habens profunditatem, impedire non poterit extensionem luminis per profunditatem medij.


Et propositione 20. eiusd. cap. rationem affert ob quam lux obliquè medio densiori allapsa, ad perpendicularem frangatur, estque illa huiusmodi; *Quia lux motui suo contraria, medio similia patitur, at motus lucem spargit, medium ponitur esse densius, ergo medium impedit quominus lux spargatur.*

Iuxta hanc itaque ob medium densius condensatur lumen in illo, quia medio similia patitur, à pari igitur in cōtrariis, in rariori medio lux semper dissipabitur, cùm è densiori veniet, quod falsum esse ostendunt congregationes luminum post lentes vitreas, vel globos aqueos, sed tamen illa congregatio non fit, quia impedit medium luminis dispersionem, quippe tenuius est, non ergo



qualitas medij congregationis luminis cau-  
sa est, vt sibi persuasit Keplerus nec etiam  
frangitur radius ad perpendicularem in  
densiori medio, quia similia illi patitur, nam  
per hanc rationem in rariori nusquam con-  
densari deberet lumen.

Quare igitur fit refraçtio ad perpendicu-  
larem in densiori medio? Vt nodus hic dis-  
soluatur, vlteriùs comparandæ sunt refraç-  
tiones cum repercussionibus.



Repercussio fit ad  
plagam medij, in  
qua consistit maior  
angulus factus à li-  
nea incidentiæ, in su-  
perficie corporis lu-  
men terminantis, Sit  
AB linea incidentiæ,

ABC est angulus minor, ABE maior, fit re-  
percussio BD in plaga anguli maioris ABE.  
Refraçtio verò contrario modo contingit,  
nam fit ad plagam anguli minoris qui a linea  
incidentiæ, & superficie densioris, in parti-  
bus medij rarioris efficitur.

Sit AB linea incidentiæ, CE. superficies  
densioris angulus minor est ABC in medio  
rariori comprehensus à linea incidentiæ AB,  
& superficie densioris CE, dum itaque AB



ingreditur medium densius frangitur versus G ad plagam anguli minoris ABC; & procurrat BG.

Cum igitur repercussiones post incidentiam contingant, secundum huius angulos, propter superficierum luminis, & illustrati collisionem. Oportet pari lege refractiones post incidentiam secundum huius angulos propter luminis, & secundi medij superficierum collisionem. *fin.*

Fit repercussio ad plagam anguli maioris, propterea repercussio fit semper à perpendiculari, vel in ipsa, fit refractione in densiori ad plagam anguli minoris, & propterea ad perpendicularem, fit refractione in rariori ad plagam anguli minoris ABC. propterea G B in rariori frangitur à perpendiculari, & progreditur per BA.

Ratio autem quare ita fiat talis est, refractione non impedit progressum rectum lucis intra medium densius vel rarius, quare oportuit lucem fractam frangi ad plagam anguli minoris in medio rariori, ut eandem in progressu seruet plagam, quam immutari necessarium fuisset si ad angulum maiorem facta fuisset refractione, & ita non tenuisset progressum rectum in eadem plaga contra naturam motus lucis, & hæc est simplex &

L ij



genuina ratio quare in medio densiori condensetur lumen, in rariori alias condensetur, alias dilatetur; ex ratione scilicet motus, & modo incidentiæ, non autem quia lux appetat, condensari, vel rarefcere propter medi-  
diorum dispositionem: ab eis enim nihil, sed totum patitur à superficiebus. Atque hinc clarius patet quid sint refractiones, re-  
percussiones scilicet internas hyperbolicque ex natura sua mensurati, & fieri quasi ex duobus hemisphæriis oppositis communi centro innitentibus. Hactenus de refractionibus quas propius intueri magnos viros cupimus, ut magis elucescant.

---

*Nota ad propositionem XXVI.*

**D**Iximus de luce nihil perire, quam propositionem hic iterum affirmamus, sed potest hæc obiectio fieri, quando lux effluit à lucente, & terminatur in corpore opposito, si opponatur inter lucidum, & illuminatum superficies corporis quæ lucis traiectionem impediat, tunc lucis effluxus discinditur, quid ergo fit de lumine intercepto inter opaca.

Respondeo lumen illud iam resiluiffe à



corpore opaco in quo terminatum erat, & totum interceptum inter opaca in instanti eodem defluxisse, & repercussum esse, quo interpositum est aliud corpus, id verò lumen repercussum diffusum est, & alij mixtum, & consociatum, adeout: ex tali hypothese nulla fiat luminis deperditio.

Alia obiectio fieri potest, ignis lucidus est, & ab eo lux effluit, quotidie verò ignes extinguuntur aqua, & suffocantur nimia compressione.

Responsio talis est, ignium extinctio non fit luminis interitu sed dissipatione, & aqua igni iniecta, operationes lucis destruit, exsiccandi scilicet calefaciendi, & illustrandi, harum autem operationum effectrix non perit, agentia enim naturalia illa non se inuicem destruunt, sed actiones tantum, & corpora se inuicem non extinguunt, sed pellunt, deinde si tæda compressione extinguitur videmus lucem dissipari, & compressione dilatari. Alia verò afferri potest responsio, lumen in lignis tædis, & aliis combustibilibus retinetur per actionem quam edit in illa, dum condensatum in materia apta ad recipiendam actionem, quando verò aliter disposita est materia, lumen amplius agere nequit quia in huiusmodi materia amplius



condensari, & retineri non potest. Satis ergo manifestum est de luce nihil perire, & aquas igni superfusas lucem non annihilare, sed dissipare.

---

*Ad propositionem XXXI.*

**N**E verò dicant aliqui me contradicentia dixisse in hac propositione, & in XI, sensum meum explicabo, in hac dixi iuxta Opticas demonstrationes, tot esse vnius corporis vmbrae, quod lumina quare verum est non confundi illa lumina, & illud aperte demonstrant traiectiones plurium luminum per aliquod foramen, etsi enim in illo quantumvis paruo lumina consociantur, transeunt distincta non confusa ita docuit experientia, & ex ea *Alhazen lib. 1. prop. 29. & Vitell. lib. 2. prop. 5.* in illa verò trigesima prima propositio. dixi lucem fortem mixtam imbecillæ obiectum visibile reddere, assumendo lucem obiecti debilem, hanc ergo mixtionem non intelligo; vt vulgus alteratorum vnionem, sed consociationem; nullus autem negare potest consociari lumina in transitu foraminis, etsi non transeant confusa, consociantur enim quia occupant



idem spatium eundemque transitum, distincta transeunt, & non confusa quia à singulis procurrunt per lineas rectas radij, & pyramides lux itaque misceri potest luci, id est, consociari, & iisdem rectis lineis, & sub eadem pyramide ad oculum pertingere lux obiecto congenita, & ab illo repercussa, quare nihil aduersus Opticas demonstrationes hic peccauimus.





# ANTIQVORVM Philosophorum de luce placita.

PLATONIS.

**P**Auca habemus veterum monumenta, quibus natura lucis explicata continetur, rationesque pauciores, vel nullas attulerunt, vt quid ipsa sit docerent; multa sane de lucis dignitate, & præstantia solis dixit Plato, huncque *τῷ πολιταίων 6.* vocat deū, καὶ τὸ ἀγαθὸν ἐκγονόν *boni filium*, quem sibi similem genuit; sed illius essentiam penitus non inspexit: & quoniam quid de illa senserit Plato considerare volumus, locum vnum, & alterum adducemus ex Timæo, primus est (σωματοειδὲς δὲ, καὶ ὁρατὸν, ἅπλουν τὸ δὲ τὸ γενόμενον εἶναι, χωριδὲν δὲ τε τῷ πυρὸς ὃ δὲν ἂν ποτε ὁρατὸν γένοιτο) id est *corporeum etiam & visibile atque tactile oportet, id quod factum est, esse separatum verò ab igne nihil visibile quicquam erit.*

Ex



Ex quo apparet sententia Platonis de lucis essentia, & forma; illam scilicet esse ignē: nam id quod ad videndum prorsus necessarium est, lux est, ut ipse docet 6. τῶν πολιτείων sub finem ubi affirmat lucem ad videndum prorsus necessariam esse; ἐν δ' οὗτος πρὸς ἐν ὁμιασι ὁ φῶς, καὶ ὅτι χειρουῖτος τῷ ἔχοντος ἡγεῖσθαι αὐτῇ παρέχης δὲ χροῖας ἐν αὐτοῖς, εἰ μὴ ὡς γένηται γένος περὶ τὸν ἰδίᾳ ἐπ' αὐτὸ τῷ πεφυκός, οἷον ὅτι ἢ τε ὁ φῶς ὅθεν ὁ φῶς, ταῦτε χρώματα ἔσαι ἀόρατα πῶς δὲ λέγεις ἔφη τέττε; ὁ δὲ συχλαῖς, ἦν δ' ἐγὼ, φῶς, id est, *visum in oculis, existente.* visione, id est videndi facultate, & qui illam habet si eā uti vult, præsente quoque colore in ipsis, nisi tertium genus adsit, ad illud ipsum peculiariter natum, scis quod visus nihil videbit, & colores inuisibiles erunt; cuius nam verò (genus) inquit dicis? quod tu vocas, dixi ego, lumen.

Quoniam itaque lumen ad videndum, oculis prorsus necessarium est, & sine ipso nihil cerni potest, atque nihil sine igne, ut in Timæo, sit visibile. Manifestum est lucem apud Platonem esse ignem, non tamen quivis ignis Platoni lux est, ut ex altero loco eiusdem Timæi coniici potest. Τῶν δὲ ὁρῶντων πρῶτον μὲν φῶς (φῶς συνετεκτίναντο ὁμιατα, τοιαῦτα δὲ ἐν δῆσαντες αἰτία, τῷ πυρὸς ὅσον τὸ μὲν καὶ ἡν ὅτι ἔσχε, τὸ δὲ παρέχειν φῶς ἡμερον,



οὐκ αὖτις ἐκ τῆς ἡμέρας οὐ μὴ ἐμνησθῆσάντο ἡγνέ-  
 σθαι. Primum autem inter organa luciferos ocu-  
 los fabricati sunt, huiusmodi causæ alligantes,  
 ignis corpus ut essent machinati sunt, quatenus  
 comburere nequit, præbere verò lumen suaue sin-  
 gulis diebus proprium, & familiare, id est, ex  
 eo igne composuerunt qui non vreret, sed  
 dierum singulorum suaue, & quotidianum  
 lumen præbere posset; atque inde etiam vi-  
 sionem fieri voluit vnito igne, seu lumine  
 diurno, cum lumine, seu igne oculorum, qui  
 si palpebris obductis ne exeat impediatur  
 omnis tunc videndi actus tollitur. Alcinous  
 Platonica sectæ Philosophus studiosus cap:  
 10. institution. ad doctrinam Platonis iuxta  
 latinam versionem idem de lumine sentit  
 iisdem pene verbis, ac in Timæo (animad-  
 uertens primum quidem id quod fiebat corpore  
 constare oportere, tractabile esse, atque aspecta-  
 bile, nihilque sine igne, & terra videri posse, aut  
 tangi, iusta ratione ad huius compositionem ter-  
 ram, & ignem assumpsit.

Hæc est Platonis de luce sententia quæ à  
 vera non digreditur, nam ex igne lux dif-  
 funditur, & è luce condensata ignis genera-  
 ratur, & experientia probat, lux tamen ignis  
 causa est, & in igne, tanquam causa in effe-  
 ctu cernitur. Lux enim condensata calo-



rem generat in eo gradu vt accendere possit combustibilia, & liquare fusilia. Sequitur, etiam ex Platonica doctrina lucem esse corpoream, cum sit ignis, & ex eo oculus potissimum constet.

Atque insuper ex loco illo ex 6. τῶν πολλῶν τεύον allegato, constat voluisse Platonem colores præuerrere existendo lucem, neque à luce à potentia ad actum traduci, sed esse per se in rebus, atque extra luminis præsentiam oculis incurrere, et si non moueant ἐνεργητικῶς ἀλλὰ τὸ αἰσθένειαν, quæ vera sententia est, colores enim radices altas habent in rebus, ( non solum in superficie, aut ibi oriente lumine adueniunt, ) & materiæ permixti sunt, lucis interuentu, vt supra diximus, quæ à colore prorsus inseparabilis est.

---

*Anaximandri, Anaxagoræ, Leucippi,  
Heracliti, & Philiolai Pythagorici.*

**H**I quoque lucem ab igne non separauerunt Anaxagoras enim vt è Platone in Apologia Socratis, Luciano in Ὑπερνεφέλω & Diogene Laërtio cognoscere possumus solem μύδρον ἀγρυρὸν dixit. Massam ignitam Anaximander verò apud eundem

M ij



Laërtium asserit τὸ ἥλιον οὐκ ἐλάττωνα τῇ γῆς, καὶ καθαρώτατον πῦρ, id est, *solem non minorem terra esse, & purissimum ignem*. Leucippus etiā astra omnia ignita esse voluit, vt Laërtius his declarat verbis, καὶ πάντα μὲν ἀστρά. Ἀστὲρ τὸ ἄχρος τῆς φωρᾶς, τὸ δὲ ἥλιον ὑπὸ τῆς ἀστέρων ἐκπυρρῶς, τὴν δὲ σελήνην δὲ πυρὸς ὀλίγον μεταμαμβάειν, *Et omnia quidem astra propter celeritatem motus, solem verò à stellis accendi. Lunam autem pauculi ignis esse participem.*

Omnes itaque solem massam ignitam existimantes esse quia totus lucidus est, lucem ignem esse existimarunt; nec aliter Heraclitus sensit cuius etiā Dogma refert Laërtius in eius vita, à luce enim & splendore ignem incrementum suscipere dixit, γίνεσθαι δὲ ἀναθυμιάσεις ἀπὸ τῆς γῆς, καὶ θαλάττης, ἀς μὲν λαμπροῦς, ἀς δὲ σκοτεινᾶς, αὐξεσθαι δὲ τὸ μὲν πῦρ ὑπὸ τῆς λαμπρῶν, τὸ δὲ ὑγρὸν ὑπὸ τῆς ἐτέρων, à terra verò & mari educi exhalationes, illas quidem splendidas, has verò obscuras, augeri que ignem à splendidis, humidum verò (seu aquam) ab aliis. Ignis itaque iuxta Heraclitum cum luce coniunctus est, & luce alitur ignis, augmina que suscipit. Philolaus etiam Pythagoricus solem ignem esse dixit, & terram circa ignem moueri, vt refert



Plutarchus lib.2. de placit. Philosoph. cap. 20.  
& l. 3. c. 13. & ipse Pythagoras apud Aristot.  
l. 2. de cælo, c. 13. in medio, quod ipsi διὸς πυ-  
λακῇ dicitur ignem posuit, id est, solem  
circa quem terra lata, noctem diemque  
efficit.

### EMPEDOCLIS.

**D**E sole ita sentiebat Empedocles ut  
illū diceret πῦρὸς ἀθροισμα μέγα, καὶ τὴν  
σελήνης μείζω. *Ignis aceruum ingentem, & lu-  
na maiorem, refert hoc Empedoclis placi-  
tum Laërtius & Plutarchus lib. 2. de placitis  
Philosoph. c. 20. sed quænam fuerit illius inte-  
gra de luce sententia, ex duobus locis, vno  
Platonis, altero Aristotelis elici posse puto.  
Hæc sunt igitur Platonis verba in Menone  
quæ Socrates pronunciat ἀρχοῦν λέγετε ἀπορ-  
ροῦσ πρὸς τῶν ὄντων, καὶ Ἐμπεδοκλέα Μένων.  
σφόδρα γε. Σωκράτης. καὶ πόρῃς εἰς ἑς, καὶ δι' ὧν  
αἱ ἀπορροαὶ πορεύονται, (Itaque dicitis effluxus  
quosdam fieri iuxta Empedoclem, Menon. Ma-  
xime quidem, Socrates, Et meatus in quos, &  
per quos effluxus illi progrediuntur.) Ex quo  
loco constat Empedoclem statuisse à rebus  
fieri effluxus quosdam, & his effluxibus*



quosdam poros, & meatus concessos ut liberè progrediantur.

Aristoteles autem ubi agit de luce multum illustrat, & patefacit Empedoclis sententiam dum illam carpit, & reprehendit lib. 2. de anima cap. 7. καὶ οὐκ ὁρθῶς Ἐμπεδοκλῆς, ὅτ' εἰ τις ἄλλος ὅπως εἶρηκεν, ὥς φερομένης ἔστω φῶς, καὶ γινωμένης πότε μεταξὺ τῆς γῆς, καὶ τῆς περιέχοντος, ἡμᾶς δὲ λαμβάνοντος. *Nec bene Empedocles neque si quis alius sic dixit, quasi lata luce & facta interdum inter terram & ambiens (id est cælum) nobis insciis, sensumque nostrum fugiente: & aduersus hunc loqui videtur Aristoteles, eodem cap. cum dixit lucem ὅτι ὅτε πῦρ, ὅτ' ὥλως σῶμα, ὅτε διαρρῶν σώματος ὁδῶς, Nam cum dicit non esse ignem Platonis Timæum carpit, cum dicit non esse effluxum corporis alicuius, Empedoclem intelligit quem reprehensum statim nominat. Ille porro locus in quo Empedoclem citat diuerso modo legitur, habent enim libri Camotij γινωμένης, pro γινωμένης, quæ genuina lectio est, & sic ille locus latinè reddiderit, (Quasi lata luce, & extensa interdum inter terram, & cælum) & omnino congruis cum prædictis Socratis verbis de effluxu illo qui à rebus fit, nam extensio illa lucis fit defluxu illius à sole, & in terram allapsu:*



Ex his itaque patet Empedoclem statuisse ignem, seu lucem in sole actu existere illamque à sole defluere, ferri, & extendi inter cælum, & terram continuo nec interrupto effluxu. Quæ sententia verissima est, & cum phaenomenis prorsus congruit.

*Zenonis & Stoicorum.*

**P**OST omnes illos Zeno Mnaseæ, seu Demei filius Stoicæ sectæ author, solem quoque ignitū esse voluit, vt refert Possidonius apud Laërtium, Εἶναι δὲ τὸ μὲν ἥλιον εἰλικρινὲς πῦρ καὶ θάφησι Ποσειδάωνιος ἐν τῷ ἰζ' αὐτῶν μετεώρων, καὶ μείζονα τῆς γῆς, ὡς ὁ αὐτὸς, ἐν τῷ 15 ὁ φυσικὸς λόγος, ἀλλὰ καὶ σφαιροειδῆ (ὡς οἱ αὐτῶν τῶν τετῶν φασὶν) ἀναλόγως τῷ κόσμῳ, πῦρ μὲν οὖν εἶναι ὅτι τὰ πρὸς πάντα ποιεῖ, μείζω δὲ τῆς γῆς ἵνα πᾶσαν ὑπὸ αὐτῆς φωτίζῃ, ἀλλὰ καὶ τὸ ὕψος. Esse verò solem ignem purum, & defacatum quemadmodum dicit Possidonius in 17. de Meteoris & terra maiorem, vt ipse in 16. Physiologie: Sed etiam in sphaera modum compositum ( vt dicunt illius discipuli, & sectatores ) seruata ad mundum proportionem, ignem igitur esse



*quia quæ ignis propria sunt omnia facit,  
maiores vero terra esse quia tota ab illo illu-  
minatur non solum, sed etiam cælum.*

Optimam sane rationem attulit Zeno  
qua ostenderet solem ignem esse, nam  
ab actionum æqualitate, similitudine, &  
& paritate omnimoda naturæ æquali-  
tas, & identitas rectè probatur, nullus  
sane assignari potest effectus à sole in  
materiam productus qui igni non com-  
petat, lux solis, & ignis condensata  
comburit, utraque illuminat, calefacit,  
fusilia liquat, cœnum indurat, & cæte-  
ros eiusmodi effectus utraque producit,  
quare sol est ignitus, & naturam ignis  
atque essentiam participat, & quia per  
ignem lucet ut vult Zeno, ignem, &  
lucem eadem prorsus esse statuit, & cum  
cæteris antiquis consentit.

*Epicuri*



*Epicuri ex Lucretio.*

**L**ucretius Poëta inter latinos clarus, qui  
que primus omnium apud suos philo-  
sophica dogmata carmine aggressus est, ut  
ipse de se testatur l. i. & 4. iisdem versibus.

*Anida Pieridum peragro loca nullius ante  
Trita solo:*

& lib. i. iterum.

*Nec me animi fallit Graiorum obscura re-  
perta,*

*Difficile illustrare latinis versibus esse,*

*Multa nouis verbis præsertim cum sit  
agendum,*

*Propter egestatem linguæ, & rerum noui-  
tatem.*

Hic inquam Epicuri Philosophiam ora-  
tione metrica & eleganti explicauit, scriptis  
que suis integram & absolutam ad nos trans-  
misit. Habet principia sua cum Democrito, &  
Leucippo communia atomos scilicet illas  
fortuito latas motu recto, sed ἐγκλίσις (in-  
clinationis) cuiusdam motu præditas ad ge-  
nerationem corporum, ut illa rerum semina  
genitalia uniantur, hic quidem Poëta, ut &  
ceteri Epicurei audiendi non sunt quando

N



impiè, & furore animi agitati de Deo, & diuina prouidentia lonquantur, cumque à religione hominum mentes auocant; & animos mortales docent: à nobis Christianæ religionis splendore cœlesti illustratis, & edoctis quid de Deo omnium conditore & conseruatore tenendum, damnandi sunt; maximè cum solo naturæ lumine ductus quiuis supremum vnum aliquem rerum dominum agnoscere cogatur, qui æternus, & immutabilis, hunc mundum cuius author est prouidentia singulari gubernat. In aliis verò quæ ad physicam pertinent non reiciendus est, & à manibus literatorum non remouendus hic liber.

Quid autem de lumine senserit Epicurus, passim tradit Lucretius; quod esse corporeum voluit, & à sole summitti iugiter, ferri celerimè non tamen in instanti, solæ enim atomi ita feruntur, et si sit corporeum transit cornu, quia in vnoquoque corpore vacuum relinqui tradit, & luminis corpuscula tenuissima sunt.

Locos ascribere haud absurdum erit è quibus manifestam habemus Epicureorum sententiam Lucretius lib. 2.

— *quæ porro magnum per inane vagantur  
Et cita dissiliunt longè, longèque recursant.*



*In magnis intervallis: hæc aëra rarum  
Sufficiunt nobis, & splendida lumina solis.*

Loquitur de rerum seminibus, seu atomis,  
quæ per vacuum feruntur, & motu inclina-  
tionis plagas patiuntur, & ex appulsu mutuo  
resiliunt, & recurrunt, his corpusculis ait  
aërem, & lumen solis constare; quare & lu-  
men corporeum esse vult, non in sole tan-  
tùm, sed & in effluxu ab illo, servant enim  
naturam suam corpoream corpuscula illa,  
dum eadem serie à corporibus lucidis ef-  
flunt.

Eodem lib. 2.

*Præterea lumen per cornu transit: at imber  
Respuitur, quare nisi luminis illa minora  
Corpora sunt, quàm de quibus est liquor almus  
aquarum?*

Quia scilicet datur vacuũ in reb<sup>9</sup> propterea  
lumen transit; per cornu verò permeat quia  
parva sunt luminis corpora; aqua verò cor-  
nu pertransire nequit quia corpora, quibus  
aqua constat, minus tenuia, & penetrabilia  
sunt.

Iterum eodem libro.

*At vapor is quem sol mittit, lumenque serenum,  
Non per inane meat vacuum, quo tardiùs ire,  
Cogitur aërias quasi dum diuverberat undas.*

Quibus versibus docemur Epicuri de lu-

M ij



mine sententiam fuisse, ut ipsum à sole de-  
fluere natum sit, & per aërem ferri atque  
ipsum aerem verberare; vapor item, id est  
calor, à sole mittitur per aërem, & aërem fe-  
rit; atque adeo tardius ambo eunt quia per  
inane vacuum non meant, sed per poros aë-  
ris vacuos; corpoream sane lucem dicimus  
non simpliciter, quia de incorporeo etiam  
participat, vacuum verò, ut lux penetret,  
necessarium non est, ob rationem prædictam.  
Luminis autem motum esse velocissimum  
admittit Lucretius sequentibus versibus  
huius libri.

*Debent nimirum præcellere mobilitate,  
Et multo citius ferri quam lumina solis,  
Multiplexque loci spatium transcurrere eodem  
Tempore, quo solis peruolgant fulgura cælum.*

Solis verò lumina celerrimè feruntur, ar-  
gumentum conficit à minori, nam ut pro-  
bet corpuscula in puncto temporis spatia in-  
finita percurrere in inani, argumentatur à  
motu luminis solis quod per aërem officien-  
tem celerrime currit, quanto magis igitur  
corpuscula illa in inani, & vacuo. Apertius  
lib. 4. velocitatem motus luminis solaris ex-  
plicat, & asserit.

*Et quasi multa breui spatio summittere debet  
Lumina sol, ut perpetuo sint omnia plena.*



*Sic à rebus item simili ratione necesse est,  
Temporis in puncto rerum simulachra ferantur,  
Multa modis multis, in cunctas undique partes.*

Lumen itaque celerrimè mouetur, siquidem cum eius motu, comparatur in instanti motus peractus.

Effluxus deinde illius continuus est, nec interruptus.

*Semper enim noua seradiorum lumina fundunt,  
Primaque dispereunt, quasi in igne lana trahatur.*

Et effluxa vna luce summittitur alia, quemadmodum si quis lanam in igne nendo traheret, quod traheretur igne periret, & continuo tractu alia, & alia lana traheretur, & alibi eodem libro.

*Suppeditatur enim confestim lumine lumen,  
Et quasi protelo stimulatur fulgure fulgur,  
Quapropter simulachra pari ratione necesse est  
Immemorable per spatium transcurrere posse  
Temporis in puncto.*

Hæc est igitur Epicureorum de lumine sententia & iudicium, quæ à veritate profus non abludit voluntà rebus continuo effluxu egredi corpuscula, & aliis aduenientibus reparari.

Simulachra autem corporea dixerūt quoniam necesse est, vt aliquid corporeum tangat oculum vt visus moueatur, sicut tactus



mouetur corporeo tactu quæ ratio optima est, et si non probet statim effluxum corpusculorum, & simulachra esse corporea purè & simpliciter.

---

*Aristotelis sententia.*

**A**D virum qui genium maiorem habuit, meliorique fortuna usus est veniamus, ad Aristotelem cuius dicta veriora credita sunt, quàm si è tripode inter lauros Pythia vocem misisset.

Definiunt lucem Aristoteles c. 7. l. 2. de anima, φῶς δ' ἐστὶν ἡ τῆς ἐνεργείας τοῦ ἀφ' ὧν ἡ ἀφ' ὧν. *Lux verò est actus huius perspicui qua perspicuum est: hanc autem definitionem ut indagaret tali usus est methodo.*

Quoniam sine luce nihil videtur, à visu, & videndi facultate naturam lucis inquirat, & visibilia considerat. Colorem visibilem affirmat qui est in eo quod per se visibile est, per se autem visibile non essentia, sed quia in se habet causam cur videri possit, & sic explicat Simplicius illum textum, ὅτι γὰρ τὸ χρώμα, ἢ ἡ λαμπρότης, ἀλλὰ τὸ καχρωμένον καὶ τὸ χρώμα, καὶ τὸ λαμπρὸν καὶ τὸ λαμπρότητα ὁράται. *Non enim calor, vel splendor,*



sed coloratum per colorem, & splendidum per splendorem cernitur; Talisque est natura coloris ut causa sit cur coloratum videatur, & efficaciter moueat pellucidum, & subiicit idem Simplicius αἴτιον μὲν ἔσθαι εἰδητικὸν τὸ ὁπᾶσαι τῷ καχρωμένῳ τὸ χρῶμα, causa etenim specialis qua coloratum videtur color est, non quatenus color, sed quatenus mouet perspicuum, quasi ipsi congenitus inesset.

*formales*

Quia igitur color mouet efficaciter τὸ pellucidum actu, nihilque sine luce videtur, sed omnino color in luce videtur, ideo in luce efficaciter mouet pellucidum, sine luce non mouet efficaciter.

Oportet ergo esse actu pellucidum ut color ipsum moueat, actu pellucidum non est sine luce. Ergo lux est id quod actu efficit perspicuum, seu pellucidum, est ergo lux actus pellucidi seu perspicui.

Lux ergo talis non est ignis, neque prorsus corpus aliquod, aut à corpore effluxus, sic enim esset corpus, sed est ignis, vel alicuius huiusmodi præsencia in pellucido, & sunt tenebræ priuatio talis habitus in eo.

Empedoclem reprehendit, quod dixerit lumen ferri inter cælum, & terram nobis non sentientibus. Pellucidum definit quod



visibile est, non per se sed per alienum colorem. Lux ipsi est quasi pellucidi color.

Pellucidum potestate tenebræ sunt.

Pellucidum & inuisibile sine colore sunt, id quoque quod vix cernitur, quale videtur tenebrosum.

Visio fit quando lux actu pellucidum efficit, & color mouet pellucidum, veluti aërem, ab hoc verò continuo mouetur sensus organum.

Democritum reprehendit eo quod dixerit fore accuratissimam visionem, & exactissimam, si vacuum intermedium daretur, & posse videri formicam si in cœlo esset.

Hæc est breuiter exposita Aristotelis de luce sententia, cuius definitionem tradidit ex vnico lucis effectu eam colligens, non considerato genere sub quo lux poni debet, non inquisitis omnibus differentiis, non perpenfis proprietatibus, & eius actionibus, & cæteris quæ ipsi conueniunt ex quibus natura illius, & definitio deinceps innotescere potest.

Paucis etiam Aristotelis progressum percurreremus quem Keplerus doctissime examinavit in appendice ad c. 1. Paralipomenon in Vitellionem.

Color visibilis est, & mouet medium pelluci-



pellucidum actu, & sine luce color non videtur, nec mouet quia actu non est pellucidum sine luce: quapropter lux est actus pellucidi.

At quare non dixit lucem esse actum coloris, nam non minus in actum colorem traducit lux, quàm medium, vtrumque enim non mouet aut mouetur nisi luce præsente, nec magis color, est color sine luce quatenus ὅτιν ὁρατὸν, visibile quàm medium est pellucidum, & ideo visibile: & sane id apertè asserit Simplicius lucem perficere colorem ad agendum, sicut & medium, huius talia sunt verba ad hunc Aristotelis textum, τὸ δὲ χρῶμα περιχρῆν ὑπὸ τῆς ἐνεργείας διὰφανὸς, καὶ τῷ φωτὶ, καὶ αὐτὸ τελειῶνεν κινεῖ τὴν ἐνεργείαν διὰφανὸς lege ὅτι male enim habent Aldini τὸ ὑπὸ, & ita correctum legi in margine Codicis Biblioth. Thuan. Color quoque circumfusus in actu pellucido, & ipse luce perfectus, seu in actum traductus, mouet actu pellucidum, & infra αὐτὸ δὲ τὸ τοῦ ὁρατῶ χρώματι, ὅταν καὶ αὐτὸ ὑπὸ φωτὸς τελειῶται, ἐπεὶ τὸ ἐν σκοτεινῷ κείμενον ἔξοθεν περὶ φωτὸς κινεῖ αἰέρα, hoc ipsum verò, & visibili colori, quando ipse à luce perficitur, siquidem qui in tenebris iacet, non mouet aërem exteriorem illustratum; & ita sentit Auempaces apud Auenroim





Commentar. 67. in lib. 2. de anima, *Lux autem necessaria est in videre quia colores sunt in obscuro in potentia, & ipsa facit eos in actu, ut moueant diaphanum, secundum quod est diaphanum caret luce, aut illo quod fit à luce, scilicet colore, hanc reiecit Aueurois, et si sequente Commentario 72. fateri cogatur lucem visibilem esse per se, colorem mediante luce.*

Id quoque animaduertit Iulius Scaliger exercitat. 75. ad Cardan. nu. 7. *Lumen autem est actus coloris non ut sit sed videatur, & post illos omnes idem notauit Ioannes Keplerus.*

Deinde quamuis lux necessaria sit ut color moueat medium, non manifestum est an lucis actus det medio qualitatem, quâ habile reddi possit, ut moueatur à calore, vel colori ut mouere possit medium, quod sine luce iam ad id ut moueatur aptum est; vtrum autem sit experientia docebit.

Sit medium pellucidum actu, coloratum in obscuro, quod si lux huic adesset in medium ageret, lux quæ medium collustrat, reddit ipsum pellucidum actu, quare & habile quod à colore moueatur, at coloratum in obscuro delitescens non mouet pellucidum, contra si medium sit obscurum, & coloratum sit illustratum mouet medium



obscurum, quare potius est lux actus colorum, quam pellucidi.

Oportebat itaque Aristotelem ostendere lucem actum esse pellucidi potius quam colorum, nam si aliquis dicat lux est actus coloris ut visibilis est, tam bene definit lucem quam ipse Aristoteles.

Non esse actum pellucidi lucem supra probauimus, sed per se esse omnia pellucida, & à naturâ suâ quæ scilicet lucem transmittunt. Ostendimus etiam lucem non operari, id quod præsumpsit Aristoteles, tantum enim abest ut media pellucida faciat, quin imo opacat illa in certa positura.

Nisi verò pellucida talia sint natura suâ, ut lux illa penetrare possit, à luce talia nusquam reddi possunt, alias non esset absurdum, & impossibile, lucem posse opaca pellucida reddere nam lux etiam in illa incidit. Sed si respondeant in quibusdam corporibus omnes dispositiones adesse, ut forma pellucidi luce præsentem inducatur, & in aliis non adesse; Ad tale responsum dicam non ideo à luce actum pelluciditatis, sed iam factum esse natura suâ pellucidum, id est, per quod lux permeare possit, quia habet omnia necessaria ut lux ipsum traiciat, sed solummodo sequi lucem esse quæ traicit pellucida,

Q ij



& per quam in illis, iam omnia cernantur quod nullus mente compos negabit.

Lux non est ignis, notat Simplicius hæc aduersus Timæum dici apud quem lux est species ignis. Lux per repercussionem, vel refractionem vnita ignem generat in combustibilibus, eaque incendit quare lux vnita ignem generans ignis est, & ignis non alius, quam lux condensata, & vnita: licebit mihi propius intueri ignem accensum, verbi gratia, in tæda ardente, ignis ille conglobatus totus lucidus est, & in vno globo simul sunt lux, & ignis in gradu intensissimo, tam caloris, quàm illustrationis: quantum verò ab illo globo receditur, imminuuntur calor, & illuminatio, quia diffunditur lumen à tæda, & ratione dupla interualorum remittitur; & qui calor intensissimus, ignis dicebatur in globo lucido calor simpliciter dicitur in distantis conuenientibus. In speculis item vltoriis post repercussionem lucis dum paulatim ipsa vnitur, & in conum procurrat augetur calor, & tandem augmentum tantum suscipit, vt inflammare possit, & comburere, id est, ignis esse possit, in igne itaque lumen condensatum, & in lumine cōdensato ignis, vt experientia manifeste ostendit, ac si lux



condensata ignis est erit etiam corporea  
 quod ipse Simplicius fateri coactus est com-  
 mentario in cap. 7. lib. 2. de cœlo ut Aristo-  
 telis sententiam de generatione caloris & lu-  
 cisa sphaeris cœlestibus tueretur, ῥητέον τοίνυν  
 ὑπὸ τῆς ἡλιακῆς σώματος ἀκτίνης σωματικῆς  
 ἐξίσσας φέρεσθαι διὰ τῆς ἐρανίης σώματος πρὸς  
 τὸ ὑπὸ σελήνῳ, τὸ μὲν ἐρανιον σῶμα ὡς αὐλὸν  
 αὐλῶς, καὶ ἀκολούτως, διερχομένη, διὰ δὲ τῆς  
 ὑπὸ σελήνῳ σκέπῃ ἔτω χωρῆσαι, ὡς δὴ τῆς τε  
 ὑλικοῦ ὑπαρχόντος. *Dicendum igitur à solari  
 corpore radios corporeos exeuntes per corpus  
 cœleste transmitti ad regionem sublunarem : per  
 cœleste corpus quasi immateriale existens imma-  
 terialiter & sine impedimento transeuntes ; per  
 corpus verò sublunare non amplius sic proceden-  
 tes, sed quasi iam materiale existens : Hæc ille  
 Græcus Scholiastes, & interpres Aristotelis,  
 qui capere non potuit, nec alij multi bonæ  
 mentis viri quomodo θερμότης ἀπ' αὐτῆς, καὶ  
 τὸ φῶς γίνεται, παρεκπερισσομένη, τὸ αἶρος ὑπὸ  
 τῆς ἐκείνων φορέας. Calor ab ipsis, & lumen effici-  
 tur attrito aëre ab illarum latione & motu ; nam  
 quomodo concipi potest lumen solis ad nos  
 defluere attrito aëre à sphaera solis. Sane  
 Aristoteles non bene meminit eorum quæ  
 in lib. de cœlo scripserat (si priores sunt) cum  
 in libris de anima dixit lumen esse solam*



præsentiam lucidi; ergo illa sola sufficit, sine attritione aliqua; deinde libenter quærerem à Peripatetico an lumen quod generatur ab ignibus nostris fiat attritione per motum cum ipsi minime moueantur circulariter, aut rectâ lineâ. Ille itaque interpres ad radiorum corporeorum effluxum se conuertit; nam aliter nō potest sphaera solis aërem contingere, & ferire; deinde verum est lumen sine aliquo attritu à lucido effluere, & non terere medium.

Ne defluxum quidem à corpore vult esse; at si non defluit quomodo totum medium, actu pellucidum efficere post corpus lucidum, nam certo, & definito spatio coercetur, quare nullum erit pellucidum spatium, nisi illud, in quo lucidum est; quod experientia refellit, & confutat, nam spatium quod à lucido occupatur pellucidum non est, necesse est ergo ut aliquit effluat à lucido, quod medium pellucidum efficiat; quid est igitur? præsentia in corpore habitus eius ob quem fit pellucidum, quæ verba nullum bonum, & rectum sensum habent, lux enim non est habitus, id est forma pellucidi ut iam notauit Keplerus, ob naturæ diuersitatem nam pellucidum ut tale nusquam coloratum est, nullam habet superficiem, & densi-



tatem, & in illo lux non terminatur. Addo nullam formam essentialem, & internam subiectum informare per modum agentis in patiens, agens enim destruit patiens, & immutat, at forma essentialis conseruat, lux verò per modum agentis in patiens, pellucidum informat, quia coloratum reddit, visibile efficit, alterationes quasdam infert, quæ sunt actiones ab extrerno agente in patiens, lux ergo non est actus, aut habitus perspicui, nec sunt tenebræ priuatio formæ alicuius in pellucido, sed absentia agentis externi in patiens corpus transitum luminis.

Deinde vt supra ostendimus lux est in medio quasi mobile, at nullum mobile informat medium per quod transit, sed percurrit ergo lux non est forma vel habitus pellucidi, & præterea docuimus, pellucidorum & opacorum differentiam à lucis traiectione oriri quare omne corpus quod natum est ad transmittendam lucem pellucidum est, nam pelluciditas nihil aliud dicit in medio, quam virtutem qua lucem libere per suam profunditatem transire sinit, non ergo à luce; non itaque lux est habitus, vel forma pellucidi, sed oculis solummodo detegit quæ natura sua sunt pellucida, & quæ opaca.



Ex superioribus quoque satis liquidò constat, Empedoclem rectè, & secundum rei veritatem appositè sensisse, cum dixit lumen inter cœlum, & terram ferri, à sole enim indefinenter effluens, reuera inter cœlum, terramque fertur.

Pellucidum definiens quod visibile est non per se, sed per alienum colorem naturam illius destruit nullum enim pellucidum, vt pellucidum visibile aut coloratum est, nam pellucidum transmittit lucem & colorem, inque eo color aut lux non terminatur, ideo quatenus pellucidum cerni nequit, nihil enim videri potest nisi quod lux terminata tangit: sed deceptus est Aristoteles qui putauit pellucidum quatenus tale videri posse, non proprio colore sed alieno, qui lux esse ab eo censetur.

Naturalis autem ordo inspiciendus est, dati sunt oculi animalibus vt viderent, ad videndum lux in oculum incurrere necessario debet, quare à lucido effluere deferens species rerum cum colore, & magnitudine earum, & quia plæraque corpora luce aliena indigent vt videantur, luce collustrari debent forti vt ad oculum lux percussa feratur quæ obiecta ipsi reſegat, lux itaque est vt obiecta manifestet: cum ergo lucis  
allapsus



allapsus necessarius fuerit, oportuit spatia dari libera quæ lucis transitum non impedirent, non ergo lux est propterea pellucidum, ut ipsum coloratum, & visibile reddat, sed pellucidum est propter lucem ut ipsi liberum transitum præbeat.

Cum inuisibilia sine colore esse ait, falsum dicit, nam colores in rebus penitus radicati sunt, & siue illustrentur, siue non tales nihilominus existunt nec lux incidens à lucido in corpora colores ipsis apponit, sed tantum intendit, vel remittit, iam enim colorata sunt ut supra diximus; sunt equidem colores quidam, quales in Iride, qui ex lucis collustratione oriuntur, sed illi lumini in sunt ut patet ex iis quæ diximus lucem nullibi sine colore esse.

Visio fit quando lux medium transiens speciem obiecti in oculum defert, eumque tangit, & falsum est oculum moveri à medio, medium pellucidum à colore, lux enim & color pellucidum permeantes in instanti ipsum non movent, nam talis instantanei motus incapax est, quod si de alterationis motu intelligit Aristoteles, medium mouere non potest oculum nam experientia docet, immediate à luce, & colore affici oculos, & dolorem aliquando à fortiori pati, quæ lux



aliquandiu in oculis conseruatur adeout extra obiecti praesentiam illud videre nobis videamur.

Ad visionem autem nihil prorsus confert medium nisi lucem libere transmittendo, at si à medio aliquid oculus patitur visio impeditur, lux verò oculo impressa totam visionem perficit, & absoluit. Collustratio itaque medij nullatenus simpliciter necessaria est vt à colore moueatur, & deinde oculum moueat, sed sufficit lucem oculo imprimi, notauit praeterea Keplerus pellucidum non posse induere colorem quia in Aristotelis doctrina color est superficiei non corporis, pellucidum autem habet tantum rationem corporis quia medium est, frustra ergo ab Aristotele lucem quasi pellucidi colorem dici.

Cum verò dixit Aristoteles quaedam ignis similia veluti fungos, cornua, capita, squamas, & oculos piscum videri in tenebris, sed nullius horum videri proprium colorem omnino delicate certum est, nam circindula colorem smaragdinum mentiuntur Piscium squamæ pallorem luteo permixtum ligna putria albedinem, adeout frustra conetur lucem à colore diuellere; hic porro occurrat vnum maxime absurdum, cum colo-



ris naturam esse ait mouendi actu pellucidum, actu autem pellucidum iuxta illum lucetale fit, quare color mouebit lucem quia pellucidum, in quo lux est actus eius, mouet. Colorem autem mouere lucem quis concipiet, imo lux mouet colorem vt experientia docet, & ab ipsis Peripateticis confessum habemus.

Quæ contra Demoeritum dicit in Opticis rudem produnt, si namque medium nullum daretur, inter organum visus, & obiectum lucens, vel resplendens à luce aliena, perfectissima tunc fieret visio, cum nullum lumen extensum in medio extra veram obiecti pyramidem diffunderetur, & nulla sentiretur refraction, sed Democritus hyperbola vitur, nam è terra non esset formica in cælo, visibilis, si ibi adesset.

A veritate verò prorsus alienū est id quod affirmat nihil prorsus visum iri si vacuum intermedium daretur, & supponit falsum cum oculus à colore nihil pati affirmat, sed à medio, experientia etenim tale figmentum confutat, à medio verò nihil pati quantum ad visionem certum est, prout euidentissimè probat omissio medij, nam oculus in instanti in obiectum collimat, si verò à medio patitur, visio impeditur & ægrè fit, in



medio partim tunc terminatur visio, & oculus in illo occupatur, adeoque obiecta cum difficultate cernuntur quæ post tale medium terminans ponuntur; atque de Aristotelis doctrina circa lucem satis.

---

*Marsilius Ficinus.*

**E**X recentioribus duos qui de lumine scripserunt adducemus, Marsilium Ficinum, & Franciscum Patricium. Ille ante annos 150. Platonica philosophia sectator, de lumine libellum scripsit qui in primo tomo operum eius reperitur, in illo ubique ferme differit Theologicè, & Moraliter; duoque tantum capita habemus, secundum, & nonum in quibus naturam luminis, rationibus Physicis declarat. Caput secundum illius quid de lumine senserit continet, & ita definitionem illiustrat. (*Lumen est spiritalis quædam, & subita, & latissima, à corporibus, natura eorum, sine detrimento proprio emanatio, nitore scilicet cuiusdam à diaphanis id est transpicuis, coloris autem ab horum oppositis quantitatis, figuræ, motusque ab omnibus.*) Quæ definitio etsi valde obscura est, illam tamen intuebimur ut si fieri possit mentem Ficini



àsequamur. Emanatio est spiritalis, quapropter intelligit effluxum quendam spiritalem contingere, subitum, & latissimum quæ profecto bene conueniunt cum natura luminis, quod à corpore lucido in instanti emanat, sphaërice dilaturatur, & penetrat corpora solida, effluit autem à lucido sine aliqua eius imminutione. Quid autem emanare intelligat statim subiicit, nitorem scilicet quendam à diaphanis, ab opacis verò colorem, quantitatem figuram, & motum. Nitor verò quomodo emanat à transpicio, & ab opacis color figura quantitas &c. si enim nitorem pro luce accipit non emanat à transpicio, sed à lucido corpore per diaphanum; nec aliter intelligi posse puto, nisi collustrationem in pellucidum diffundi, ab opacis verò emanare colorem quantitatem, figuram, & motum, cum nimirum lumen in illa inciderit, & illa postrema definitionis huius verba, meo iudicio, non alio sensu à Ficino ascripta sunt, quam ut luminis efficaciam ostenderet in pellucidis, & opacis, dum videlicet illa collustrat, & permeans nitorem diffundit: hæc verò dum illustrat colores quibus afficiuntur, ad sensum moriendum efficaces reddit, adeout opaca tunc videri possint cum proprio colore, figura,



quantitate, & motu. Emanationem illam dixit spiritalem vult enim lumen esse incorporeum, cap. 9. huius libelli: estque spiritalis secundum eius mentem, & in modo, effluendi, & in eo quod effluit, nam in instanti progreditur, & solida permeat.

In sequentibus verò dicit (*congrega in unum omne colorum genus, quid erit hoc uniuersum, nisi lux quaedam omnicolor, siue lumen factum in solidiore, obscurioreque materia terræ, iam opacum: segrega terram illi permixtam; quid erit reliquum nisi qualitas quaedam imo claritas, actusque perspicui, sicut color est actus opaci*) vnit is ergo coloribus, & terræ mixtis fit lux opaca, & debilis, si materia seponatur lux remanebit, & qualitas seu claritas actus perspicui: quare totum à Platone defecisse diceres, & ad Aristotelem transisse, nisi illam qualitatem iam dixisset à corporibus spiritalem emanare, & colores congregatos terræ misceri posse, & lumen fieri obscurum, & opacum.

At quomodo intelligit lucem esse actum perspicui sicut color est actus opaci? talem esse huius viri sensum puto, ut intelligat in perspicuum lucem diffundi, & illud hac colostratum nitere: Opaca verò colore congenito mixta, splendere si lumen fortius in-



ciderit: porro videtur intelligere clarā lucem  
pellucidis misceri, sicut colorem opacis, &  
ita vtrumque esse causam cur videantur, &  
splendeant, vt sequentia verba declarant,  
(*Color quidem lux est opaca, lux autem color cla-  
rus, imo perspicui corporis colorumque flos qui-  
dam, & vigor, quasi unicolor actu virtuteque  
omnicolor*) intelligit ergo quandam esse ana-  
logiam, & quemadmodum color lux est opa-  
ca opacorum, ita lux color clarus est perspi-  
cuorum: esse præterea pelluciditatem, lu-  
cemque quandam mixtā corporibus, etiam  
cap. 9. refert Iamblichum asserere ex Theo-  
logia Phœnicum, (*Luminis vehiculum, id est,  
perspicuum cunctis, vel opacis infusum, siquidem  
his omnibus inest, & color aliquis, quædam por-  
tio luminis, lumen autem seorsum à perspicuo in  
opacis esse non potest, quamvis forsitan in se pe-  
nes luminosum esse posset.*)

Id quidem ostendimus lucem omnibus  
corporibus esse immixtam, sed sine perspi-  
cua; aliter enim est in perspicuo lumen, ali-  
ter in corpore mixtum, nam in perspicuo est  
cum transiitione instantanea, solas proprie-  
tates incorporeas quas habet exerens; in ma-  
teria verò est condensatum opacatum, agit  
iuxta corporeas qualitates, si verò perspicuū  
opacis mixtū esset saltem qua foret translu-



cerent, quod non fit omnino in fine capituli illius secundi proponit dubitationem, an colores sint lumen ipsum iam varium.

Plotini de lumine verba profert, qui in momento ferri affirmavit lumen, & solida penetrare ideo esse incorporeum, cui neque duritia resistit, neque spatium. Omnes verò qualitates corporeas denegat lumini Plotinus, ut accedere, recedere, diffuere, effluere, contrahi, dilatari; verum, nisi accedat diffuat, & effuat, quomodo potest spacia in instanti infinita penetrare, & in aërem diffundi, nisi recedat, quomodo posset reperi; nisi etiam fieret contractio, & dilatatio, refractiones nullæ forent, nullæ dioptræ, nulla specula vistoria. Nimis ergo spiritalem fecerunt lucem Plotinus ac Ficinus, nec satis physicè illam contemplati sunt, melius Plato in Timæo, ut supra ostendimus quem etiam hic cap. 9. citat Ficinus, (*si secretum Timei sensum rectè vaticinamur, ignem ipsum, spiritumque coelestem proximum animæ mundanæ vehiculum, simul cum hac ubique vigere cognoscimus. Hæc enim anima motu quidem vitali calorem edit ubique, atque motum, intelligentiâ lumen, simulque luminis vehiculum ubique diaphanum,*) quæ quidem a sensibilibus nimium deerrant, ut naturæ lucis cognitio



gnitio habeatur, et si negare nolumus lumen esse aliquomodo analogum ad animam mundi.

*Franciscus Patricius in Romano Gymnasio Philosophiae interpres.*

**H**IC nouam Philosophiam conscripsit initio facto à lumine, de quo decem libris egit, quibus Panaugiam titulum præfixit, naturam lucis inquisiuit noua methodo, quam libro primo non esse accidens concludit, sed substantiam. In sole verò, & astris esse formam illorum, sine qua non essent id quod sunt. Afferit deinde illam esse mediam, inter corpus, & incorporeum in sole & astris, corpus est quia in his habet molem, & trinam dimensionem, incorporea est quia est forma solis.

A luce autem, vel lucido, vult exire radios, à radiis lumen, lib. 3. Panaugiæ, ab ipso autem sic definitur radius, fulgor à luce in conum promicans, & quasi lux secunda, à prima in eam figuram conformata, lumen autem ita, lux tertia tum à prima, tum à secunda emanans, non in rectum progrediens, neque in acutum finiens, circa radios namque circumuoluitur, & inter radios

Q



*semper plus distantes omnem implet locum.*

Distinctionem autem illam ab experientia statuit, dicit enim inspicienti solem, & lucernas conos luminis apparere.

Libro 4. lumen à radiis fundi, & eorum esse perpetuum comitem, & circa eos reuolui, probat verò vtrumque, & radium, & lumen à luce diffusum esse substantiam corpoream, elementari digniorem, & diuiniorem, *lumen corpus incorporeum esse atque in instanti moueri*, esse autem corpus probat ex eo quod habet trinam dimensionem, repercutitur, sine subiecto existit, & aliis mediis quæ ibi legenda sunt.

In quibus omnibus cum illo consentimus, nisi quod illius distinctionem de radio, & lumine non admittimus, hanc enim induxit Opticæ disciplinæ ignorantia: Illi enim coni luminis, qui è sole, vel lucerna egredi videntur, circa illos non sunt reuera condensati, sed formantur in oculo per refractionem radiorum incidentium in humorem aqueum. Nec hi apparent nisi cum aspicitur lumen ex obliquo, verum si directè intendantur pupillæ, in solem vel lucernas nullas, vel saltem minima in oculo fit refractione ob transitum speciei per centra humorum, & proinde illi coni extra lucernam progredi visi



euanescent, contingit porrò tale phænomenon oculis humore multo madentibus in illis enim tunc contingit enormis refractio.

Radij verò sunt, vt diximus, lineæ lucentes in lumine existentes, sicut lineæ à centro sphæræ ad eius peripheriam eductæ. Radij autem & lumen simul effluunt à lucido, nec mediante radio fit lumen. Notauimus autem, lumen effluens terminari infinitis pyramidibus lucentibus cuius rationem adduximus, sphæricè quoque diffundi in omnem partem.

Ætherem, & corpora cœlestia totos lucidos, & ignitos agnoscit, veteres omnes Philosophos secutus Zoroastrum, Platonem, Empedoclem, & alios, Philonem quoque Iudæum.

Primum visibile lucem facit, deinde radios, & lumen quarto colores, quinto vmbra, sexto obscuritatem. Sed vmbra facere quantum visibile idem est ac dicere lumen immunitum esse visibile, non ergo dici potest visibilis nisi comparata ad lumen intensius, nam vmbra nihil est propriè quam lumen imminutum, obscuritas verò seu tenebræ visibiles dici possunt, sed etiam comparatiuè, nam si darentur veræ tenebræ, & in illis oculus staret non essent visi-

Qij



biles tenebræ, nam non haberet lucidum quocum conferens tenebras illas se videre verè dicere; tenebras autem esse visibiles impossibile affirmo, hac primum ratione, quia quod æcitas efficit in perpetuum tenebræ efficiunt ad tempus, subtrahunt omnia visibilia oculis, quare, ipsemet visibiles non erunt. Deinde, si tenebræ sunt visibiles, quare non sunt visibilia corpora, quæ in tenebris iacentia ab ipsis non differunt, neutrum ergo visibile. Tertio si tenebræ essent visibiles oculus ab illis aliquid pateretur, nihil verò patitur imo ita liber est à passione, & motu, ut torpeat, & stupeat, nihil autem pati certum est, quantumque enim sint tenebræ, si oculus è forti lumine se subducatur, & illas ingreditur, dolorem si quem intulit lux fortior, paulatim minui verum est, at si è tenebris opacissimis in lucem solem prodeat, dolor & sentitur, & oculus tunc patitur, ubi itaque nulla est passio, nulla est sensus actio vitalis, neque visio falsum est ergo tenebras videri.

*Aërem, & Atherem non esse visibilia, quia in eis non terminatur lumen, aer vero per accidens cernitur, quando aliqua opacitas ei accidit.*

*Colores esse lucis progenies sicut, & lumen;*



huic equidem assentior propositioni si colores accidentia luminis dicantur, vel potius propriæ qualitates, & è mixtione, & temperatione lucis colores exurgere.

*Diaphana media inter lumen & tenebras,*  
quia vtrumque suscipiunt. Falsum est sicut falsum medium de mobilibus contrariis participare, non est diaphanum ad lumen, nisi vt medium ad mobile.

Opacum est quod luminis transitum impedit; optima definitio, quæ opaci naturam explicat apprimè; vt ergo opacum impedit luminis transitum occupato medio per quod deflueret, sublato non impedit quia in medio occurrens terminat medium, & de medio facit terminum, vltra quem lux progredi nequit, sublato verò de termino facit medium, & ideo pellucidum, quia lumen transire potest, medium ergo illud diaphanum non est particeps opaci, & lucidi, quia habet tantum rationem spatij. *Tenebras nullibi esse puras, easque esse lumen minimum.* Verum est nam nullum est corpus quod aliquius lucis particeps non sit, et si minimè atque insensibilis.

Finem libri 5. sic concludit, (*Omnia in luce iacere, id est esse lucis participia, omnia enim opaca corpora colore aliquo sunt infecta, color autem*



*omnis est lux opacata, quod alias probabimus, itaque cum vniuersum hunc terrestrem mundum color obuestiat, color autem omnis sit lucis & luminis proles, omnia quæ in coloribus, iacent etiam in lumine.*

Hæc de luce docuit Patricius Philosophus grauiissimis rationibus adductis, nec vllus quem sciam ante illum de luce tam recto & acri iudicio differuerat, optices cognitionem in illo desiderassem, quam si habuisset de multis melius iudicium tulisset.

His duobus Sebastianum Bassonem qui nouissimè aduersus Aristotelem scripsit adiungere commodum erit.

Hic lumen corporeum esse intendit, & pluribus rationibus euincit, l. 2. de cælo in-  
tensione 2. de lumine, quoniam verò lumen corpus existens penetrat, *vacuum vult dari*, vt Epiculus olim dixit, *per quod transmeet lumen*, lumen autem in instanti effluere negat post Scaliger. exercit ad Cardan. 298. art. 2. hæc est illius sententia quæ cum veritate in quibusdam consentit, in aliis verò ab eâ deficit.

Quæ de motu lucis instantaneo ait cum Scaligero supra refellimus, & quomodo motus luminis successiuus intelligendus sit, docuimus. Nunc ad Opticæ disciplinæ summos



magistros veniamus Alhazenum Arabem  
filium Alhayzeni, & Vitellionem Thuringo-Polonum.

### ALHAZENVS.

**F**ilius Alhayzeni Arabs qui, vt Risnerus annotauit in præfatione huius auctoris, floruit circa annum Christi CCCC, eodemque fere tempore quo Auincenna, Auen-Rois & Zoara vixerunt, opticam scientiam in libros 7. cum subtilissimo, acerrimoque iudicio digessit; sed ille qui lucem, & visibilia quatenus ad optica theoremata pertinent cum diligentia summa inspexit, lucis naturam, & essentiam non indicauit qualis esset, quoue modo in natura rerum subsisteret, aut in qua entium serie ab origine sua reposita esset; quasdam tantummodo actiones illius, & proprietates passim memorat, lib. I. c. I. proposit. I.

(*Lux per se, & color illuminatus feriunt oculos*) vtque hanc propositionem veram demonstret quamplurimis experimentis, & exemplis vtitur ex quibus concludit, lucem, & colores illuminatos agere & operari aliquid in visum, & oculos à luce pati; & hoc



amplius cap. 5. prop. 26. ait enim *visionem esse ex eorum numero quæ dolores faciunt. Lumen deinde extendi per totum medium, à corpore lucido ut cap. 5. prædicto, prop. 14. & ex proprietate lucis est pertransire in quodlibet corpus diaphanum, & similiter est proprietas formæ coloris, quæ associatur lumini, pertransire in corpus diaphanum, & ideo extenditur in aëre diaphano, sicut extenditur lumen, proposit. item 28. Quoniam formæ lucis & coloris extenduntur in aëre, & in corporibus diaphanis, & perueniunt ad visum.*

Ex his sane constat hunc Arabem sensisse lumen à lucido emanare, asserit enim illud diserte prædictâ propositione 12. *Visio fit radijs à visibili extrinsecus ad visum manantibus, & extensum est per totum diaphanum; quod feriat oculum lux, & dolorem oculo afferat per se immediate non moto medio, quid inde concludere posset ipse Alhazen, nisi corporeum aliquomodo esse lumen, ferire enim, tangere & tangi nisi corpus nulla potest res; alias explicare debebit qui hoc negauerit, quomodo lumen incorporeum corpus feriat, nam id fieri naturaliter impossibile est, ob dispositionem agentis, & patientis inter se; nec verò intellexit ille medium à lumine motum ferire oculum, nam*  
propo-



propositione 14. in expositione ita loquitur  
*(dignum est ergo ut non sentiat visus lumen rei  
 visæ, nisi ex lumine veniente ex ea ad visum,)*  
 & prop. 28. eiusdem ostendit diaphana ni-  
 hil efficere sed solum liberum transitum luci  
 concedere his verbis. *Dicamus ergo quod  
 corpora diaphana non immutantur à coloribus,  
 neque alterantur ab eis alteratione fixa, sed pro-  
 prietas coloris & lucis est, ut formæ eorum ex-  
 tendantur secundum verticationes rectas, & ex  
 proprietate est corporis diaphani, ut non prohi-  
 beat formas lucis, & coloris transire per  
 suam diaphanitatem, & illud non recepit formas,  
 nisi receptione ad reddendum, non receptione ad  
 alterandum,)* propterea si recipit formas ad  
 reddendum eas non ferit oculum, nec mo-  
 uetur à luce, aut specie permeante; & prop.  
 22. eiusdem ostendit diaphanum tale esse  
 natura sua.

*Diaphanitas autem non appropriatur alicui ex  
 his quæ pendent ex luce, & colore, quo diuersi-  
 ficetur à non diaphanitate, nisi quia forma lucis,  
 & coloris pertransit per diaphanum, & non per-  
 transit per non diaphanum. & quia corpus dia-  
 phanum recipit formam lucis, & coloris, & red-*

R

\* pyramides, ut ex 25. prop. intelligere oportet  
 \* species, hic loquitur de speciebus quæ cum lumine,  
 & colore deferuntur ad visum sub pyramidibus



*dit ipsam partibus oppositis luci, & colori, corpus autem non diaphanum, non habet istam proprietatem, ex hoc loco satis patet sententia Alhazeni de pellucido, id esse nimirum tale natura sua, & esse ad lucem ut medium, ad mobile, vel ut canalis ad aquam per quem defertur, atque adeo lucem non esse illius actum, & lucem non esse formam illius quae ab opaco differt.*

*Præterea lucem esse primum visibile, & colorem non videri nisi associatum lumini, operatur enim lux primo per se in oculum deinde color per luminis societatem.*

*Lucem verò contingere superficie sua superficiem opacorum, vel spissorum prop. 25. ita declarat, & similiter est quodlibet corpus diaphanum, in quo est aliquid spissitudinis, quando super ipsum oritur, lux pertransibit in eo, secundum quod est in eo de diaphaneitate, & figetur lux in superficie eius secundum id quod est in eo de spissitudine.*

*Quas quidem omnes propositiones ipsa experientia veras ostendit, & ex illis quid sit lux verissimè, & cum certitudine maxima haberi potest Hactenus de illo Arabe.*

### VITELLO.

*Eadem est Vitellonis, seu Vitellonis, ac Alhazeni sententia.*



Vult enim lumen diffundi, & lib. 2. definitione 1. Corpus luminosum ita definit, *quod est sui luminis diffusum*, & proposit. 6. lib. 3. in expositione, & *quia visibilia per se sunt lux, & color, & lux est hypostasis colorum, lux autem semper sphaericè diffunditur, ad omnem positionis differentiam, palam etiam sic omnes colores diffundi*, prop. item 2. huius lib. 3. ostendit à re visa lineas produci in visum.

Lucem verò in instanti ferri ostendit lib. 2. p. 2. quæ talis est (*lucem non impeditam per totum sibi proportionatum medium in instanti necessariam deferri*) non tamen intelligas medium aliquod esse disproportionatum, ita ut lux pertransire totum in instanti nequeat, sic enim falsum est, nam in infinitum fertur non occurrente opaco, sed ad lucis motum referendum hoc spatium sub quo sensibilibiter lux agat in visum, idque ex propositionis expositione manifestum fit, nam lucem debilem cum forti comparans utramque in instanti defluere dicit, sed per spatium proportionatum, lux autem debilis ad fortem est respectu sensus, non motus quia utraque in instanti fertur, non maior ergo vis ad motum in vna, quam in alia, sed ad sensum mouendum plus potest vna quam alia, respectu spatij.

R ij



Luminis deinde actiones, & vires clarè ostendit ac primo lib. 3. petitione 3. (*lucem fortem ledere*) deinde propositione 6. eiusdem, (*quamlibet lucem ita operari in oculos, ut passionem aliquam inducat etsi parum sensibilem.* Petitione verò 9. eiusdem (*sine contactu visionem non fieri, sicut nec aliquam actionem naturalem;*) Propositione verò 2. *ut res videatur actu, produci posse rectas lineas necesse esse, inter aliquod punctum superficiei rei visibilis, & aliquod punctum superficiei visus, quapropter tangit lumen defluens à visibili, visum, qualem verò oporteat esse rem contingentem visum proposit. 5. declarat, dum probare contendit.*

(*Impossibile esse visum rebus visis applicari per radios ab oculis egressos. Si enim aliqui radij egrediuntur ab oculis, per quos virtus visua rebus extra coniungitur, aut illi radij sunt corporei, vel incorporei. Si corporei tunc cum visus viderit stellas, & cœlum necessarium est ut à visu corporeum exiens impleat totum spatium uniuersi, quod est inter visum, & partem cœli visam, præter diminutionem ipsius oculi: quod impossibile est fieri, & etiam tam cito fieri (substantia & quantitate oculi manente salva) Si verò detur quod radij sint incorporei cum sensus non sit nisi in re corporali, tunc ipsi radij non sentirent rem*



*visam, ergo nec oculus corporeus mediante hoc  
incorporeo non sentiente poterit sentire: nec enim  
taliam incorporea reddant aliquid visui, quo visus  
posset comprehendere rem visam, cum visus non  
fiat, nisi per contactum visus cum forma visa:  
quia sine contactu non fit actio. Oportet ergo  
ut sit contactus formæ cum visu, sed si for-  
ma illa sit incorporea, nihil reddet visui,  
quia nullus est contactus incorporei cum  
corporeo, si nullus contactus nulla visio,  
ergo forma debet esse corporea, radij ergo  
seu potius lumen oculis incidens est corpo-  
reum; & si radij incorporei ab oculis exeun-  
tes visum non faciunt videre, ob nullum  
existentem contactum illorum cum re visa,  
ita si lumen defluens sit incorporeum ob  
nullum existentem contactum, rei visæ lu-  
cidæ, seu splendentis cum oculo, oculus ni-  
hil videbit. At oculus videt actione natu-  
rali, ideo est contactus. quare lumen defluens  
à corpore lucido, vel illustrato corporeum  
est, nec aliter stare possunt res prout in natu-  
ra illas videmus dispositas, à corporibus  
etiam non separavit lucem in eius origine  
Vitellonam lib. 2. prop. 3. dum agit de lucis  
emanatione propositionem his verbis con-  
cepit ( Omnis linea qua peruenit lux à corpore  
luminoso ad corpus oppositum, est linea naturalis*



*sensibilis, latitudinem quandam habens, in qua est linea Mathematica imaginabiliter assumenda. Lux enim non procedit nisi à corpore, quoniam non est nisi in corpore.) Ita à sole procedit lux quia ipsa inest solis corpori, & pars essentialis eius est.*

*Diaphanum verò definiuit definit. 2. l. 2. Corpus diaphanum est per quod lumini patet transitus, & eiusdem prop. 4. Corpora diaphana sunt apta penetrationi luminis, & coloris sine essentiali sui transmutatione.) in expositione illam transmutationem fixam intelligit, nam alias falsum esset diaphanum non alterari, est verò diaphanum per se tale non à luce, & ita intellexerunt optici contra Aristolis figmenta.*

*Lucem esse primum visibile statuit, & esse coloris hypostasim, id est, basim seu fundamentum lib. 3. per. 2. & 8. colorem non esse motuum visus nisi secundum actum lucidi, est enim forma coloris debilior forma lucis, ideo colore eget lucis hypothasi, ut efficaciter oculo occurrere possit est autem debilior forma coloris, quàm forma lucis quia color est quædam lux incorporata corporibus mixtis, ut ait prop. 1. lib. 3. Ex quo loco Keplerus suam prop. 15. c. 1. Paralipomen. in Vitellionem sumpsit, sed aduersus id diximus in nostris propositioni-*



bus prop. 29. & aliquomodo implicat cōtra-  
dictionem dicere lucem esse hypostasim, id  
est basim, seu fundamentū colorum, postea  
verò colorem dicere lumen incorporatum,  
nam si color sit lux incorporata, luce non  
indigebit vt sua hypostasi subiecto, & fun-  
damento; sed bene concluditur esse lucem  
mixtam omnibus corporibus coloratis quia  
color, & lumen sunt inseparabilia, atque de  
Vitellionis doctrina hactenus. Vixit ille an-  
norante Risnero circa annum Christi 1270.

Repræsentavi huc vsque veterum Philo-  
sophorum, quorum fuere semper nomina  
magnæ authoritatis apud sapientes, de lu-  
mine opiniones, vt in promptu essent nostra  
legentibus, qui, collatione facta veterum  
doctrinæ, cum nostra de luce plures ad no-  
stram accessisse, vel potius ad illorum sen-  
tentiam nostras rationes maximè conferre,  
cognoscent, nosque planè demonstraſſe fir-  
mis argumentis, & experiētiis certissimis,  
id quod asseruerunt, rationes verò afferre,  
aut neglexerunt, aut allatas iniuria tempo-  
rum cum libris eorum consumpsit, Alhaze-  
num quoque & Vitellionem adducere è re  
nostra prorsus erat, summi etenim illi Opti-  
ces Magistri, luminis proprietates omnino  
intuiti erant, & multis, multisque repetitis



experientiis veritatem tandem magno labore conquistam inuenerunt, quantumque cum veritate propositionum nostrarum conueniant illorum dogmata iam perspicuum est, & apud quos authoritas scriptorum plus potest quam vis rationum, & sensibilibus argumentorum videbunt ab omnibus nos non dissentire, et si non cōueniamus cum omnibus, si enim vnum Aristotelem cum sua secta eximas, cæteros à nobis declinare nullus ita sentiet, quin tamen in præcipuis conueniret agnoscat. Sit ergo hic terminus.

---

*Thomæ Giannini Ferrariensis oppositionibus responsio.*

**F**Inem imposueram huic commentariolo de Natura Lucis cū incidit mihi in manus Thomæ huius liber in quo tres disputationes continentur, Prima de lumine, & speciebus spiritalibus; Secunda de mente effectrice, & speciebus intelligibilibus. Tertia de Dæmonibus, & mentibus à materia separatis.

Hic Aristotelis dogmatibus tam arctè addictus est, vt ne latum vnguem ab ipso discedat



discedat ob conceptam de illorum certitudine, & veritate opinionem, tantum equidem tribuit Peripateticorum principi ut dicat ipsum (nunquam, aut raro falli, & fallere nescire cap. 9. disput. de lumine, quæ hæc stupiditas, aut insania? quis etenim hominum labi, & errare nescit? deploranda sane cæcitas huius, & aliorum qui hunc virum adorandum sibi statuerunt. Rerum existentiam, & essentiam in scriptis Aristotelis quærunt, librum interim naturæ hunc vniuersum mundum non inspiciunt, etsi non mutatus, aut corruptus sit, eodemque tenore perduret. Quid præterea his contingit? quicquid ignorauit Aristoteles hi nesciunt, & discere negligunt. Contumeliam grauem naturæ faciunt cuius effectus Aristotelis regula metiuntur, non verò illâ, quâ mensurat illos natura.

Sed ad hunc Gianninium veniamus cap. 3. disputation: de lumine affert rationes illorum qui lumen substantiam dicunt, Primam, *lumen ita esse in aëre ut adsit, & non insit quia ad motum aëris non mouetur, sed in se manens ex una aëris parte in aliam immigrat*, quam rationem supra quoque attulimus.

Secundam plurimas substantias fieri à lumine, & quod non est substantia nullam habere

S



*vim substantiam producendi.*

Vt primæ respondeat ; negat cap. 14.  
*per se subsistere lumen, & ex una parte aëris in  
 aliam immigrare, nam cum assidue fiat, pendeat-  
 que ex lucido corpore hoc translato desinit ibi esse  
 ubi ante erat, recensque ibi oritur ubi non erat, ex  
 quo fit ut loco videatur moveri, inest vero aëri,  
 quia actus est in eo, cuius est actus, quamquam  
 hoc moto minimè moueatur, tum quia ex ipso non  
 penitus pendet, tum etiam quia non habet essen-  
 tiam fixam, & permanentem.*

Hæc solutio futilis est, & fundamentum  
 cui innititur falsum quod præmisit cap. 10.  
 dum facit, & construit duos accidentium  
 status, alterum dum fiunt, alterum quando facti  
 sunt, hæc ( inquit ) in statu priore pendent ex  
 causa ipsorum effectrice, in posteriore ex subiecto,  
 luminis vero status semper est in fieri, quare à sub-  
 iecto in quo est, non fulcitur. Sed pendet à causa  
 effectrice.

Vt igitur hæc solutio euertatur animad-  
 uertere oportet quomodo accidentia de-  
 pendeant à causa sua, & subiecto cui in-  
 hærent.

In eo accidens substantiâ inferior est quod  
 à duobus dependeat, hæc verò ab uno ; nam  
 si mul ac causa quælibet substantiam genuit  
 hæc per se subsistit, & ab alio nullo depen-



det, quàm à producente, accidens verò à  
 causa efficiente dependet vt generetur, & à  
 subiecto recipiente cui inhæret; si etenim  
 aliqua causa accidens aliquod producat, sed  
 subiecto careat, quod accidens recipiat, de  
 illo idem dici potest quod Hippocrates de  
 octimestri partu dixit lib. *ὅτι προφῆς ἐστὶν*  
*ὅτι οὐκ ἐστὶν ὁ καὶ μὲν οὐκ ἐστὶν*, nam producit,  
 & non producit, & efficiens ita dependet  
 à subiecto vt sine illo terminum actionis at-  
 tingere nequeat si accidens producere inten-  
 dat, & accidentia dum fiunt, non sunt in  
 alio, quam in subiecto cui inhærent, veluti  
 calor qui producit ab igne in corpore op-  
 posito, non fit aut est accidens corporis cale-  
 facti nisi in ipso, et si pendeat productio illius  
 à calore ignis, sed calor qui in igne, non est  
 accidens in corpore cui ingeneratur ab eo-  
 dem igne calor, et si hic in fieri pendeat à ca-  
 lore ignis, nec possunt accidentia esse in fie-  
 ri, aut facto esse quin subiecto opus habeant  
 quo sustineantur, & quo instanti producit  
 aliqua effectrix causa accidens, in subiecto  
 cui inhære debet producit. Quod si acci-  
 dens genitum causa effectrice sustineretur  
 tanquam subiecto, quænam foret illa inhæ-  
 sio; Extra se producit effectrix causa acci-  
 dens, & tamen huius producti est subiectum,

S ij



illa sunt contradicentia, & impossibilia; alias fieri posset, calorem productum ab igne extra se in corpore remoto, igni inhaerere posse, quod manifestam impossibilitatem continet, propterea falsum est, lumen si sit accidens in aëre ab illo non pendere, etsi velit Gianninius lumen esse tantum in fieri, quod idem ipsi est ac factum esse, etsi enim in instanti effluat extra luminosum effluit, & perdurat effluxus. Pendet itaque lumen à causa effectrice ut productum, non verò, quamuis accidens esset, ut accidens, nec habet causa effectrix rationem subiecti respectu producti luminis, si ergo lumen sit accidens debet aëri inhaerere, & ab ipso penitus pendere quatenus accidens, etsi productum sit in instanti accidens non minus eget subiecto, quam si successiuè producat.

Quoniam itaque fateatur moto aëre lumen non moueri substantiam fateatur necesse est, non enim pendet à sole, & lucidis nisi quatenus à producentibus causis, debuerat insuper contemplari lumen, & calorem, & animaduvertere differentiam quæ intercedit inter illa, lumen etenim pendet à lucido solo, ab eo effluens continuo, & non interrupto effluxu: unde fit ut interueniente opaco lumen abeat, remoto accedat, nulla tenus au-



tem dependet à medio, aut termino quem tangit, nam motum, & alterationes eius non sequitur; Calor verò producitur à sole in subiecto, penderque à sole, vt causâ efficiente, & à subiecto corpore, nam sine illo frustra esset actio solis calefaciens, non sequitur calor motum solis, & luminis, nam his remotis ille remanet, sequitur verò motum subiecti, ex qua differentia satis patet, lumen à lucido solo, à quo nunquam diuellitur, dependere vt substantiam, quia subiecto inhæ- sionis non indiget; calorem à lucido vt accidens quod subiecto indiget, nempe corpore quod ipsum recipere possit; non potest ergo lux aut lumen esse accidens.

Secundo argumento respondet, *negando lumen vi propria, & veluti causam principem generare substantias, sed virtute cœlestis corporis, & vt huius instrumentum, in cuius virtute omnia continentur, q̃ acumque agentium naturalium affectione generantur*, deinde absolute negando, *lumen habere vim calefaciendi, & nihil conferre ad substantiarum generationem, sed tantum ad illuminationem*,

Experientia hanc responsionem confodit, & falsitatis manifestæ arguit; lumen enim calefacere quis negare potest cum in speculis concavis, & vitris lenticularibus ignem



accendi videat? quis præterea, cui rationis scintilla adhuc in animo splendet, non sentit, & animaduertit, lumen solis ita calefacere vt fugere illius radios sæpe cogatur, & in vmbra decumbere, lumen illud tantopere confert ad productionem substantiarum, vt plantæ, & animalia quæ in vmbra semper iacent debilia, & infirma sint, lumen solis incidens validum, & forte in oua bombycina excludit, calefaciendo igitur ad substantiæ generationem confert lumen, ita vt aliquando etiam compositi substantialis pars sit, vt in lampyri, seu noctiluca, piscibus marinis, felium oculis, & omnibus etiam corporis partibus, attrito namque leuiter, & conuersim pilo scintillæ, ex felium cute micant, quæ animalis huius viuacitatem demonstrant; maximam verò partem substantiæ componit animalis illius Americani, de quo supra diximus quod Cocuyo dicitur, non ergo solus lumini effectus est illuminare sed etiam calefacere, & ad substantiarum generationem conferre.

Cùm hic negasset lumen esse substantiam negauit proinde esse spiritalem, & vel corpoream iisdem rationibus fretus, ac Aristoteles, non vult esse corpus, quia daretur motus corporis in instanti, & penetratio corpo-



rum, sed his iam satisfacimus, negat esse spiritalem, quia à sensu non caperetur, quæ ratio aduersus nos non pugnat.

Cap. 13. lumen propriè reflecti negat; *Reflexio* ( inquit ) *minus propriè tribuitur lumen, nam hac solius corporis est affectio, nec alicui rei corporis experti verè tribuitur, lumen autem videtur inflecti, non quia incidens in corpus solidum & opacum, inde resiliat, sed quoniam illustrando huic corpori tribuit vim qua lumen non dissimile potest in perspicuo gignere.*

Hic sane in Opticis suam prodit ignorantiam, nam si lumen verè, & propriè non reflectitur & resilit, sed confert tantum corpori cui incidit, vim eandem illustrandi, corpus illud illuminans ex virtute sibi communicata debet illuminare sphericè, vel per hemispherium sicut illuminans primo, & per se, illuminat: Contra verò iisdem angulis illuminat repercuriendo ad plagam oppositam, non sphericè, aut per hemispherium, vt patebit si ad plagam solis speculum planum illuminantis steteris, lumen etenim reflexum nusquam senties, quia progreditur ad plagam oppositam.

Negat lumen omnino effundi, & aliquid à lucido effluere, quia negavit esse corporeum, & ideo moueri non posse; deinde ait,



*vel cum corpore effluet, vel sine ipso, si primum tandem lucidum absumetur, & corpora penetrabit effluens, deinde motus daretur in instanti. Si sine corpore lucidum effundat lumen, toto tandem effuso extinguetur.*

Ad primam partem dico moueri lumen per medium, & esse in ipso quasi mobile, & esse lumen corporeum ideo moueri, & incorporeum & ideo in instanti ferri, & propterea effluere à lucido.

Ad disunctionem dico effluere lumen partem substantiæ lucidi, sed illam etiam continuo reditu reparari, alius luminis quod per vniuersum effusum est, atque adeo nunquam absumetur, aut extinguetur corpus lucidum.

Nulli autem mirum videatur, si dicamus de lucido veluti de sole aliquid diffundi, quicumque maculas solis considerauerit, aliquid substantiæ eius effluere agnosceret, & ad cometarum generationem conducere, satis probabiliter dixit, vir hoc nostro sæculo clarissimus, & excellentissimus.

Tandem festius est Gianninius, cum lumen ens simplex, nullisque contrariis mixtum in tribus collocat categoriis, quantitate, actione, & passione; in quantitate quia ab illustratione subiectum denominatur quale:

iii



in duabus sequentibus, quia actus est agentis, & in patiente recipitur, parimodo, omnia entia erunt in omnibus categoriis quod est absurdum.

---

*Comparatio lucis, cum animo, seu intellectu humano.*

**L**Vcis operationes, quæ cæterorum agentium effectus præstantia sua longissimè antecellunt, tam necessariae sunt huic universati, ut sine illa totam mundi machinam mortuam iacere oporteat, si etenim nullum esset lumen, quam vitam hoc in mundo, & in eius partibus concipere possemus? si lucem aliquis auferat, calorem destruit, ac proinde omnem rerum productionem, extensionem, & motum excludit: mortem igitur omnibus infert, vitamque omnibus adimit. Lux itaque anima est mundi, quæ calore suo, omnia producit, fouet, & conservat, non terrestria solum, sed omnia æthereæ, quæ lucis auxilio destituta, ad nihilum relaberentur; extincta namque eâ sol, & cætera astra perirent, quippe suâ essentiali forma priuarentur; quare mortua, & extincta luce solari & cæterorum astrorum totus

T.



mundus tenebris inuolutus in chaos iterum  
pessumdaretur, nec amplius esset mundus  
pulcherrimus, & aspectabilis.

Scriptura equidem sacra, lucem tanquam  
animam mundi à Deo conditam ostendit,  
cùm creatis cœlo & terra informibus, ina-  
nibus, non secretis ab inuicem, mortuis, at-  
que inertibus, dixit Deus verbum illud pro-  
lificum *fiat lux, & facta est lux*, & statim se-  
quuntur motus inchoationes, rerū omnium  
informationes; Exinde summa ab infimis  
separata sunt, & in ordinem omnia coacta;  
vnum quodque elementum efformatū pro-  
duxit secundum semina genitalia quæ ha-  
buit. Quid pulchri itaque fuisset in in mun-  
do, si lucem Deus non produxisset? quis or-  
natus? quis ordo? frustra fuissent rerum se-  
ries, figuræ dispositiones, & alia quorum  
grata, & blanda pulchritudo in luce cernitur.  
Chaos indigestum luce creata Deus concin-  
navit, & hunc mundum aspectabilem fecit;  
cum luce diffusa à medio ad extremas mun-  
di oras, calor genitabilis infusus est rebus  
cunctis, *qui eis incussit blandum per pectora  
amorem & efficit ut cupide generatim sæcla pro-  
pagent. Lucret. lib. i.* Lux facta est anima  
mundi rerum omnium suauissima iucundis-  
sima, & gratissima, sine qua nihil pulchrum,



nihil iucundum, aut suaue; omnia etenim  
torpent, & deformia sunt, ideo in tenebris  
oculis nostris se subtrahunt deformitatis sue  
conscia. Age si hyemem æternam cogitas,  
nonne miserrimum vitæ statum putas, &  
quasi horrore frigoris interceptus totus tre-  
mis, & sensim torpescis. Quid longas no-  
ctes sæpè quereris cum illo comico Strepfia-  
de ἰού, ἰού, ὦ ζεῦ βασιλεῦ τὸ χρεῖμα τῶν  
νυκ-  
τῶν, ὅσον Ἀπέρχεται ἡδὲ ποτ' ἡμέρα γενήσεται;  
Aristoph. in nebul. *eheu eheu Iupiter spatium* **Rex**  
*noctium quam immensum est, nunquamne dies*  
*exorietur, molestiamque, & tædium quod*  
*hominibus afferre solent? Si lux à mundo*  
*abesset, quomodo longam illam, & perpe-*  
*tuam noctem vitæ sustinere posses? Non ita*  
*existimo te credere, sic quemquam victurū;*  
*perpetuam quinimo mortem cogitas, dum*  
*tenebras æternas huic mundo circumfun-*  
*dis. Sine luce itaque nulla est vita, sed per-*  
*petua mors. Quapropter infundit illam*  
*Deus creatæ materiæ, ut hæc mortua, & in-*  
*formis amplius non esset, utque omnia à se*  
*inuicem secreta, motu agerent, & vitæ be-*  
*neficio potirentur.*

Profecto cū illam intueor, & illius  
proprietates, & affectiones, maximam cum  
anima nostra affinitatem, & cognationem

T ij



habere eam mihi videtur. Etenim si lumen in sole confidero, & astris, vel etiam in ignibus nostris, video illud eorum esse animam, formamque essentialem, illo moueri, agere, & in alia actiones suas exercere; calore præterea congenito, non solum illa, sed vniuersum etiam mundum animare, vitam omnibus vegetabilibus, & animalibus infundens.

Ita animam nostram humanam igne, ac calore suo, animata nostra corpora, vsque ad extremas, & minimas membrorum partes mouere, in illa agere, & ad alia ferri.

Vt verò singulas lucis affectiones ordine percurramus, ad illius effluxum animaduertere oportet, ipsa enim à lucentibus corporibus decurrit sine interruptione vlla, ita vt ab ipsis hiatu aliquo non diducatur continuitas illius. Anima quoque nostra effundit luces dum in obiecta quæ cognoscere cupit fertur, sic tamen vt non interrupta sit illa productio actionis animæ, imo tunc quasi continuitate quadam intellectus cum re coniunctus est, etsi verò lux extra lucidum producat, & animi nostri operationes, sint internæ, & immanentes, dum tamen sibi repræsentat obiectum, illud extra se positum contemplatur, & in se quasi extra se ad illud se mouet, & producit.



Lux effluit per lineas rectas, & sphæricè dilatatur. Animus quoque noster per lineas rectas agit, & rectà se in res cognoscibiles diffundit: At videtur fieri non posse, ut sphæricè dilatetur, nam ex quo emanat animi nostri operatio, obiectum contemplatur, & in eo sistitur, qua ratione oculi cum obiecta intuentur perfecto actu visionis, non extenditur sphæricè eorū operatio, quin etiam visione imperfecta, plus hemispherio sibi opposito videre nequeūt, aliquo vero privilegio gaudet animus quo non fruuntur oculi, potest enim contemplari non tantum quæ in fronte occurrunt, sed etiam ea quæ lateribus opposita sunt, retroque iacent; quamobrem non hemispherium tantum imperfectè lustrare potest, sed totam sphæram, non præsentia, sed præterita, & futura, quæ velut duo hemispheria, præsentium magno circulo tanquam communi vinculo coherent, totamque sempiternitatis sphæram componunt; deinde oculus ne dimidium quidem sphære materialis, cuius diameter pupillæ diametro maior existit, comprehendere simul potest. Animus verò sphæram totam unico intuitu, & actu comprehendit, illiusque productionem emanatione linearum infinitarum à centro, & superficie extensione,



Nec minus sistit se animus noster in rebus quæ cognosci possunt, ut eas cognoscat, ubicumque illæ sint, quam lux in effluxu suo quæ ubique terminari potest, occurrente corpore quod lumen terminare possit. Hoc autem terminatur contactu superficiei suæ, cum obiecti superficiei, eodem modo, quodam contactu, & adhesionem cum re, animus in ea terminatur.

Et lux effluens infinitis pyramidibus terminatur Dei egregia providentia, ut res sint oculis comprehensibiles, infinitas etiam extra se pyramides anima profundit, ut earum verticibus quod est in rebus primum, & tenuissimum complectatur omnes enim proprietates, accidentia, & effectus qui à rebus promanant considerans, ab illis tanquam à basi facto initio, ad rei essentiam progreditur omnes in una essentia, proprietates adunans, quasi in pyramidis apice.

Lux quædam corpora traiecit, quibusdam terminatur, & illa dicuntur pellucida, hæc opaca, non secus animus noster, quædam traiecit, ut sunt notiones communes, (Totum sua parte maius est, Æqualia uni tertio, inter se æqualia sunt, Magnitudines quæ inter se conveniunt sunt æquales) & similes alias, & principia quæ in scientiis notissima



sunt. Illa etenim transmeat intellectus in instanti, & quo pacto lux, per pellucida ad opaca defluit in quibus terminatur, ita intellectus per illas communes notiones, & notissima principia, ad obscura, & ignota, quæque vix penetrari se sinunt decurrit.

Lux fortis debilem intercipit, & opprimat, ita quorumdam debilissimum, vel nullum lumen, à magnorum & illustrium virorum forti lumine destruitur, nec inter illos lucet.

Ecce iam lux decidens in opaca non quiescit sed repercutitur, angulis incidentiæ, & repercussionis vtrunque æqualibus. Ecce etiam animus humanus in obscura, & ignota incidens, non ibi quiescit sed resilit, & ab ignotis rursus ad notiora pergit, ut lumen ab opacis rursus in pellucida recurrit, & repercutitur intellectus angulis æqualibus, ad analogias, similitudines, & æqualitates, & quale incidens obiectum primo aspectu concepit, cum ad essentiam illius penetrare nequeat resilit ad notiora, & simile aliquid huic primo conceptui, quod se scire putat, quærit, & ex obiecto in aliud, vel in seipsum sæpè recurrit.

Quævis lucis latitudo per reflectionem congregari potest in punctum Mathematicum.



cum. Ita intellectus nostri lux extensa, recurrens ab obiecto, & in vnum contrahens quicquid de illo notauit in vnum punctum congregare potest, quod sit rei perfecta cognitio, quo modo in puncto congregationis lucis perfectissima est ipsa, & eius operatio in gradu summo.

Lux nulla vi externa quassari potest dum pillucida traiecit, intellectus noster non quassatur dubitationum fluctibus dum per communes notiones traiecit.

Lux non est in mediis vt in subiecto sed quasi mobile, ita intellectus noster est in illis notionibus communibus vt mobile nam his non immoratur. Neque animus noster est in mediis spatiis, quæ rem à nobis disiungunt, vt in subiecto, illis enim non inhæret, nec in eis moram trahit, sed velut mobile: quia in quo loco cogitat, & est, de alio in instanti cogitare potest, quem scit à priori multis spatiis diffitum, & ad quem in puncto temporis fertur.

Non est itaque motus intellectus nostri corporeus nam in instanti non fieret, quemadmodum & lucis motus, non est similis motui corporum, nam à lucido in oppositum opacum in instanti fertur. Nec minus immateriata est productio intellectus nostri  
quam



quam lucis dum effluit ob causas prædictas.

Sed lux materiei conditiones accipit dum terminatur nam agit successiuè, coextenditur, repercutitur tangit. Videamus etiam intellectum nostrum dum in se, quasi extra se, ad res maximè distantes extenditur, in instanti fit ille motus, nec successiuè à Lutetia Parisiorum ad Sinas, aut si longius fertur ad insulas Salomonias dum de his primum cogitat peruenit, sed in puncto temporis omnia illa spatia transcurrit, & Sinas habet presentes, aut Salomonias maris Pacifici insulas, non omisit tamen spatium, scit enim à Lutetia Parisiorum toto semicirculo distare Salomonias, at cum intellectus terminatur in obiectis illis tunc corporei motus fit particeps & agit successiuè, non enim rem secundum partes eius cunctas postea cognoscit in instanti, sed solum successiuè; & hæc intellectus operatio tota similis est oculorum operationi, nam hi in instanti obiecta vident, & illa prima, & simplex obiectorum comprehensio non fit successiuè. Sed ut oculus obiectum comprehendat perfecta visione, & perficiatur intuitio, oportet ut axes pyramidis visualis successiuè circumducatur super omnes partes obiecti. Ut demonstrant Alhazen. lib. 2. cap. 3. proposit. 63. &



sequentibus, & Vitello lib. 3. proposit. 51.  
52. & sequentibus ad 65. Vt enim intelle-  
ctus suam actionem in aliquod obiectum in  
instanti protulit, non simul totam rem com-  
prehendit, sed diutius illi immorari necesse  
est, & vim suam intellectiuam circumduce-  
re debet, per omnes obiecti operationes affe-  
ctiones, proprietates & cætera alia quæ ipsi  
conueniunt, non aliter atque oculi axes py-  
ramidum visualium super obiectorum su-  
perficies circumducunt, moto huc, & illic  
pupillæ centro.

Lucis motum non impediunt solida vt  
talia, sed vt opaca, ita obiecta motum intel-  
lectus non impediunt quatenus cognoscibi-  
lia, sed vt obscura & cognitu difficilia.

Lux à densis pellucidis dum traicit ali-  
quam patitur resistantiam, si ex medio di-  
uerso veniat. Ita intellectus si ex notissimis  
ad alia minus nota veniat, aliquam patitur  
resistentiam, & difficultatem, & à simplici  
comprehensione deflectit ad complexam.

Luminis densitas, & fortitudo minuuntur  
dum illud effluit à corpore lucido in ratione  
dupla distantiarum, & ita sensim debilitatur  
lumen vt actionem in sensum efficacem in  
certa distantia edere nequeat. Pariter intel-  
lectus humanus quia corpore inuolutus est,  
cuius organis etiam utitur, paulatim defi-



est, & nullam actionem certæ cognitionis edere potest in objecta quæ quidem per se sunt notissima, sed à corporibus remotissima, & simile aliquid, atque oculus patitur, qui rem per se maximè visibilem, nisi sub certa distantia comprehendere potest, alias hallucinatur sæpè, & aliter quàm est comprehendit.


De luce nihil perit, sic de intellectu nostro nam in se non habet principia corruptionis, est enim, vt & lux, substantia simplex, & contrariis non mixta, & immaterialis, sed ex coniunctione cum corpore huius motus sequi cogitur, quemadmodum lux, quæ substantia media inter corpoream, & incorpoream, in corporibus mixta aut ea contingens materiata, & corporea, rationes, & motus corporum induit; extra corpora verò illam terminantia agit vt incorporea solutus etiam à corpore animus ager per se totus spiritualis, & incorporeus, & corporis affectiones non amplius sequetur, neque porro occurrent opaca, & ignota quæ ipsum morentur, & impedian: vtetur enim alio medio nitidiori, & lumine gloriæ collustrabitur, nostro hoc mundano tanto excellentiore, quando hic noctis obscuritatem splendore suo vincit.




## E R R A T A.

Pag 6 l. 7. lege prouecta, pag. 8. p. 4. in fine dele sphæricam,  
 p. 18. l. 13. ex A in D repercutitur, p. 4. l. 13. æqualibus in p. 28.  
 l. 21. agitato, p. 29. l. penult. generabili, p. 35. l. 17. liberatio, p.  
 36. l. 5. diuersoque mouetur motu, p. 38. l. penult. quæ accidunt,  
 p. 40. l. ult. exhaustiuntur, p. 42. l. 13. afficitur, in p. 47. l. ult.  
 dele vt, p. 49. l. 1. assumuntur, p. 51. l. 13. posset, p. 53. l. 12. diutur-  
 num, p. 58. l. 13. motus ille, p. 59. l. 11. dele lumen, p. 60. l. 8. luce  
 l. penult. ab eâ, p. 61. l. 18. moueri, p. 6. Ratio à proportionē,  
 p. 68. l. 12. in illa, p. 70. l. penult. colorem autem, p. 71. l. 3. co-  
 lor, p. 75. l. 16. rectoribus, p. 76. l. penult. repercussio, p. 77. l.  
 19. quoduis, p. 81. l. 2. extenuanti, p. 83. l. 10. collisionem fieri,  
 p. 83. l. 25. condensatum est, p. 86. l. 10. quot, p. 89. l. 12. existen-  
 te vsq. iam, p. 102. l. 11. definiuit, p. 103. l. 7. etenim formalis, p.  
 110. l. 14. efficere potest, p. 111. l. 12. terminatur, p. 115. l. 7. ipsis  
 peripateticis, p. 122. l. 11. incidentium, l. 15. nulla, p. 123. l. 21.  
 imminutum, p. 124. l. 19. solatem, p. 130. l. penult. seu Vitellio-  
 nis, p. 131. l. 19. propositionis, p. 134. l. 1. transmutatione, p. 146.  
 l. 6. l. terra, p. 147. l. 9. *Ἐασιλευ* l. 11. infudit.















17  
16. 6. 1674  
Amsterdam.







865 . 895  
123 68  
907  
155  
0900